

WANTOK

NIUSPEPA BILONG YUMI OL PAPUA NIUGINI STRET! 30 YIA NAU

32 pes

Namba 1,363

Wik i stat long Fonde Ogas 10, 2000

70t

**Famili bilong 3-pela
ami askim Mekere
long marimari**

pes 2

**Papagraun askim
pe long
Misima Main**

pes 3

**Morobe politiks
i paia lait**

pes 9



**Lukim ol toksave
bilong senses insait**

Madang gavman yusim K69,391.02 long stretim hevi bilong Gavana Kas

**WENCESLAUS MAGUN
i raitim**

EKTING Gavana bilong Madang,
Pengau Nengo, i tok, Madang gav-

man i bin yusim K69,391.02 long
stretim olgeta hevi Madang
Gavana, Jim Kas i bin bungim long
Sande 9 Julai 2000, taim ka bilong
em i kapsait we wanpela bisnis-
man bilong Simbu, Alois Kiangua i
dai.

Em i tok dispela K69,391.02
Madang gavman i yusim, i kam
long baset bilong Lo na Oda insait
long akaun bilong Disasta na
Imejensi long Madang na i no mani
bilong Disasta na Imejensi olsem
ol nius ripot i bin tok.

Mista Nengo i tok tu olsem
Madang gavman i bin yusim dis-
pela mani long stretim hevi bilong
Mista Kas long dispela taim bikos
dispela hevi i bin bikpela tru.

"Madang Provinsel Gavman i
gat duti na wok long ol pipel bilong

Madang na olsem i gat wok long
lukautim ol propeti na pipel long ol
birua pasin ol ausait lain inap long
kamapim," Mista Nengo i tok.

Em i askim ol pipel bilong

I go moa long pes 2

Ol kakaruk long Manus i gat sik

Nesene Agrikalsa, Kwarantn na
Inspeksen Atoriti (NAQIA) na ol
provinsel atoriti long Manus i
kamapim pinis sampela rot bilong
stapim sik bilong ol kakaruk i kalap
long ol arapela hap long kantri.

Long las yia, ol kakaruk long sam-
pela hap bilong Manus i bin kisim
wanpela sik na idai. Na dispela i bin
givim strongpela tingting long ol
provinsel atoriti na NAQIA long
mekim ol wok painimaut wanem kain
sik i kisim ol kakaruk na tu stapim dis-
pela sik long kalap long ol narapela
hap bilong provins na kantri.

Dokta Kola husat i bos bilong
NAQIA i tok ol rot we NAQIA na ol
atoriti long Manus i skruim long tram
stapim sik i go aut em long karimaut
ol pablik aweanes, Banisim ol eria we
sik i kamap long en hawas long wok-
about bilong ol pipel, kago long bris
we i laik putim long ol kostel-sip na
ples balus, kakaruk we ol pipel i laik
salim namel long ol ples sik i kamap
long en na ausait, was long nupela
sik bilong ol kakaruk na ripotim i go
long ol DPI lain we i save lukautim
dispela wok, strongim ol papa bilong
ol kakaruk long kilim ol sik kakaruk na
kisim ol nupela Australorp kakaruk
we ol bai was long binatang nogut we
i kamapim sik bilong kakaruk na
bihain long ol dispela, karimaut sevei
long painimaut sapos ol ples ya i fri

long sik bilong kakaruk.

Dokta Kola i tok ol tes we ol NAQIA
woklain i mekim i soim olsem ol
kaakruk i no bin kisim sik Nu Kasel
Disis (NDV) o Avian Influenza (Faul
Plague) em tupela sik nogut we plan-
ti kakaruk i save dai long en tasol i no
kamap yet long PNG.

Dokta Kola i tok i luk olsem ol
kakaruk i bin kisim sik ol i kolim long
Infectious Bursal Disease (IBD) o sik
Gumboro.

Ol wok long painim trupela as
bilong sik ya i go het tasol sapos em
i tru dispela bai namba wan taim sik
IBD long kakaruk i kamap long PNG.
Na ol atoriti bai kamapim rot long
fraitim stapim.

Dokta Kola i tok sik ya i no nogut
tumas olsem NVD na Fowl Plaque,
em ken kilim planti kakaruk na em bai
bagarapim komesel prodaksen
bilong kakaruk long kantri.

Em i tok ol pipel i no inap long kisim
bagarap na ol i ken kaikaim mit na
kiau bilong kakaruk wantaim sik.
Tasol sik i ken kalap long ol klos, su
na sapos ol i karim laip kakaruk long
wanpela ples insait long Manus i go
long narapela na tu ausait long
provins.

Dokta Kola i tok em i amamas long
gutpela sapot we ol provinsel atoriti
long Manus i givim long helpim ol
opisa bilong NAQIA long dispela wok.



Tingim ol wanwok • Komandant bilong PNGDF Ea trena wing, Mesa Mark Sipou i rausim laplap we i karamapim wanpela monumen o mak we i gat nem bilong olgeta lain na wanwok husat i lusim laip bilong ol long taim bilong wok. Dispela seremoni i bin kamap long statim selebresen bilong makim 25 yia bilong ea trena. Kainkain pilai bai kamap long dispela i go inap Sarere, 12 2000 we wanpela bikpela pareid bai kamap long 8 mail. Foto IVAN BAYAGAU

**Nestlé
MILO**

IKEN WOKIM GUTPELA SAMTING LONG YU

PLIS RIPO

Mosbi:

Wok long stil, holap na kriminel pasin i go antap moa long Mosbi gen, Komanda bilong plis insait long Sentrel Provins na Nesenel Kapitel Distrik na Asisten Plis Komisina Tom Kulunga i tok.

Tasol em i tok ol plis tu i strongim sait bilong ol long traim daunim ol dispela hevi.

Inspekta Kulunga i tok ol plis i holim pasim plan-ri raskol husat i wok long karimaut ol dispela bikhet pasin.

Long Gordons, ol plis i bin holim pasim tripela long foapela raskol husat i bin wokim holap long Gutyia taia Sevis. Ol lain ya i wok long ronawe taim plis ka i bungim na banisim ol na holim pasim tripela bilong ol taim wanpela i ronawe. Ka we ol stil man ya i bin yusim long wokim holap em ol bin stilim tu.

Mosbi:

Plis i bin holim pasim wanpela man Simbu bihain long em i ronawe long plis sel long Septemba las ya.

Plis i no autim nem bilong em tasol ol i tok em i gat 28 krismas na em i bilong ples Gorge long Simbu.

Mista Kulunga i bin tok plis i wok long painim dispela man long planti ol stil na raskol pasin we em bin stap long en. Dispela em long stil pasin we i bin kamap long Gerehu Stop and Shop we ol raskol i bin ronawe wantaim K10,000 na tu PNGBC ATM long Gordons holap.

Plis i bin holim pasim em long Gerehu Renbo long dispela wik Mande na sasim em long tupela sas bilong holim samting bilong pait na wokim stil pasin na tu ronawe long plis sel.

Morata, Mosbi:

Waigani plis long dispela wik i bin holim pasim tupela saspek husat i bin stap insait long grup we i bin bagarapim meri long Morata setelmen long Mande nait.

Mista Kulunga i tok ol raskol i bin pulim meri long haus na ol manki i bin bung na bagarapim em long hap maunten baksait long setelmen.

Em i tok sampela lain i bin toksave long plis long dispela samting na ol bin holim tupela man tasol taim ol arapela i ronawe.

Plis i tok tupela yangpela man i gat 17 krismas na ol i bilong Isten Hailans i kisim sas long pulim meri na bagarapim em.

Long wankain taim tu, plis i bin holim pasim na sasim tupela saspek long Saraga, Six Mail bihain long ol i pulim bek bilong wanpela meri na stilim K80 long en.

Sampela lain i bin putim toksave i go long plis na ol bin holim pasim tupela yangpela man we wanpela i bilong Fane long Gollala Distrik long Sentrel Provins na narapela em i bilong Asaro long Isten Hailans.

Kimbe, Wes Nu Briten:

Plis long Kimbe Wes Nu Briten i lonsim wanpela spesel operesen ol i kolim long "Stretim Sindaun" long daunim hevi insait long provins.

Operesen i bin stat long Julai 17 na bai pinis long Septemba 21.

Provinsel Plis Komanda Ben Simanjon i bin tok amamas long ol bisnis haus na komyuniti long sapatim dispela operesen.

Famill askim Sir Mekere long lusim sas bilong tripela ami i kalabus

WENCESLAUS MAGUN i raitim

MERI bilong Kepten Bola Renagi, Misis Anna Renagi, husat i makim maus bilong meri bilong Namba Tu Leftenen, Linus Osaba na meri bilong Kepten Belden Namah, wantaim sapat bilong Melanesian Solidarity (Melsol) grup, na ol pipel bilong Bogenvil, i askim Praisin Minista Sir Mekere Morauta, long yusim pawa bilong em long marimari na lusim Mista Renagi, Mista Namah, na Mista Osaba long Haus Kalabus.

Jastis Timothy Hinchcliffe long Nesenel Kot long Julai 10, 2000, bihain long harim kot bilong ol, i bin salim ol i go long 20 yia kalabus. Kepten Renagi bai kalabus long 8-pela yia na Kepten Namah long 6-pela yia na Namba Tu Leftenen Osaba bai kalabus tu long 6-pela yia.

Kot i bin painimaut olsem tripela soldia ya i bin stap long Spesel Fos Yunit (SFU) we ol i bin egensim lo na tekowa long kontrolim operesens long Mari Bareks long Julai 28, 1997, taim Sentlain hevi i bin kamap.

Na ol i bin go pas long wok bilong blokim mein geit long bareks na tu putim komanda na narapela sinia opisa long haus ares.

Bihainim dispela disisen, Parkop Lawyers i apil long salensim dispela disisen bilong Jastis Timothy Hinchcliffe long Suprim Kot. Nau yet Kot i no makim de bilong harim dispela kot.

Parkop Lawyers i bin go het tu na apil (askim kot long kam ausait long kalabus na wetim kot) long kot i givim beil long dispela tripela soldia inap kot i harim apil kot bilong ol long Suprim Kot.

Tasol las wik, Suprim Kot i bin rausim dispela beil aplikesen bilong tripela ami husat Nesenel Kot i bin sasim ol long sas bilong mutini (traim long rausim Komanda bilong PNG Difens Fos) aninit long seksen 55 (1) bilong Difens Fos Ekt na i bin salim ol i go kal-

abus. Long wankain taim, Melsol na ol meri bilong dispela tripela soldia i bin askim praim minista long sori na marimari long ol dispela soldia na lusim ol long kalabus tasol praim minista i askim ol long kisim moa sapat.

Bihainim dispela oda, Misis Renagi na Michael Tataka bilong Melsol, na bikpela brata bilong Mista Nama, Bob Nama, i tokim Wantok aste olsem, bikpela kempen i stat pinis na ol i kisim pinis planti han mak bilong ol pipel bilong PNG long givim long praim minista.

Mista Tataka i tok, Melsol i laik askim Sir Mekere long yusim pawa bilong em na givim 'Pardon' o marimari na lusim dispela tripela ami long kalabus bai ol i ken go bek long ami na mekim wok bilong ol.

Em i tok Melsol i no laikim Sir Mekere i rausim ol dispela ami long laisens long wanem, bai ol i lusim ol pe na ol arapela benefi bilong ol we ol i sapos long kisim olsem ol ami.

Misis Renagi husat i kam bek long Bogenvil long Tunde dispela wik i tok, em i bin kisim namba wan welkam long Gavana John Momis, Vais Presiden bilong Bogenvil Pipels Kongres, James Tanis, olgeta ol Bogenvil Revolusinari Ami, Bogenvil Resistens paita, na olgeta pipel bilong Bogenvil, taim em i go long allan long kisim sapat bilong ol long helpim man bilong em wantaim Mista Namah na Mista Osaba.

Misis Renagi i tok olgeta lida na pipel bilong Bogenvil i putim han mak bilong ol pinis long givim i go long praim minista long rausim man bilong em na Mista Namah wantaim Mista Osaba.

Em i tok ol lida bilong Bogenvil i tok ol i givim PNG Gavman inap Septemba 15 long stretim toktok bilong bringim bel isi long allan na wanpela askim insait long ol arapela askim bilong ol em, long rausim displea tripela ami long kalabus.

Lidasip Traibunel no inap harim kot bilong Gene

PABLIK Prosekyuta, Panuel Mogish, i tok olpela Seketeri bilong Jastis na Atoni Jenerel, Michael Gene, i no inap sanap long kot long pes bilong Lidasip Traibunel, bikos Nesenel Eksekutiv Kaunsel (NEC), i bin rausim em pinis olsem het bilong Dipatmen bilong Jastis na Atoni Jenerel na makim Sao Gabi long kisim ples bilong em.

Mista Mogish i tok tu olsem em i bin salim wanpela pas i go pinis long Sir Arnold na edvaisim em olsem long 25 Julai 2000 NEC i bin rausim apoinmen bilong Mista Gene olsem het bilong Dipatmen bilong Jastis na Atoni Jenerel na makim Sao Gabi.

Em i tok, long dispela as, aninit long lo bilong Lidasip Kod, Lidasip Traibunel i no inap kotim Mista Gene long wanem em i no holim wok yet olsem het bilong Dipatmen.

Em i tok Lidasip Kod i tok Lidasip Traibunel i ken harim kot bilong husat man o meri i holim pablik opis olsem het bilong wanpela dipatmen na i gat sampela asua long taim em i holim opis yet.

Mista Mogish i tok tu olsem wanem samting i bin holim bek taim bilong harim kot bilong Mista Gene bipo long NEC i bin rausim em i bikos, Sief Jastis, Sir Arnold Amet, i laikim Judisel Ligel Sevises Komisen i makim wanpela Jas ausait long kantri bai Sief Jastis i makim long Lidasip Traibunel bilong Mista Gene.

Madang gavman yusim K69,391.02 long stretim hevi bilong Gavana Kas

I kam long pes 1

Madang long stap isi na -larim Madang gavman i stretim dispela hevi.

Moa yet, Dairekta bilong Disasta na Imejensi Opis long Madang, Norman Philemon i tok, i gat wanpela Disasta na Imejensi Akaun tasol long opis bilong em, tasol insait long dispela akaun, i gat foapela fan we ol i putim mani long en.

Em i tok ol dispela foapela fan em long: Disasta na Imejensi; Ses na Reskyiu; Medikel Ivakuesen; na Lo na Oda.

Mista Philemon i tok, Madang gavman i bin yusim mani insait long fan bilong Lo na Oda long stretim hevi bilong Mista Kas.

Long wankain taim, narapela ripot i gat han mak bilong Seketeri bilong Madang Provinsel Eksekutiv Kaunsel, we Wantok i bin kisim, i soim olsem long Fonde 13 Julai 2000, Madang Provinsel Eksekutiv Kaunsel i tok orait long yusim K98,844 bilong provinsel gavman long stretim olgeta hevi bilong Mista Kas long birua bilong ka bilong em i kapsait na kilim Mista Kiangua.

Dispela pas i rit olsem long Tok Inglis: "Subject: Brief on expenditures involved in relation to vehicle accident involving Governor Jim Kas and late Alois Kiangua. On Thursday 13 July 2000 the Provincial Executive Council endorsed the estimated expenditures of K98,844 incurred in relation to total vehicle accident that involved Governor Jim Kas and late Alois Kiangua. Date 14 July 2000. Distribution: Governor, D/Governor, Chairman - Finance & Revenue, Administrator, Deputy Administrators, Advisor - Finance & Revenue."

Wanpela memba bilong Provinsel Eksekutiv Kaunsel, na Memba bilong Raikos, Stahl Musa i tok, PEC i bin mekim ol dispela disisen kwik long taim dispela birua i bin kamap long wanem, nogut, ol wantok bilong man i dai, Mista Kiangua, i bagarapim Madang taun.

Wantok i traim long ringim Mista Alok long dispela wik tasol i no inap kisim em. Wantok i traim tu long kisim Gavana Kas, tasol seketeri bilong em i tok, em i lusim Madang pinis na i go long kibung bilong ol Gavana.

Tupela wik i go pinis Wantok i bin askim Mista Alok na Gavana Kas long tokaut klia long dispela hevi long Gavman Haus long Mosbi.

Bekim Wantok i kisim long Mista Alok em i olsem, Mista Kas i yusim mani bilong em yet long stretim ol hevi bilong dai bilong Mista Kiangua na i no mani bilong Madang Provinsel Gavman.

Mista Kas i tok long toktok bilong vot i nogat bilip olsem, em i redi long helpim husat provinsel memba i tingting long holim vot i nogat bilip bilong rausim em. Em i tok, em i no pret long dispela tasol em i laikim husat ol lain i tingting long holim vot i nogat bilip, i mas bihainim lo bilong Provinsel na Lokol Level Gavman.

Long wankain taim, long Fonde 3 Ogas, (las wik), Sief Jastis, Sir Amord Amet, i makim ol memba bilong Lidasip Traibunel long harim kot, bilong Madang Gavana Jim Kas, bihainim askim i kam long Pablik Prosekyuta, Panuel Mogish.

Sief Jastis, Sir Arnold i makim Jastis Mark Sevua olsem siaman bilong dispela traibunel na Sinia Mejistret, Sition Passingan na Mark Pupaka olsem ol memba bilong dispela traibunel.

Dispela lidasip traibunel bai glasim na lukim sapos Mista Kas i bin brukim sampela lo bihainim hevi em i bin kamapim las ya, taim em i bin stapim Air Niugini balus long Madang ples balus na i bin go kalabus long 6-pela mun.

Lidasip Traibunel bai sindaun long Ogas 17 long harim kot bilong Mista Kas.

Wantok i painim aut tu olsem plis i no sasim yet Gavana Kas long draivim ka bilong em yet na bungim birua we i lukim Simbu bisnisman Mista Kiangua i dai.

Mista Kas i tokim Wantok tupela wik i go pinis olsem Plis Komisina, John Wakon i tok em bai sasim em (Mista Kas) bihain long Palamen i pinisim olgeta kibung bilong en.

Dispela hevi i kirapim bel bilong planti ol komyuniti lida na ol pipel bilong Madang long askim Gavana Kas long risain.

Long dispela wik, Wantok i kisim ol pas i kam long Henry Warakai, Thomas Igam, na planti moa pipel bilong Madang husat i askim Madang Smallholder Cocoa Coconut Producers Association long makim maus bilong ol na askim Gavana Kas long risain.

Sampela sapota bilong memba bilong Sumkar i laikim Mathew Gubag i kisim dispela sia na sampela sapota bilong Mista Wama tu i laikim em i kamap Gavana bilong Madang.

Politikus kempen bilong kisim sia bilong Gavana bilong Madang go het nau.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Ltd.

General Manager and Group Editor in Chief:
Anna Solomon.
Acting Advertising Manager:
Jocko Oberleuter

Papers distributed by air throughout PNG.
Available by air mail subscription within Papua New Guinea and overseas

Editor of Wantok:
Yakam Kelo.

Email address:
word@global.net.pg

Advertising deadlines. Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd. and are set out in full on the reverse side of its official display Advertising Bookings form.

Ol Kopl Groas askim Sir Mekere long stapim FAO rifom long CIC

JAMES KILA i raitim

MOA long 2000 manmeri husat i save planim kopi i bringim wanpela petisen bilong ol i go givim long Prait Minista Sir Mekere Morauta long Lae long Mande.

Ol i bin karim ol han bilong kopi wantaim ol pilag i gat tok-tok i autim tingting bilong ol na i go sanap klostu long Morobe Tutumang opis long givim dispela petisen long praim minista.

Ol toktok long ol dispela pilag i tok, "Noken bringim pasin politik i go insait long kopi industri".

Insait long dispela petisen, ol lain i save planim kopi long Morobe na Hailens i askim opis bilong praim minista long rausim tupela proposal we Agrikalsa Ogenaisesen (FAO) i laik rausim insait long Kopi Industri Kopopresen Ekt, na ol i tok dispela senis bai bagarapim Kopi Industri.

"Planti bilong mipela ol liklik lain i save planim kopi long olgeta hap bilong kantri i autim bel hevi na kros long dispela


samting. Dispela hevi i ken kamap wanpela bikpela hevi tru sapos gavman bilong dispela de i tingting long bihainim olgeta toktok bilong rifom olsem FAO i raitim.

"Askim bilong mipela em i no hat, mipela i daunim mipela yet na askim yu long suvim nus i go insait long dispela samting. Kopi industri i bin bungim hevi bipo long pasin politik na ating industri i bin lusim sampela milien Kina long paul pasin. Mipela i bilip dispela i stap nau long han bilong ol Kot na mipela i pre olsem CIC bai kisim bek olgeta ol mani, long dispela ol mani em i bilong ol lain i save planim kopi.

"Ol politisen wantaim ol lain bilong ol i noken stap insait long kopi industri, husat i gat pawa bilong kisim K500 milien long wanpela yia. Mipela ol lain i save planim kopi i luk-save long dispela na i pret bikpela bagarap inap kamap sapos pasin politik i go insait long wanem mipela i save pinis long wanem samting i kamap wantaim NPF, Air Niugini, Telikom, POSF na ol

arapela."

Ol lain i save planim kopi i tok, ol i no inap tok orait long wanem ol senis i laik kamap long CIC we gavman i salim pinis na ol bod ol memba yet i bin makim ol.



• Sir Mekere Morauta.

Ol lain i kamap long dispela kibung, em ol politisen olsem Minista bilong Agrikalsa na Laivstok, Mao Zeming, Seketeri bilong DAL, Miri Setae.

Ol arapela minista husat i

stap tu em long Minista bilong Fiseris, Ron Ganarof, Mining na Bogenvil Afeas minista, Sir Michael Somare, Envairomen na Konsevesen minista, Erowa Agiwa.

Mausman bilong ol lain i save planim kopi na siaman bilong Morobe smolholda kopi groas asosiesen, Benny Memyong i kamap long seremoni bilong makim de bilong opim Nesanel Agrikalsarel Kaunsel na Food Sekyuriti Kaunsel Miting long givim dispela petisen.

Dispela petisen i gat ol tok olsem, "I luk olsem gavman i gat bikpela laik long rausim CIC Ekt 1991 na bringim Kopi Industri Kopopresen (CIC) anit long wanpela ambrela ogenaisesen ol bai kolim olsem Nesanel Agrikalsarel Komoditi (NAC). FAO bilong Yunaited Nesens i bin kamapim dispela nupela straksa na ol i kisim wanpela tingting bilong industri."

Em i tok long stat olsem ol rifom we FAO i kamapim bai rausim fridom bilong industri na putim i go anit long pawa bilong politik na ol i ken mekim samting long laik bilong ol.



I ON YET

Mop-ap opareisen bilong 2000 Nesanel Populeisen Senses bai i pinis long dispela wik na Senses Direkta Mista John Kalamoroh i sambai pinis long statim nupela wok long pinisim gut senses.

Insait long dispela nupela senses wok, ol senses wokmanmeri bai glasim ken wok ol i bin mekim long kauntim ol pipel insait long kantri.

Ol i kolim dispela kain senses wok long Tok Inglis olsem Post-Enumeration Survey o PES o Pos Inumareisen Servei long Tok Pisin.

Mista Kalamoroh i tok olsem PES bai i stat taim dispela mun i pinis.

Em i tok olsem PES bai painim aut hau ol senses wokmanmeri i bin mekim wok bilong ol. Ol i bin kauntim ol pipel gut o nogat?

"Taim mipela pinisim PES bai mipela save sapos senses i gutpela o nogat," Mista Kalamoroh i tok.

"PES i no save haitim ol samting. PES bai tokaut stret sapos mipela i no mekim senses gut na i no kauntim olgeta pipel insait long kantri."

Mista Kalamoroh i tok olsem ol senses wokmanmeri long olgeta hap long wol i save mekim PES taim kaunting na mop-ap bilong kaunting insait long senses i pinis.

Long mop-ap, ol senses wokmanmeri i save go bek long kauntim ol pipel ol i no bin kauntim long taim bilong senses stret.

Dispela em i las wik bilong mop-ap long ol ples kanaka na ol ruel eria. Mop-ap long olgeta arapela taun i bin pinis long Sande Julai 30.

Long Pot Mosbi tasol, Mista Kalamoroh i bin sukurim o ekstendim taim bilong mop-ap i kam inap long dispela wik.

Pastaim em i bin ekstendim mop-ap bilong Pot Mosbi long Sande Julai 30 i kam inap long las Sande Ogas 6 bikos ol senses wokmanmeri bilong Pot Mosbi i no bin kauntim ol sampela liklik grup long taim bilong mop-ap.

Long las Sande ken, Mista Kalamoroh i ekstendim mop-ap bilong Pot Mosbi i kam inap long dispela wik bikos ol senses wokmanmeri i bin painim planti ol nupela setelmen insait long Pot Mosbi.

Mop-ap nau long olgeta hap bai i pinis long 12 kilok nait long dispela Sande Ogas 13.

Aste Mista Kalamoroh i bin miting wantaim ol senses savemanmeri bilong em long Pot Mosbi long stretim olgeta samting bilong PES o Pos Inumareisen Servei.

●Gavman bilong Papua Niugini na Gavman bilong Australia i sapatim 2000 Nesanel Senses.

Papagraun laik kotim Misima Mains long bagarap

PEKU PILIMBO i raitim

Ol papagraun long Misima Mains insait long Milne Bei provins i laik kisim kamprni i go long kot bihain long kamprni i no peim ol mani inap long K550,000 bilong bagarapim wara wantaim olgeta samting i save stap insait long en.

Mausman bilong ol papagraun, Amenoni Izod husat i stap long Pot Mosbi bilong stretim toktok wantaim loiya.

Andrew Kwimberi bilong Kwimberi loiyas i tok orait long kisim dispela hevi bilong ol papa graun i go long kot na nau yet i wok long redim sabmisen long givim i go long Dipatmen bilong Envairomen na Konsevesen.

Mista Izod bilong papagraun i tok wanpela stadi i kamap anit long dipatmen bilong Envairomen na Konsevesen long 1994 i bin tok olsem planti bagarap tru i bin kamap long olgeta animel, diwai, bus na ples bilong tumbuna i stap insait long liklik wara Wesiria we Misima Mains i save kisim wara bilong ol long ronim main wok.

Mista Izod i tok man husat mekim dispela stadi i tok taim em pinisim dispela stadi olsem planti bagarap tru i bin kamap na kamprni i mas peim kompensesen long ol papagraun bilong dispela wara.

Mista Izod i tok ol Eaus-Haliba komyniti i bin stap wantaim na askim kamprni long peim K10 milien tasol kamprni i bin tok dispela i bikpela mani tumas na ol i surikim i kam daun na peim K18,312.48 tasol.

Em i tok wanpela grup i no laikim dispela mani na askim olsem sapos kamprni laik surikim mani i kam daun lusim K10

milien orait kamprni i mas surikim kompensesen i kam daun long K550,000 tasol kamprni i no bin mekim olsem na long dispela as ol papagraun bilong Wesiria wara, ol Manilobu, Gamatal na Meisoga hauslain i no amamas na laik kisim kamprni i go laong kot.

Em i tok main i save pamim wara i go na wara i sot tru na planti samting we i save stap long wara olsem pis, kindam na planti arapela abus i kisim bagarap na i no stap moa. Planti hanmak bilong ol tumbuna save stap long en i bagarap tu.

Em i tok ol narapela komyniti bilong Eaus-Haliba i no inap kisim dispela mani kamprni i givim olsem wanbel mani tasol main na gavman i bin yusim ol plisman na pretim ol long sainim dispela agrimen long kisim dispela mani.

Em i tok long dispela taim, ol 3-pela hauslain husat i slip insait long ailan na papa tru bilong dispela wara Wesiria i no bin wanbel long kisim dispela mani.

Mista Izod i tok dispela toktok bilong ol long kisim K550,000 taim kamprni i less long peim ol K10 milien i sanap yet na nau bai kamprni na ol papagraun i sanap long kot na stretim dispela hevi.

Em i tok dispela toktok bilong K550,000 i bin stat 4-pela yia i go pinis tasol kamprni i no tingting long stretim ol toktok.

Em i tok dispela kot bai kamap namel long kamprni na ol tripela hauslain insait long Haliba na i no olgeta Eaus-Haliba komyniti wantaim bikos ol dispela komyniti i bin kisim wanbel mani bilong kamprni pinis.

Em i tok sapos kamprni na papagraun laik stretim toktok autsait kot i gutpela tu tasol nau em olgeta samting i stap long

han bilong loiya na papagraun bai bihainim tasol toktok bilong em.

Mista Izod i tok em i bin raitim i go olpela gavana bilong Milne Bay Dame Josephine Abajjah long helpim ol papagraun kisim Misima Mains i go long kot tasol nogat wanpela helpim i bin kam.

Long wankain taim, Menesa bilong Misima Mains, Mista Arthur Hoods i tok olsem i nogat wanpela moa kompensesen mani bai main i givim long papagraun.

Mista Hoods i tok wanem peimen bai kamap long en i pinis long ol liklik bagarap main i wok long kamapim long bus na wara samting.

Em i tok Nesanel na provinsel gavman, papagraun, Misima Distrik edministreta na arapela lain i bin witnes long dispela kompensesen peimen na ol dispela lain man bai tok olsem i nogat wanpela moa pemen bai kamap.


Em i tok wara Wesiria i orait na nogat wanpela samting i bagarap, olgeta samting olsem pis, kindam, kuka, malio na narapela ol animel i save stap long en i stap yet.

Mista Hoods i tok taim bilong drai na wet sisen, wara mak i save i go antap na kam daun tasol i nogat wanpela hevi long dispela wara em main i wok long kamapim.


Em i tok em i no save long man husat i tok em papagraun bikos ol papagraun tru i bin sainim pinis agrimen long kisim dispela mani main i givim.

Traim bilong Wantok long toktok wantaim Misima Distrik Edministreta i no kamapw bikos em i stap long wanpela miting.





NIUGINI AILAN NIUS



Bogenvil pipel laikim gutpela sindaun na sevis



• Ol meri long Buka ailan i kamap long Buka Maket long ol spit bot long salim na bai ol samting long maket.

VERONICA HATUTASI i raitim

BIKPELA laik bilong ol pipel long Bogenvil em gutpela sindaun, fridom na ol sevis olsem helt na edukesen, Meja Mark Koosache em Komanda bilong Pis Monitoring Grup (PMG) long Tonu insait long Siwai eria, sautwes Bogenvil i tok.

PMG i gat samting olsem 300 memba husat i kam long Australia, Nu Silan, Fiji na Vanuatu i stap long helpim lukautim na strongim ol wok long painim gutpela sindaun long ailan. Stat yet long Oktoba 1997, ol bin go long ailan na ol wok i stap yet long monitaim, ripotim na helpim lukautim ol wok long painim gutpela sindaun bihainim agrimen we ol kantri bilong ol i bin sainim wantaim PNG gavman aninit long Lincoln Agrimen.

Seventin PMG memba i lukautim Siwai, Buin, Bana na notwes erias long bikailan Bogenvil. Ol save raun mekim wok bilong ol na tilim pis niusleta we ol i save raitim long tupela taim insait long wanpela mun bilong toksave long ol pipel wanem samting i wok long kamap long

Bogenvil long komyuniti, provinsel na nesanel level.

"Long lukluk bilong mi yet, ol grasrut Bogenvil manmeri i no wari tumas long wanem samting. Bikpela samting ol i wari long ol em long gutpela sindaun, fridom, ol sevis olsem helt na edukesen na ol samting long kisim mani long en bilong helpim ol yet na ol famili bilong ol," Meja Koosache i bin tok.

Meja Koosache husat i wanpela infentri opisa wantaim Sidni RTC long Nu Saut Wels i stap long Bogenvil long foapela mun. Klostu kontrak bilong em i pinis taim Wantok i bin bungim em long maket long Siwai tupela wik go pinis.

Em bin tok long foapela mun bilong em long ailan, em i lainim planti samting olsem rot long luk-save na toktok wantaim ol pipel insait long ol komyuniti long Bogenvil na tu kalsa bilong ol pipel.

Em i tok wok long painim gutpela sindaun long Siwai i wok long go gut tasol long Bana eria, ol samting i ron gut moa.

Em bin tok planti komyuniti i laikim ol pait grup i lusim ol samting bilong pait long gutpela trupela sindaun

long kamap.

Em bin tok pasin bilong no luk-save long narapela na pret long ol (mistrust), nogat gutpela toktok namel long ol grup na ol lo na oda hevi taim ol yangpela i dringim hombru em sampela long ol samting we i save bagarapim ol wok long painim gutpela sindaun.

Long wankain taim tu, ol ripot i bin kamap long dispela wik olsem sampela PMG memba bilong Australia i bin wokim piksa nogut long Bogenvil long dispela yia na ol i soim pinis dispela vicio long Australia.

Ol ripot i tok piksa i soim sampela PMG memba i putim kios bilong ol meri na ol i wokim ol kain stail i no gutpela.

Long ol ripot, wanpela man husat i lukim vicio i tok em no amamas long piksa we ol soldia bilong Australia i givim long ol kantri we i save givim helpim long ol na we ol i save lukim Australia olsem bikpela na strongpela kantri.

Wantok i no bin inap long kisim moa toktok long ol atoriti long Bogenvil na Hai Komisn bilong Australia long dispela samting.

WANTOK

All departments. Phone: 3252500 - Fax: 3252579
P. O. Box 1982, Boroko, NCD, Papua New Guinea.

Publishing Weekly, Wednesday, for
Word Publishing Company Ltd.

Printed and Published by Anna Solomon of Bittern Place,
Gordons, at Allotment 2, Section 209, Spring Garden Road,
Hohola, for Word Publishing Co. Ltd.

General Manager and Group
Editor in Chief:
Anna Solomon
Acting Advertising Manager:
Jocko Oberleuter

Papers distributed by air
throughout PNG.
Available by air mail sub-
scription within Papua
New Guinea and overseas
Email address:
word@global.net.pg

Advertising deadlines. Display bookings: Tuesday
midday. Camera ready copy: Tuesday midday.
Classified Advertising: Tuesday 5pm.

Word Publishing Company Ltd. is owned by the four major
churches of Papua New Guinea: Catholic 55%, Lutheran
25%, Anglican 10% and United 10%. The company reserves
the right to accept or reject any advertisement or other
material submitted for publication which it deems contrary to
the public interest at its absolute discretion. The publisher's
general terms acceptance are available at Word Publishing
Company Ltd. and are set out in full on the reverse side of its
official display Advertising Bookings form.

WNB amamas long nupela seketeri

...gavman bai lukluk moa long siping na telekomyunikesen sevis bilong olgeta manmeri bilong ples

DEPUTI Gavana Francis Auram bilong Wes Nu Briten i welkamim Leo Meninga olsem nupela seketeri bilong Dipatmen bilong Provinsel na Lokol Level Gavman Afeas. Mista Meninga i bin holim wok olsem Deputy Edministreta wantaim Westen Hailans provins.

Mista Auram i tok em i amamas long wok wantaim Mista Meninga insait long ol taim i kam.

Em i tok insait long 18-pela

mun i kam, em i lukluk long wok bung gut wantaim Mista Meninga na dipatmen long skruim gut ol wok bilong ol gavman rifom long Provinsel na Nesanel level bilong helpim ol pipel.

Taim em i tok amamas long Mista Meninga long nupela wok em i holim, Mista Auram i bin luksave tu long bikpela na gutpela wok we foma seketeri Colin Traverzta i bin wokim long dipatmen na ol provins we i kam aninit long lukaut

bilong em.

Rurel Telikomyunikesen na gutpela siping netwok em tupela prairiti projek we Wes Nu Briten provinsel gavman bai kamapim insait long neks sikipela mun.

Gavana Clement Nakmai i tokaut long dispela olsem hap long developmen plen bilong gavman bilong em.

Em i tok aninit long tingting bilong en em long kamapim senis long ilektorel baunderi o

mak na dispela em long brukim Talasea ilektoret long tupela hap bikos long nau ilektoret ya i bikpela tumas.

Long seremoni we ol provinsel asembli memba i bin mekim tok promis bilong ol, Mista Nakmai i bin tok etministresen bilong em bai strongim ol wok we i no emkim haitwok na kamapim kaikai. Na em i ken karim gut sevis i go long ol pipel.

Gavana i tingting tu long riviuwim ol gavman rifom na wok bilong skruim ol wok long provins long mekim isi long ol plena long distrik na komyuniti level.

Em i laikim bai ol pipel i go insait long wok bilong plenim na go hetim ol projek bilong ol.

Nu Silan NGO helpim gut Siwai pipel na bai wok yet

WANPELA Nu Silan Non Gavman grup ol i kolim long Opus i wok long helpim gut ol Siwai pipel long sait bilong kisim gutpela wara bilong dring.

Long wankain taim tu ol i wok long givim wok na trening long ol yangpela long eria.

Opus i bin go long Siwai long Ogas las yia na long Stej wan long projek we i bin go het inap long Desemba 1999, ol bin karimaut ol trening program long skulim ol yangpela man na meri wantaim long mekim ol simen wara teng na ol wara ja.

Ol bin wokim ol teng long skul na etpos tasol.

Long dispela yia, ol i skruim gen projek long narapela 18 mun.

Taget bilong ol em long wokim 45 wara teng insait long ol komyuniti gavman eria.

Long Siwai i gat nainpela komyuniti gavman eria na wan wan eria bai kisim faivpela teng.

Wantok i bin kisim ripot olsem pro-

jek i bin bihain long wok bilong em long tripela mun bikos sampela asua i kamap taim sampela lain i stilim trak we i karim ol metiriel long rot long Sentrel Bogenvil.


Komyuniti i pilim olsem Opus i wok long givim gutpela helpim long kisim gutpela klin wara bilong dring.

"Bikpela samting em long kisim gutpela wara na nau wantaim ol teng wara Opus i sanapim, mipela bai kisim gutpela wara bilong dring na kuk long en. Pastaim mipela i save kisim wara long ol hap ples tasol taim bikpela ren i pondaun, mipela i save bungim hevi.


"Sapos ol famili na komyuniti i gat teng, ol ken wokim gutpela toilet na ples bilong waswas long en.

"Opus i wok long helpim gut komyuniti long sait bilong wara na tu heloim skul taim em i laikim sampela samting na tu helpim komyuniti long sait bilong trenspot taim i gat imejensi." Joseph Pohungke em wanpela lida bilong ples i tok.





SEPIK NIUS



Manki Pes go wok long Is Timor

ADAM ELLIOTT i raitim


OL WOK bilong stretim Aitape i kamapim gut-pela luksave long Chris Poku husat em wanpela bilding supavaisa bilong Daiosis long Aitape Riheblitesen Komiti. Long Mande dispela wik, em i lusim Aitape na i go kisim nupela wok long Is Timor. Is Timor em wanpela nupela kantri hapsait tasol long Indonesia. Chris em bilong ples Pes na em i bin pinisim trening bilong em long wok kapenta na go bek long ples taim birua bilong solwara i kamap long Aitape long Julai 1998. Long dispela taim Chris i stap insait long wok bilong stretim ol ples na bagarap long Aitape. Long namba wan taim mi bin wok long

Riheb olsem kapenta. Bihain long sampela wik mi kamap bilding supavaisa na mi wok long ol hap olsem Arop, Aipoko, Areki, Au, Rainikr, Barupu, Rao, Po na Wauron, Chris i tok. Mi bin wok wantaim Philip Turner. Em i stap long Is Timor na wok wantaim Caritas. Em i salim tok long mi long go na wok wantaim em long hap, Chris i tok. Wok bilong ol non gavman ogenaisesen i laikim kain wokman olse Chris we ol i ken wok ol yet long ol kain ples olsem Is Timor. Chris i save gut long wok long ol bus ples na longwe hap na i no save wari long wok longpela taim long bus. Caritas em Katolik NGO grup we i bin wok long skelim na stretim ol samting long bagarap bilong Aitape sunami na

luksave long wok bilong Chris. Ol i luksave long wok bilong em i ken helpim wok long Is Timor na ol i ken yusim save na wok bilong Chris long stretim wok long hap. Chris bai go pas long wok wantaim 20 kapenta lain long wokim ol haus long hap. Tas Maketu, siaman bilong Daiosis long Aitape Riheblitesen Komiti i tok em i amamas long Chris i kisim dispela bikpela luksave long Caritas Osenia long hatwok na save bilong em long mekim wok insait long tupela krismas i kam. Mipela i amamas tru olsem bikpela NGO grup olsem Caritas Osenia i luksave long wanpela wokman bilong mipela na PNG i ken helpim long wanem liklik rot em i ken long bikpela helpim wok long Is Timor.

Aitape kisim nupela diken

• **Tupela nupela diken bilong Aitape, Diken Joe Amanos na Diken Terrence Vaive i amamas long kisim odinesen long las wik Fraide. Planti manmeri na famili i kamap long witenesim dispela odinesen bilong tupela.**
Foto: ADAM ELLIOTT.



Politiks lain i no helpim sunami eria

Narakobi askim ol Momase lida long wokbung

BEN TAUMAI i raitim

MEMBA bilong Wewak na Spika bilong Nesenel Palamen, Bernard Narakobi i askim ol lida bilong Momase long wokbung wantaim na kamapim PNG olsem wanpela pipel, wan kantri maski i gat kain kain kalsa, tok ples, na kastom. Sir Michael tu i tok, em i no bilip long pasin bilong kamapim rijinel grup tasol insait long 32 yia bilong em insait long politik, em i lukim rijinol grup i wok long kamapim planti gutpela senis long kantri. Em i tok long 1970's em i bin yusim Momase rijinol grup long vot long kisim independens bilong PNG. Sir Michael i tok em i laik lukim foapela Gavana bilong Momase i putim mak bilong bringim ol projek i go insait long ol provins bilong ol bai i ken helpim Momase rijen na kantri wantaim. Em i tok long 1973 i go 1985, ol lida bilong Momas i bin go pas long politik bilong kantri tasol nau ol i go daun na ol arapela lida i go pas long ol. Sir Michael i tok em bai amamas long lukim olgeta 29 memba bilong Momase long Palamen i kam bung wantaim na joinim han na mekim samting bilong Momase rijen na maski long larim ol arapela lida i go pas na pulim ol lida bilong Momase bihain.

TAIM moa long 2500 manmeri i bin dai long Aitape wes kos long Julai 17, 1998, dispela i bin bikpela bagarap tru insait long Papua Niugini. Dispela i bin bikpela bagarap tu insait long Pasifik. Planti helpim tru i bin kam long planti kantri long ovasis na Katolik sios na Bisop bilong Aitape i kamapim Daiosis bilong Aitape Riheblitesen Komiti long kisim na skelim ol helpim na ol wok bilong stretim sindaun bilong ol lain i kisim bagarap na ol lain i stap laip. Tupela krismas nau olgeta wok Riheblitesen Komiti i mekim i pinis tasol wok i no bin isi. Ol tok pret, kros long ol wokman blong Riheb, stil long ol bilding saplai, ol tok baksait na paul toktok i bin hat tru long lain i karimaut wok. Pasin bilong ol provinsal politisen, ol lain bilong traime wokim nem na ol lain bilong giaman olsem ol i gat save long Aitape i bungim ol kain kain hevi na salens long ol wokman bilong mekim wok. Siaman bilong Riheb komiti Tas Maketu wantaim ol wokman i karim ol dispela hevi we ol man na sunami i tromoi antap long ol. Memba bilong Aitape Lumi Eddy Saweni i no bin givim givim wanpela gutpela helpim

tru long dispela bikpela hevi. Long eniveseri bilong dispela bagarap long las mun, Mista Saweni i bin go long Sissano memoriel sevis na tok long givim K30,000 na narapela K6,000 igo long dispela memoriel selebren. Dispela mani i no go yet. Ol pipel bilong Sissano i tok i no gutpela tru long ol memba bilong palamen long go raun mekim promis nating nating we ol i no inap mekim tru. Ol i bilip dispela kain giaman provins i no ken mekim long ol pipel husat i stap long bikpela hevi na bagarap na i wok long pilim pen long ol wari na bagarap i stap. Ripot i tok Gavana bilong Sindaun provins John Tekwie i tokaut long openiong bilong Maricle Ventre Barupu komyuniti skul olsem Gavman i no bin putim wanpela 1 toea long hevi bilong sunami. Tasol em yet i no sem long mekim dispela toktok. Ripot i tok gutpela klin wara em wanpela bikpela hevi long ol pipel long nupela hap ol i go stap long en. Na dispela hevi i stap long han bilong Red Cross na Community Aid Abroad. Memba bilong Aitape Lumi Eddy Saweni i tokaut olsem em i givim K50,000 bilong stretim komyuniti wara saplai projek. Siaman bilong Riheb Komiti Tas

Maketu i tok em i save i gat bikpela hevi long ol wara teng i sot long ol ples olsem na sapos i tru memba i givim dispela mani pinis ol i mas hariap baim ol nupela wara teng na givim long ol nupela ples. Mista Maketu i tok tu olsem komiti bilong em i kisim salens tu long stretim gut ol rot namel long Aitape na Wewak rot long larim ol kago na saplai i ken kam gut long rot. Mipela i wokim 5-pela nupela bris long larim ol bilding saplai i kam gut na ol dispela bris i kamap olsem hap bilong nesenel haiwe, Mista Maketu i tok. Insait long tupela yia taim birua bilong solwara i bagarapim ples, Daiosis bilong Aitape Riheblitesen Komiti i yusim klostu long K1 milien long stretim ol rot na wokim ol bris long wes kos Aitape. 7-pela skul, moa long 80 haus bilong ol tisa, tripela klinik na tupela liklik haus sik, 5-pela bris, senta bilong ol lain i gat han na lek nogut na kaunseling senta i kamap na pinis nau. Olgeta wok i bin kamap aninit long lukaut na kontrol bilong Katolik Sios na i pinis stret bihainim mak na rot wok i kamap bihainim, Mista Maketu i tok.

TAIM moa long 2500 manmeri i bin dai long Aitape wes kos long Julai 17, 1998, dispela i bin bikpela bagarap tru insait long Papua Niugini. Dispela i bin bikpela bagarap tu insait long Pasifik. Planti helpim tru i bin kam long planti kantri long ovasis na Katolik sios na Bisop bilong Aitape i kamapim Daiosis bilong Aitape Riheblitesen Komiti long kisim na skelim ol helpim na ol wok bilong stretim sindaun bilong ol lain i kisim bagarap na ol lain i stap laip. Tupela krismas nau olgeta wok Riheblitesen Komiti i mekim i pinis tasol wok i no bin isi. Ol tok pret, kros long ol wokman blong Riheb, stil long ol bilding saplai, ol tok baksait na paul toktok i bin hat tru long lain i karimaut wok. Pasin bilong ol provinsal politisen, ol lain bilong traime wokim nem na ol lain bilong giaman olsem ol i gat save long Aitape i bungim ol kain kain hevi na salens long ol wokman bilong mekim wok. Siaman bilong Riheb komiti Tas Maketu wantaim ol wokman i karim ol dispela hevi we ol man na sunami i tromoi antap long ol. Memba bilong Aitape Lumi Eddy Saweni i no bin givim givim wanpela gutpela helpim



WIN! WIN! WIN!

TOYOTA HILUX 4WD TO BE WON!

AND 25 PEOPLE TO WIN K1,000 EACH

DRAWN ON 15th SEPTEMBER 2000



SEND IN ANY 3 EMPTY WRAPPERS OF HI-WAY HARDMAN OR HI-WAY BEEF IN AN ENVELOPE WITH YOUR NAME AND ADDRESS TO: EMTV P.O. BOX 443 BOROKO, NCD.







SAUTEN



RIJON



Praim Minista lonsim 10 yia Nesenel Helt Plen

I GAT bikpela wok yet long karamapim long sait bilong skruim wok bilong helt na makna ripot bilong helt long kantri i go gut, Praim Minista Sir Mekere Morauta i bin tok long lons bilong Ten Yia Nesenel Helt Plen bilong kantri long Mosbi long dispela wik.

Sir Mekere i bin tru piksa bilong PNG long sait bilong helt taim yumi skelim na glasim wantaim ol kantri long Pasifik na Esia rijen i no gutpela tumas bikos em i stap daunbilo tasol kantri i kamapim sampela gutpela samting.

Sik polio na leprosi bai klostu raus olgeta long PNG na wok long givim banis sut (Imunaisesen) bilong stapim ol pikinini i gat ol kain kain sik insait long kantri i wok long go gut.

Bikpela samting we dispela

Nesenel Helt Plen i plen long en em long strongim na skulim ol pipel, famili na wan wan manmeri bilong dispela kantri long wokim ol helti disisen bilong lukautim ol famili bilong ol.

Ol arapela praioriti eria i karamapim famili helt na moa yet i sut long helt bilong ol meri na pikinini, daunim ol sik olsem malaria, HIV/AIDS, gutpela wara saplai, strongim ol helt woka na distrik helt senta na haus sik, mekim isi rot long ol manmeri i kisim marasin na wok patna long skruim wok bilong helt insait long kantri i ken go gut.

Helt Dipatmen i bin kamapim Nesenel Helt Plen long stiaim ol long go hetim ol helt progrem long ol provins na kantri wantaim bikpela tingting long kamapim gut helt bilong pipel na kantri.

Long wankain taim tu, AusAID

we i strongpela patna bilong Nesenel Helt Dipatmen na i givim bikpela hap mani long skruim ol helt progrem na projek long PNG i tok em bai skruim yet dispela strongpela sapot bikos helt bilong ol pipel em i bikpela samting long kantri i gro gut.

Margaret Renauld long makim AusAID long lonsing i bin tok bihainim ol ripot bilong Yunicef na Wol Helt we ripot i no bin kamapim gutpela piksa long PNG, bikpela wok i stap long strongim helt insait long kantri.

AusAID na Nesenel Helt Dipatmen i kamapim plen long monitaim wok bilong helt sekta insait long faivpela yias i kam.

AusAID i tromoi pinis samting olsem K30 milien long PNG helt sekta namel long 1998 na 1999 na long dispela yia, em bai tromoi samting olsem K60 milien.

Planti lida no givim gutpela sapot long skulim pipel long rit na rait

VERONICA HATUTASI
i raitim

RIT na rait em tupela bikpela samting we bai givim pawa na strong long ol pipel long go hetim kantri.

Na literesi o pasir bilong save long rit na rait i min olsem mekim ol pipel long PNG i save gut long ol samting i kamap long sait bilong sosel, politikel na wok mani na ol i ken stap insait long wok bilong mekim ol bikpela disisen i sut long nesenel developmen, Regis Stella em wanpela leksera long Yunivesiti bilong PNG na wanpela raita i bin tok long lons bilong Nesenel Bukfea.

Em bin tok long taim PNG i wok long gro na i no kisim indipenden yet, ol namba wan lain bilong yumi husat i go long bikpela skul i bin yusim raiting long pait egens long ol kolonial masta na ol kain senis we i wok long kamap. Dispela em ol lain olseme olpela praim minista na nau Kokopo MP Sir Rabbie Namaliu, nau Spika Bernard Narokobi, Edukesen Minista Dokta John Waiko na Kumalau Tawali.

Mista Stella i tok tude yumi i mas wok hat long skulim ol pipel bilong yumi long yusim raiting long pait

egens long korapsen, pasin bilong wokim wantok sistem long givim wok na ol kain samting moa olsem.

Em bin tok ol dispela em ol nogut samting long sosaiti we yumi i mas pait egens long ol.

Na long ol pipel bilong PNG long luksave long ol wulf long ol sipsip, ol i mas save long rit na rait, Mista Stella i tok.

Taim em i luksave long ol "Friends of the National Library" husat long planti yia nau i sapotim na kamapim Bukfea, em bin tok sampela nesenel lida i save pasim ai na i no givim sapot long skulim ol pipel long rit na rait.

Em bin tok planti taim yumi save paulim minig bilong developmen long mak bilong mani we kantri i gat tasol long em i nogat.

"Long mi, developmen i min olsem kamapim gut sindaun bilong ol pipelaitim ol i skulim ol long rit na rait. Sapos ol pipel i save long rit na rait, ol PNG manmeri na pikinini bai amamas long gat fridom na demokresi.

"Taim ol pipel i save long rit na rait, ol bai klia long ol samting na mekim ol gutpela disisen long ol bikpela samting long kantri," Mista Stella i tok.

Sentrel provins gat nupela FM stesen bilong brodkas long tok Motu

HELEN REI i raitim

SENTREL provins na pipel i gat namba tu redio stesen we i bin op tasol long las wik.

Em long FM Sentrel na ples we studio ya i stap na mekim wok bilong en em long Pacific Place bilding long Mosbi daun-taun.

Pastaim Redio Sentrel tasol i save wok i stap long ol pipel bilong Sentrel provins na ol lain i save tokples Motu.

Taget mak long ol pipel we bai sevim Redio Sentrel FM em 500,000 pipel. Na mak long redio we yu ken painim dispela nupela stesen em 89.9 FM.

Stesen ya i laik givim ol gutpela sevis we i karamapim ol dispela samting:

• Ol kain musik;

• Edukesen na kalserele progrem wantaim ol Nius

Stesem na studio i gat gutpela musik laibreri we i gat long em ol tumbuna PNG musik long en, trening seksen we ol lain long rijen i ken wokim trening long en long sait bilong brotkas na fainensel na etministretiv sait bilong operesen.

Planti progrem em ol i wokim long Tok Motu stesen bai pilaim ol kain musik long olgeta tokples, maski em Peroveta, ol singsing Motu, ol pop musik bilong tude o musik we ol biknem musikman bilong bipo olsem Mozart i kamapim 200 krismas i go pinis.

Stesen ya em i namba wan projek bilong Hirad Limitit em wanpela PNG kampani yet we bikpela tingting bilong en em long developim rijinel brotkasting insait long kantri. Naarai Banam i go pas long FM Sentrel na

Hirad Limitit.

Ol bin kisim K1 milien long kirapim dispela studio wantaim sapot bilong Beng Saut Pasifik.

Praim Minista Sir Mekere Morauta i bin opiseli openim nupela stesen. Na em bin tok bilong tromoim dispela kain mani long kirapim dispela bisnis em i soim luksave long rot we kantri i wok long go long en long dispela taim.

Em bin tok ol lain husat i tromoim mani long kirapim dispela stesen i bin mas lukluk, glasim na skelim ol samting olsem mak bilong intres reit na pe bilong ol samting i wok long go daun na wok mani long kantri i go gut.

Stesen bai i gat 13 woklain long en. Hirad bai gat sevis we ol woklain bilong brotkasting sevis insait long kantri i ken kisim trening long menesmen sait.



• Ol pikinini bilong St Peter's Praimeri Skul, Erima i amamas long skul i stap na ol i ken save long rit na rait. Foto: ISSAC IKUAVI.

Roots Rice 1 kg	K1.37	Maggi Noodles 85 gr	K .50
Cold Power 200gr	K1.33	Blue Bird Sardines 423gr	K1.95
Paradise No.1 Biscuits 100gr	K0.44	Sunshine Milk 1litre	K0.95
Zenag Kaikai 900gr	K4.60		
Ilimo Eggs 60gr Doz	K3.50		
Saveloys per kg	K3.95		

EXTENDED TRADING HOURS


Monday to Wednesday - 8.00am to 7.30pm

Thursday / Friday - 8.00am to 8.00pm

Saturday / Sunday - 8.00am to 7.00pm

Planti moa kaikai prais i go daun long en!

Ph: 325 7566, 325 0863 Fax: 325 7096



HAILANS NIUS



Kenem wimens grup i kisim ol abus i kam long gavman

TIMOTHY AIMS i raitim

GRUP bilong ol meri long Banz, Westen Hailans provins i kisim sampela abus i kam long dipatmen bilong Agrikalsa na Laivstok long strongim laivstok intagreted developmen projek bilong ol.

Kenem Banz Wimens Asosiesen i bin amamas tru long kisim 50 sipsip na 10-pela kau i kam long dipatmen insait long wanpela bung bilong ol long Banz taun las mun.

Dairekta bilong Hailans Rijinol Agrikalsa na Laivstok Divisen, Ian Mopapi i tok dispela em wok tru dipatmen bilong em i laik mekim long helpim ol manmeri husat i gat dispela interes long lukautim ol enimol o abus olsem.

Mista Mopapi i tok ol i wok long was long ol kain grup olsem Kenem grup long helpim ol wantaim ol dispela enimol bikos dispela grup i redi tru long mekim dispela wok.


Mista Mopapi i tok ol meri long Banz i namba wan lain long kisim dispela helpim na ol i laik lukim dispela projek i mas kamap gut long soim piksa long ol arapela distrik insait long Westen Hailans provins.

Em i tok long mekim dispela projek i kamap gut, gupela wok bung wantaim na sapot i mas kamap namel long ol wokman bilong Agrikalsa na Laivstok na Kenem Banz Wimens Asosiesen.

Ol dispela sipsip na kau i kam long Agrikalsa na Laivstok Rises stesin long Goroka.

Ol arapela grup husat tu i bin kisim dispela helpim na sapot bilong DAL em ol Gere grup bilong Simbu na Ungai grup long Isten Hailans provins.

Fes Asisten Seketeri bilong Polisi na



• **Dairekta bilong Hailans Rijinol Agrikalsa na Laivstok Division Mista Ian Mopapi i givim ol animel i go long Deputi Edministreta bilong Westen Hailans, Mista Michael Wandil long helpim ol Kenem Wimens Asosiesen.** Foto: TIMOTHY AIMS.

Plening wantaim DAL, Kino Wenge i tokaut tu olsem wankain projek olsem i bin kamap pinis long arapela hap provins pinis.

Mista Wenge i tok ol projek we i gat ol sipsip, kau, pis na gaden kaikai i bin kamap long arapela provins bihainim wanem kain graun na ples ol i gat long lukautim ol dispela enimol na planim ol dispela kaikai.

Mista Wenge i tok kain kol ples olsem Hailans i gupela long lukautim sipsip, kau, pis, groim pairerum. Long hot ples long nambis i orait long lukautim o groim rais, kakau na kau.

Mista Wenge i tokaut olsem dispela

tingting bilong kirapim dispela kain projek em bilong strongim wok bilong kamapim moa kaikai we i gupela long kaikai insait long kantri.

Em i tok i tru planti kaikai i kamap pinis long kantri, tasol sampela hap i longwe tru long karim i go-long ol maket long taun. Olsem na olgeta pipel long kantri i no kisim inap ol kaikai.

Long dispela as Agrikalsa na Laistok dipatmen i traime long kamapim dispela kain projek long kamapim inap kaikai long sevim long kantri bikos planti hap i hat long kisim i kam long ol maket long taun.

Ombudsmen tok klia bilong Enga pipel long wok em mekim

OMBUDSMEN Komisina i tokim ol pipel bilong Enga provins olsem ol i no kam bilong rausim Enga Provinsal Gavman bikos dispela i no wok bilong ol. Tasol ol i kam bilong tok klia long ol pipel long wok bilong Ombudsmen Komisina na kisim ol komplem bilong ol manmeri.

Wanpela grup bilong Ombudsmen Komisina i bin mekim raun i go long Enga provins long karimaut ol awenes kempen long skulim ol manmeri long wok bilong Ombudsmen long las wik Mande inap long Fraide. Kamap bilong ol i mekim ol manmeri i ting ol i kam long saspenim o rausim Provinsal Gavman bilong Enga bihainim long ol i bin harim olsem Sauten Hailans i bin kisim 21 de long tok klia long wanem as na Nesenel Gavman i no ken saspenim ol.

Moa long 500 manmeri i bin kamap bung ausait long olpela Provinsal edministresen opis, Green Haus long Wabeg taun las wik long harim ol toktok bilong foapela opisa bilong Ombudsmen Komisina.

Dispela em hap wok bilong Ombudsmen long karimaut edukesen na awenes kempen long soim klia wok bilong ol wantaim ol pablik manmeri. Ol i mekim dispela awenes raun igo pinis long Alotau, Kerema na Lae long dispela yia.

Ol wok bilong Ombudsmen Komisina i bin gat sans tu long sindaun gut na toktok wantaim ol pablik sevans na ol lokol level gavman kaunsila.

Kamap bilong Provinsal Gavman rifom, ol Lokol Level Gavman memba i stap aninit tu long lo i banisim ol lida we ol i kolim Lidasip Kod. Na opis bilong Ombudsmen Komisina i save karimaut dispela Lidasip Kod Lo.

Planti kaunsil lain i tokaut olsem ol i pilim olsem rifom i wok gut tasol bikpela hevi tasol em mani bilong mekim wok i no save kamap gut long ol.

Ol wokman bilong Ombudsmen Komisina i traime long bekim gut olgeta askim i kam long ol kaunsila long wok bilong ol kaunsila aninit long Lidasip Kod.

Dispela awenes kempen tu i lukluk long skulim gut ol lida bilong bihainim taim.

Dispela tim bilong Ombudsmen Komisina i bin holim bung long nupela hai skol bilong Wabeg ol i kolim Kopen Sekenderi. Ol i givim tu ol buk we i gat ripot bilong Kesen Konsevetri na Malagan Haus ripot long wanwan skol.

Long dispela yia yet, Komisina i mekim plen long go yet long Rabaul na Kokopo, Popondeta na ol arapela hap bilong Hailans provins long bihainim.

Peipul i tok em nogat asua

EKTING Oposisen lida na memba bilong Imbongu, Peter Peipul, i tokim ol niusmanmeri long Palamen long dispela wik olsem em i nogat asua long makim brata bilong em Moses Ipu Tawa, olsem wanpela memba bilong Pablik Sevises Komisina long Disemba 1998 i go long Januari las yia.

Em i tokaut long dispela bihainim long Ombudsmen Komisina i bin givim nem bilong em i go long Pablik Prosekyuta long dispela wik long i no bin bihainim lo na makim brata bilong em long kisim dispela wok, taim em (Mista Peipul) i bin holim wok olsem Minista bilong Pablik Sevis.

Tasol Mista Peipul i tok, dispela toktok bilong Ombudsmen Komisina, em i no tru long wanem, em i bin bihainim olgeta lo ananit long wok bilong ol lidaman olsem Mama Lo bilong kantri i gat.

Mista Peipul i tok disisen bilong makim blut brata bilong em Moses Ipu Tawa, olsem wanpela memba bilong Pablik Sevises Komisina em i disisen bilong Nesenel Eksekutyutiv Kaunsel na i no disisen bilong em.

Em i tok olsem minista, em i bin rekomendim brata bilong em wantaim tupela arapela saveman tasol em i no bin stap insait long rum taim NEC i bin makim brata bilong em long dispela wok.

Mista Peipul i tok em i rekomendim brata bilong em bikos, brata bilong em i gat Mastas digri long Fainens na tu i bin wok wantaim Pablik Sevis long 16 yia olgeta.



2000 National Census Hotline

Ol i no kaunim yu? Em i no let. Apim telefon tasol na ringim Fri kol
Census Hotline - 180 1000



Givim adres bilong yu. Mipela bai kam na kaunim yu.

Kaunim mi tu!





MADANG NUIS



Welkamim ol senis...

• Ol pipel bilong Dangsai i amamas long opim nupela klasrum bilong ol long mun i go pinis. Kain senis olsem bai lukim planti saveman na senis long ol ples bilong yumi.
Foto: Kiwuram Kanako.

Kas amamas long ol Mamose provinsel edministreta

MADANG Gavana Jim Kas i amamas long foapela Mamose Provinsel Edministreta long ol toktok na tingting ol i bin autim insait long kibung bilong ol long Manus long dispela yia.

Mista Kas i tok em i bilip ol bai mekim wankain pasin insait long Mamose 2000 Milenium Rijinel Konferens long dispela wik long Madang.

Em i tok ol edministreta bilong Mamose i bin putim planti gutpela tingting i go insait long kamapim Mamose Rijinel Seketeriet Opis we

bai kamap long Madang. Bikpela wok bilong dispela opis em long lukim olsem ol provins insait long rijen i mekim gut wok.

Mista Kas i tokim ol edministreta olsem ol i mas gat visen bilong 20, 30 o 100 yia na kamapim ol gutpela plen bilong provins.

Ol edministreta husat i bin kamap long dispela miting em long Aineo Sengerio bilong Morobe, Nelson Hungrabos bilong Is Sepik, Maran Nataleo bilong Sandaun na Clant Alok bilong Madang.

Ol papagraun bilong Kumil TRP i stap long tudak

WANPELA mausman bilong ol papagraun bilong Kumil TRP husat i sapotim Jack Kokon long kisim Hea Cho kampani bilong Korea long kam mekim wok long graun bilong ol nau i no save wanem samting i wok long kamap.

Dispela papagraun i tok, ol papagraun bilong Kumil TRP i stap long tudak bikos ol i no save long wanem taim tru Hea Cho bai statim wok bilong en bihain long ol i bringim ol bikpela masin bilong kirapim dispela

projek i go long Daigul.

Em i salenisim Siaman bilong papagraun kampani, Jack Kokon long holim wanpela kibung kwik na tokim ol papagraun long tingting bilong Heo Cho.

Dispela papagraun i tok Kumil TRP nau i go kamap olsem wanpela samting bilong pilai politik na dispela i bagarapim tru ol pipel long ples husat i wet long lukim projek i stat kwik bai ol i ken kisim sampela sevis.

Gubag na Wama kisim sapot bilong kamap gavana

OL pipel bilong Madang i tingting long makim nupela gavana bilong Madang long kisim ples bilong Gavana Jim Kas.

Insait long wanpela pas i kam long Wantok, sampela provinsel memba i wok long kamapim tingting bilong holim vot i nogat bilip bilong rausim Gavana Kas.

Ol i givim pinis wanpela notis bilong vot i nogat bilip long Gavana Kas. Cyrilus Loman, Presiden bilong Almami Lokol Level Gavman i bin muvim mosen long Julai 31 na nominetim Memba bilong Sumkar, Mathew Gubag olsem nupela Gavana bilong Madang.

Mista Loman i tok ol wokabout bilong gavana we em i sapos long mekim Madang gavman i wok gut tasol i no save mekim na eksiden we i lukim Simbu bisnisman, Alois Kiangua i dai em i stap ausait long gavman polisi na Mista Kas i mas stretim long strong bilong em yet.

"Mi no laik lukim em (Mista Kas) i yusim mani bilong ol pipel o gavman mani," Mista Loman i tok.

Em i tok tu olsem pasin bilong yusim K98,844 i kamapim planti hevi long laip bilong ol pipel na ol pipel i pret long kain pasin bilong Mista Kas.

Mista Loman i tok Mista Kas i nogat taim long ronim gut gavman bikos em i yusim moa taim long stretim ol pasin nogut bilong em yet.

Long wankain taim wanpela olupela memba bilong Madang Provinsel Gavman, Henry Warawai, i askim Gavana Kas long sanap long sait olsem Gavana na givim dispela posisen i go long Jacob Wama, memba bilong Madang Open.

Mista Warawai i tok, Mista Wama i gat planti laip ekspiens, na i gat planti gutpela kwaliti we i ken kamapim gutpela lidasip bilong Madang provins long narapela 18 mun.

PAPUA NEW GUINEA'S SILVER JUBILEE

School Essay Competition



About the Competition

Category 1:	ALL STUDENTS IN GRADE 3 & 4.		
Essay Topic:	"Who was the Prime Minister 25 years ago?" Tell us more about him.		
Essay Length:	200 Words		
Prizes:	1st prize: K300.00	2nd prize: K100.00	3rd prize: K50.00
Category 2:	Level 1 ALL STUDENTS IN GRADE 5 & 6 Level 2 ALL STUDENTS IN GRADE 7 & 8		
Essay Topic:	"What is Independence and what it means to me?"		
Length of Essay:	500 words minimum		
Prizes:	1st prize: K500.00	2nd prize: K250.00	3rd prize: K125.00
	awards to each level		
Category 3:	Level 1 ALL STUDENTS IN GRADE 9 & 10 Level 2 ALL STUDENTS IN GRADE 11 & 12		
Essay Topic:	"How would you see PNG's Growth in the next ten (10) years?"		
Essay Length:	1000 words minimum		
Prizes:	1st prize: K1000.00	2nd prize: K500.00	3rd prize: K250.00
	awards to each level		

Send entries with full contact details including the name of your school and current grade to:
National Events Secretariat
Morauta Haus, P.O. Box 639, WAIGANI, NCD.

Entry into the competition will be deemed as acceptance of the terms and conditions. The Judges' decision will be final.
All entries to be received by 25th August, 2000 no later than 4:00pm on the date.
Winners will be notified by the National Events Secretariat.

Singaut i go long Gavana Kas long risain

KEWANA L WICKHAM
i raitim

OL pipel bilong Madang i raitim wanpela petisen bilong givim i go long Nesenel Eksekutyutiv Kaunsel long rausim kwik Madang Gavana Jim Kas na edministreta, Clant Alok.

Ol pipel bilong Madang i bin sainim dispela petisen long las wik Sarere na givim i go long Madang Smallholder Cocoa Coconut Producers Association (MSCCPA).

Ol as tingting i stap insait long dispela petisen em i olsem:

• Bikpela paul pasin i kamap long yusim pablik mani taim i nogat tok orait long yusim na tilim;

• Hevi man yet i mekim we i lukim pasin bilong kamapim bikpela dinau long Provinsel na Lokol Level Gavman na Kantri;

• Pasin bilong Gavana Kas i mekim ol pipel i nogat bilip long em;

• Long tingting bilong mipela, Gavana Kas i stap long bikpela pret na ating em i no fit long holim pablik opis;

• Long taim Gavana Kas i wetim Kot long mekim disisen, i gutpela em i risain na givim sia i go long narapela man husat bai stretim bek gen gutpela nem bilong Madang; na

• Pasin bilong Gavana Kas i kamapim planti tingting olsem em i no inap lukautim gut provins.

Long toktok bilong rausim Mista Alok, petisen em i tok, as bilong mekim dispela em long pasin bilong i no yusim gut pablik mani. Olsem na ol i laikim bai wanpela wok painim i mas go insait na glasim wok bilong Mista Alok long opis.

Ol komyuniti lida husat i sainim dispela petisen em long Otto Aiye, Siaman bilong MSCCPA, Joe Bess, Seketeri bilong Ramu Eria na Səamus Takei, Eksekutyutiv Memba, Madang Distrik.

Lae Nius

Sengero na Cornelius abrusim vot i nogat bilip

FRANCO NEBAS i raitim

BIKPELA paul i bin kamap long Morobe Tutumang bihain long singaut bilong vot i nogat bilip long Morobe Tutumang egensim Morobe administreta long Tunde.

Nabak Kaunsil Presiden, Andrew Holongke i statim dispela tok pait taim em i muvim vot nogat bilip egens Morobe administreta Ainea Sengero.

Planti nesanel palamen lida na kaunsil presiden i tok pait long dispela olsem em samting bilong provinsal eksekutiv kaunsil (Sam save) na i no samting bilong Tutumang husat em lejislitiv han bilong administresen.

Dispela olgeta samting i stat long Mande taim ol lain long Gavman i rausim mosen long vot nogat bilip egensim namba tu Gavana, Smith Cornelius.

Tutumang long Mande i sotpela, taim man i go pas long muvim mosen egensim Mista Cornelius na Fisheries siaman Mista Tali Kasip opiseli rausim Mosen.

Fainens siaman, Royden Aigal i saspandim oda bilong de na surukim Tutumang i kam long Tunde.

Long dispela, memba bilong Makam na Minista bilong Kalsa na Turism Andrew Baing i tok olsem Tutumang i westim taim bilong ol nesanel memba.

"Mipela ol nesanel memba i gat planti wok na yet mipela i kam long hia, na Tutumang i nogat agenda na ejenim go long Tunde.

"Sapos nogat agenda, bilong wanem yumi stap hia long Tutumang?" Baing i tok.

Tasol mosen i pas na Mista Kasip i no givim wanem as em i muvim o rausim vot i nogat bilip egensim namba tu Gavana.

Long Tunde bung i lukim paia lait stret long floa bilong

Tutumang long rausim administreta.

Tasol ol i painimaut olsem Tutumang i nogat pawa long rausim administreta we ol i lusim i go long han bilong PEC (Sam Sawe) long toktok.

Tutumang i stat taim Mista Holongre i muvim pravaait memba bilong vot nogat bilip egensim administreta Sengero.

Tasol Turism Minista Mista Baing i tokaut olsem asembli i nogat pawa long toktok long dispela samting.

Em i tok, nesanel gavman bai mekim wok painimaut i go insait long wok bilong provinsal administresen na provinsal gavman sapos dispela mosen i no aut.

Mista Holongke i tok moa long mosen bilong em olsem i nogat gutpela wokbung wantaim administresen na provinsal politisen.

Em i tok tu olsem administresen i no bin tok save long Tutumang we stap 1997 K2 milien Nesanel Gavman gren ol i putim i go long ol wanem projek na i no long projek ol i bin laikim long en.

Holongke i tok tu olsem administresen i tokaut long Provisel Gavman long K6 milien fri edukesen skul subsidi long yia 2000 we nau i gat foapela mun i stap bilong yia i pinis.

"Administresen i isi tumas long karimaut gavman disisen. Ol projek olsem Nawe hai skul, Pindiu hai skul, Bunsil wof, Burum bris na Rurel telifom Sevis.

Sapos dispela ol projek i no karimaut, ol pipel bai sutim tok i go long ol politisen na i no administresen. Yumi i gat tupela yia long givim ol dispela sevis.

"Mi laikim dipatmen bilong Pesenel Menesmen opis long senisim administreta, tupela administreta, edukesen program edvaisa na woks kodineta long i

no karimaut ol gavman disisen," Holongke i tok.

Huon Galp memba Tukape Masani i tok Sam save i rong long i no wokim wok bilong ol.

"Tutumang i nogat pawa long rausim administreta. "Em wok bilong PEC long mekim toktok i go long NEC wantaim ol sot lista nem. "PEC em feil long wok bilong em, Mista Masani i tok.

Finsafen memba na Woks Minista, Alfred Pogo i tokaut olsem Morobe administresen em namba wan long karimaut gavman rifom.

Em i tokaut long dispela muv olsem i nogut long wanpela pikinini Morobe husat i namba wan publik seven. Dispela muv bai givim rabis piksa long Morobe na i laikim PEC long toktok long NEC long makim administreta.

Gavana Luther Wenge i banisim Tutumang mosen na i tok long administreta i edvaisim kabinet long fri edukesen skul subsidi.

"Mipela bilip long profesonel edvais na bihain painimaut olsem dispela edvais i no gutpela," Mista Wenge i tok.

Em i tok dispela 10 pesen VAT, disasta na prais i go antap long ol samting i as we fri edukesen polisi i kamap tasol Morobe administresen i no wokim wok bilong em gut long edvaisim gavman.

Bulolo memba, Samson Napo i edvaisim PEC olsem administreta mas harim toktok long mekim wok.

Em i tok PEC na administreta mas wok wantaim long gutpela bilong provins.

Mista Holongke bihain i rausim mosen bilong em olsem Tutumang i nogat pawa long toktok long administresen wok tasol em i putim i go long PEC long mekim disisen.

Ol Morobe lida laik sekim kontrak bilong Sengero

MEMBA bilong Tewa/Siassi na namba tu Praim Minista Mao Zeming singaut long Morobe Gavman long sekim kontrak pepa bilong administreta na tu Gavana long wokbung wantaim ol Morobe palamen memba. Mista Zeming husat tu em Minista bilong Agrikalsa na Laipstok i mekim dispela toktok long Tutumang bihain long ol i singaut long senisim Morobe administreta.

Gavana i mas wokbung wantaim ol Morobe memba, "long nau yet mi no lukim wanpela gutpela wokbung namel long administresen na provinsal gavman na tu sekim kontrak bilong administreta sapos em i pinis, Zeming i tok.

Em i tokaut tu olsem em i sapotim ol arapela lida olsem Morobe administresen em namba wan long nesanel gavman rifom wok insait long kantri long wokim disisen long senisim administresen.

Em i tok i gat planti ol ekspirien politisen bilong provins i stap we ol provinsal lida mas traim kisim ol gutpela edvais long stretim ol hevi provins wok long bungim.

Menyama memba Thomas Pelika i tok long taim bilong em long yia 1992 ol i makim Mista Ainea Sengero

olsem administreta.

"Mi wanbel wantaim namba tu Praim Minista na askim PEC long sekim kontrak bilong em sapos i pinis," Pelika i tok.


Presiden bilong Hube kaunsil Mista Baseng Zango i singaut long ol memba bilong Fisika long protes long senis bilong administreta.

"I mas gat bel sori namel long administreta na provinsal gavman." Sapos dispela vot nogat bilip kamap mi askim olgeta lida long Fisika long protes long wanem administreta em namba long hap bilong yumi, Zango i tok.

Zango bihain i rausim dispela toktok bilong em na tok i mas gat wokbung wantaim long provins.

Tutumang tu long dispela taim i tok pait long ileksen bilong ol kaunsil presidens long ileksen i kam. Ol i laikim ol presiden bai ol pipel yet i makim we bai i no inap kamapim planti vot nogat bilip.

Tutumang tu i tok pait long makim bilong namba tu Gavana mas Gavana yet mas mekim na i no long mama lo we provinsal gavman i singaut long namba tu Gavana wantaim ol presiden.



• Sengero i abrusim vot i nogat bilip long Tutumang. Dispela piksa i soim em helpim wanpela spotman. Foto: FRANCO NEBAS.

2 we redio long Kabwum i bungim pipel wantaim

Kabwum distrik em hatpela distrik long bringim sevis i kam hariap na tu kantri i gat hevi long mani. Olsem na wanwan sevis olsem yu kisim yu mas amamas na tok tenkyu long God na Gavman na ol lida bilong yupela, memba bilong Kabwum Ginson Saonu i tokim ol sios lida na ol pipel insait long Timbe seket konfrens long las mun.

Ol pipel bilong Desain paris insait long Deyamos lokol gavman kaunsil long Kabwum distrik, Morobe provins i amamas long lukim sampela senis i kamap long taim bilong memba bilong Kabwum Ginson Saonu.

Long Fraide Julai 21 dispela yia taim memba yet i go bungim ol sios lida bilong Timbe seket long wan wik seket konfrens bilong ol long Pinon ples na tokim ol sios lida wantaim pipel bilong Sambongan, wanga, Lamnge, Kondoron, Pinon Patak na Mumugam long sevis ol i kisim pinis na bai kisim long en.

Yupela kisim pinis Kombongdon Komyuniti Skul, Sambongan wara saplai na haus lotu na mentenens mani helpim blong foapela ples. Nau mi kisim tu we redio i kam long

yupela na rot bilong ka bai i kam. I gat mani i stap pinis olsem K100,000 long Molon Mumugam rot em yupela manmeri yet i wok na kisim mani. Mista Saonu i askim ol pipel long painim spes long wokim ples balus tu long dispela hap.

Tu we redi long Kombongdon i bringim namba bilong redio memba wantaim tripela lokol gavman kaunsil bilong Kabwuk distrik i putim i kamap 8-pela na mekim wok bilong komyunikesen o salim toktok i orait insait long Kabwum distrik. Klostu 7-pela moa bai mipela putim na bai olgeta hap kona bilong Kabwum bai i gat rot bilong toktok o salim toktok i go i kam long narapela narapela, Mista Saonu i tok.

Ol sios lida ikam long Songin, Derim, Yandu, Yakop, Dawot, Timowam, Ongakei wantaim ol pipel bilong Sambongan, Wanga, Lanage, Kondoron, Patak, Pinon na Mumugam long bungim Mista Saonu.

Memba Saonu i tokim ol long bai sikurim sapot bilong en long wok sios insat long Timbeseket na tu long Kabwum distrik olgeta.

PHONE: (675) 472-3912 **FAX:** (675) 472-3919

IMPACT SIGNAGE PNG

Any Size, Any Shape, Any Amount

- COREFLUTE SIGNS
- METAL SIGNS
- BUMPER STICKERS
- T-SHIRTS
- STUBBY COOLERS
- BILLBOARDS
- BUNTINGS
- POINT OF SALE

FOR ALL YOUR PRINTING NEEDS

P.O. Box 3705, Lae, M.P. 411, Papua New Guinea - Email: impact@global.net.pg

Luteran Sios i no sapatim lo bilong pasin pamuk

EVANJELIKOL Luteran Sios bilong Papua Niugini (ELCPNG), i no sapatim tingting bilong wanpela strongpela memba bilong sios bilong ol na Gavana bilong Morobe provins, Luther Wenge, long kamapim lo bilong pasin pamuk.

Het Bisop bilong ELCPNG, Dokta Wesley Kigasung i tokim *Wantok* long dispela wik olsem, ELCPNG i no sapatim toktok bilong Mista Wenge long kamapim lo bilong pasin pamuk.

Em i tok tu olsem em i bin autim dispela tingting bilong em pinis long sampela lida bilong Palamen olsem Spika Bernard Narokobi na Minista bilong Trensport na Sivil Aviesen

Bart Philemon.

Het Bisop Dokta Kigasung i tok, long ai bilong ol pipel husat i no bilip long God na bihainim pasin bilong em, em i orait long kamapim kain lo. Tasol, long ai bilong ol Kristen bilip manmeri, em i tok, dispela em i no gutpela tingting.

Dokta Kigasung i tok, rot bilong stretim hevi bilong HIV/AIDS em long skulim moa pipel long wok bilong marit, famili laip na wok bilong lukautim bodi.

"Sios na Gavman i mas putim moa mani i go insait long skulim ol pipel long save long wok bilong marit, famili laip, na wok bilong

lukautim bodi bilong ol," Dokta Kigasung i tok.

Em i tok i tru dispela bai lukim Sios na Gavman i yusim planti mani tasol dispela bai helpim sosaiti, famili, na wan wan manmeri long longpela taim.

Em i tok tu olsem tingting bilong kamapim lo bilong pasin pamuk bai bagarapim kalsa na komyuniti.

Dokta Kigasung i tok kalsa na ol veliu bilong kalsa bilong ol pipel bilong PNG i stap strong yet long dispela taim, na kain tingting bilong kamapim lo bilong pasin pamuk bai bagarapim dispela pasin tumbuna na kalsa bilong PNG.

Luteran siping amamasim *MV Minigulai*

BOS bilong Luteran Siping na Het Bisop bilong Evanjelikol Luteran Sios bilong Papua Niugini, Dokta Wesley Kigasung, i salim bikipela tok tenkyu i go long ol pipel bilong Is Niu Briten provins long yusim tokples bilong ol na givim nem long wanpela pasindia sip bilong sios.

Dokta Kigasung i tok, long mun Me 2000, Namba Tu het bisop bilong ELCPNG, Bisop Kiage Motoro, i bin opim wanpela nupela pasindia

sip bilong ol na i kolim nem bilong dispela sip *MV Minigulai*. Long Tok Ples Kuanua, em i nem bilong Tarangau bilong solwara.

Long dispela Sande, Dokta Kigasung bai go long Rabaul long bung wantaim ol lida bilong sios, komyuniti lida, bisnis lain, na sampela politisen long soim bikipela amamas bilong Luteran Siping long yusim nem *Minigulai* long wanpela sip bilong ol.

Dokta Kigasung i tok bai i gat lotu pastaim long bikipela amamas bilong dispela de. Bihain long lotu *MV Minigulai* bai kism ol lain i go bung long amamasim dispela de long solwara bilong Rabaul basis long amamasim ol.


Em i tok *MV Minigulai* bai kism samting olsem 300 pasindia, na kos bilong pasindia em K80 long ol rum i no dia tumas na K100 long ol rum bilong ol lain i ting ol i ken

baim moa mani na kism gutpela sevis liklik antap long bot.

Dokta Kigasung i tok *MV Minigulai* bai kism ples bilong *MV Rita* na *MV Mamose*. Dispela ol sip bai senisim ron bilong ol na ron namel long Lae Popondetta na Madang na narapela sip bai ron namel long Madang na Sepik.

Narapela sip bilong Luteran Siping, *MV Gejamsao* bai ron namel long Lae na Finsafen.

Tupela Katolik pater i go stadi long Rome



• Pater Joseph Gallo (lephan) wantaim Pater Alphonse Dandi (raitman) bipo long ol i go long Rome. Poto: IVAN BAYAGAU.

VERONICA HATUTASI i raitim

TUPELA Katolik Daiosisen pater bilong Wes Niu Briten i lusim Papua Niugini na i go long Rome long las wik long stadi. Ol bai stadi long tupela yia.

Pater Joseph Gallo husat i kam long Ulamona bai kism skul bilong Biblical Theology long Urbaniana Katolik Yunivesiti long Rome na Pater Alphonse Dandi bilong Talasea bai kism skul bilong Moral

Theology long Alfonsiana Yunivesiti em tu i stap long Rome.

Tupela pater ya i kam aninit long ambrela bilong Asbisop Karl Hesse bilong Rabaul Asdaiosis husat i givim tok orait long dispela tupela pater i ken go kism moa skul. Dispela tupela pater i kism odinesen bilong ol long Disemba 1996 na ol i bin wok long ol arapela peris long Is na Wes Niu Briten.

Long taim em i lusim PNG las wik, Pater Joseph i bin wok olsem Vokesen Trening Dairekta wantaim Rabaul Asdaiosis. Em i bin holim

wok tu olsem edita bilong niusleta bilong daiosis, Tultul. Em i helpim tu long tisim ol arapela yangpela seminariem bilong PNG long Holi Spirit koles long Bomana.

Pater Alphonse i bin wok long Aona Peris long Pomio na tu long Walapai peris. Long sotpela taim, em i bin wok long Gagan peris long Bogenvil.

Tupela pater i amamas long go stadi long Rome na i tok ol bai yusim save bilong ol long helpim ol komyuniti ol i bai wok wantaim taim ol i kam bek long PNG.

ELCPNG NGI Konferens bai kamap long Biala

WENCESLAUS MAGUN i raitim

EVANJELIKOL Luteran Sios bilong Papua Niugini, Niugini Ailan rijen, i holim Distrik Konferens bilong ol long Biala long dispela wik.

Het Bisop bilong ELCPNG, Dokta Wesley Kigasung i lusim Lae long Tunde bilong i go long dispela kibung. Em bai lusim Biala long Fraide 11 Ogas na i go long Rabaul long stap insait long

selebresen bilong *MV Minigulai*.

Luteran Sios bilong NGI rijen, i karamapim tripela seket. Ol dispela seket em long Is Niu Briten, Wes Niu Briten, Niu Ailan na Bogenvil.


Dokta Kigasung i tok hevi bilong pait long Bogenvil i bin stapim wok misin long Bogenvil long dispela taim na olsem Luteran Sios i wok tasol long ol arapela NGI provins.

Wanpela bikipela toksave em i laikim ol bilip manmeri bilong

Luteran Sios long NGI na tu long Papua Niugini i mas tingim em astingting bilong ELCPNG long dispela yia.

Dispela astingting em long: "Sanap strong long bilip, holim strong pasin na Tok bilong God na bai dispela i ken givim stia ong laip na wok bilong ol pipel."

Het Bisop Dokta Kigasung i tok PNG i wok long bungim kain kain hevi na ol traim we i ken traim bilip bilong ol bilip manmeri na olsem ol i mas redim ol yet.



Bruda was long Koki peris
• Dispela Franciscan Bruda Clifton husat i lukautim St Francis Koki Engliken Sios olsem wanpela pater. Bipo long dispela, em ol pater i save lukautim sios. Dispela peris em ol bruda yet i bin statim.

Katolik Sios salensim Gavana Agiru long karim gan long pablik

OL Katolik bisop bilong Papua Niugini na Solomon Ailans i sanap strong long salensim Sauten Hailens Gavana Anderson Agiru, long karim gan long pablik ples olsem ples balus long Mendi long las wiken i go pinis.

Salens bilong ol Katolik bisop i bihainim wanpela poto i kamap long *"Post Courier"*, Mande 31 Julai wantaim hetlain, "Only God will remove us".

Long dispela poto na stori, Gavana Agiru i tok gutbai long sampela politisen i go long lukim sampela ol projek em i tingting long kirapim long provins bilong em wantaim helpim mani i kam long Chevron Niugini, wanpela bikipela kampani i wok long provins bilong em.

Insait long wanpela pas, Jenerel Seketeri bilong Katolik Bisop Konferens, Lawrence Stephens i salim i kam long

Wantok, dispela pas i kamapim planti askim long wanem as, Gavana Agiru, i mekim kain pasin em i bin mekim pinis.

Wanpela bilong ol askim Mista Stephens i askim i go olsem: "Do we need our politicians to display themselves, dangerously armed, as examples to the public, and in particular to our youth?" (I gat as long ol politisen bilong yumi i soim ol yet, olsem ol i karim samting bilong pait na ol pipel i mas lukaut long ol, olsem piksa long pablik, na moa yet long ol yut bilong yumi).

Mista Stephens i tok dispela poto i soim stret pasin bilong gan i save go insait long komyuniti olsem wanem na tu pasin bilong ol politisen long gan.

Em i tok sapos ol politisen i sanap strong long egensim pasin bilong yusim gan, ating PNG bai abrusim planti pait na pasin bilong kilim man o meri i dai.

Rit na rait em bikpela samting long kamapim gutpela sindaun na developmen

VERONICA HATUTASI I raitim

PASIN bilong rit na rait em i bikpela samting bikos dispela em i opim dua na givim sans long ol pipel long stap insait long wok bilong developmen bilong kantri.

Na tu go hetim gut laip na sindaun insait long famili, komyuniti na kantri, memba bilong Mosbi Saut wes Ledi Carol Kidu i tok taim em i opim lons bilong Bukfea long Mosbi.

"Rit na rait na ol buk i opim dua long save, save we i ken kamapim gutpela sindaun bilong laip long planti rot. Planti kantri long wol i soim olsem wanpela rot tasol long kamapim gutpela helt level na laip em long skulim ol pipel long rit na rait.

"Yes, yumi i ken gat ol nupela

samting, ol bikpela na naispela bilding, ol ka, ol opis i gat ol kompyuta tasol sapos planti ol grasrut pipel bilong yumi long ples na long strit i no save long rit na rait ol no inap long stap insait long wok bilong skruim gut wok long kantri i go fowet," Ledi Kidu i bin tok.

Em bin tok 45 pesen long ol pipel insait long kantri i ken rit tasol planti i no inap long rit gut, ol i ken raitim nem bilong ol na tu ritim Baibel. Na em bin tok dispela kain ripot i no gutpela samting long amamasim insait long 25 krismas independen bilong kantri.

Ledi Kidu i bin tok bikos pe bilong ol buk long PNG i antap tumas, planti pipel i no inap long baim ol na dispela tu i wanpela samting we i givim hevi long planti pipel na ol ino inap long

baim ol buk we ol na ol pikinini bilong ol i ken ritim na amamasim long en.

Em bin tok sapos ol pipel i ken senisim pasin bilong ol na stretim ol yet long putim pastaim ol bikpela samting we bai gutpela long famili, ol pikinini na ol yet long skruim gut laip bilong ol i gutpela.

Wanpela rot em long famili i baim wanpela buk long wanpela yia na kirapim wanpela komyuniti buk eksens bai gutpela

Het tok bilong Bukfea 2000 em "Read it, read, read it. Rit na rait em rait bilong yu."

Ol poroman bilong Nesenel Laibreri grup i bin go pas long dispela tupela de Bukfea. I no long taim i kam bai kantri i gat Nesenel Bukwik we olgeta skul long kantri bai selebretim wantaim ol aktiviti long en.

• Ledi Carol Kidu i toktok long Bukfea lons long Granville Motel. Planti buk pablika na ol lain i gat laik long ol buk na ol arapela moa i bin stap long dispela taim na long Sarere Ogas 5 long lukim ol buk na tu stap insait long ol Bukfea aktiviti. Piksa: Ivan Bayagau.



Hevi bilong ol pikinini na sik AIDS i bikpela wari

RIPOT we Nesens ripot we Yunaitet Nesens Intenesenel Childrens Edukesen Fan (UNICEF) i bin lonsim long las wik i autim strongpela salens long luksave na lukautim raits bilong pikinini long skruim sindaun taim em i bebi na i groap na tu long ol wan wan kantri long wol i daunim sik nogut HIV/AIDS.

Man i go pas long opis bilong UNICEF long PNG Richard Prado i tokaut long dispela lonsing seremoni long Mosbi olsem ol samting we PNG i mas givim bikpela tingting long en em long strongim banis sut (immunisation), poveti o pasin bilong stap trangu wantaim nogat inap samting, sik nogut HIV/AIDS na ol lus pikinini.

Em i tok salens i stap wantaim gavman, ol atoriti, ol papamama insait long famili, komyuniti, ol provins na kantri bilong daunim ol dispela hevi we i pasim rot bilong kantri na ol pipel i go gut.

Em bin tok olsem long 13.5 milien pipel long wol husat i gat sik HIV/AIDS, 10.5 milien em krismas bilong ol i stap daunibilo long 15 yias.

Na em i putim singaut long ol kantri long wol long bung na wok wantaim long daunim dispela sik AIDS.

Mista Prado i tok Progress of Nations" ripot em dispela hanmak we i save skelim na glasim progresu long go het bilong

kantri bilong luksave long raits bilong ol pikinini na ol i save lukluk long sait bilong helt, hamas pikinini i save dai long olgeta yia na ol dispela samting olsem bilong makim skel level wantaim ol arapela kantri long wol.

Mista Prado i bin tok 30 milien pipel insait long ol developim o ol liklik kantri long wol i save stap long poveti level na PNG i wanpela bilong ol.

Em i tok taim ol pikinini i no kisim gut ol sosel sevis, dispela i bagarapim rot bilong ol long go het na kamapim ol gutpela man meri bilong developim kantri, komyuniti na ol famili bilong ol.

Edukesen Seketeri Peter Baki i bin, tok PNG nau i stap long eksens ikononi ol manmeri i mas wok long kisim mani long lukautim ol yet na famili bilong ol. Glasim wantaim dispela, em i tok edukesen sistem em gutpela rot long helpim pikinini i gat save long ol rot bilong stap na painim wok long kisim mani long en.

Praim Minista Sir Mekere Morauta husat i bin lonsim program ya i bin tok HIV/AIDS ripot bilong PNG i no gutpela bikos maski sik ya em i kamap nupela insait long PNG, em i wok long kisim kwik na bagarapim planti pipel tru.

Glasim wantaim Saut is Asia na Pasifik, PNG i kamap namba faiv wantaim bikpela mak long ol yangpela namel long 15 inap

long 24 krismas husat i stap wantaim sik ya. Na em i no lukgut taim kantri i klostu selebretim 25 krismas olsem wanpela independen kantri.

Bihainim nesenel helt ripot bilong PNG, Sir Mekere i tok moa meri i kisim dispela sik

UNICEF stadi i soim olsem mak bilong ol meri gat dispela sik em stap antap moa long ol man.

"Sapos yumi no stretim dispela hevi nau insait long kantri, PNG bai bungim taim nogut tru

Em bin tok HIV/AIDS em i nupela kain sik insait long kantri tasol em i kilim planti manmeri pinis. Na sapos ol atoriti i no wokim samting kwiktai, kantri bai bungim bikpela hevi long sosel na ikononi mak.

Em i strongim ol atoriti olsem helt, edukesen naol arapela grup long karimaut ol edukesen aweanes we i ken skulim ol pipel long dispela sik, ol rot we ol man i save kisim sik ya na ol i ken abrusim.

Em bin tok i gat pinis ol provin-sel na lokol level grup we i wok long karimaut ol aweanes na ol samting bilong daunim sik ya tasol mani i sot em wanpela hevi long ol provins long karimaut wok long dispela samting.

Em i tok ol Helt Dipatmen ripot i soim olsem insait long wan wan yia, mak long ol nupela lain wantaim HIV/AIDS i wok long go antap long 70 pesen.

30 krismas bilong Wantok niuspepa



• (Lephan) Edita bilong Wantok Yakam Kelo wantaim siaman bilong kampani Pater Vince Ohlinger namel na tupela Wantok ripota, Veronica Hatutasi na Wenceslaus Magun i bungim han long katim betde kek long makim 30 krismas bilong Wantok niuspepa.

WANTOK Niuspepa, wanpis Tok Pisin niuspepa insait long Papua Niugini i kamap 30 krismas long Sarere Ogas 5 long las wiken. Wantok Niuspepa i bin stat long Wiru long Is Sepik provins long Ogas 5, 1970 na bihain i muv i go long Mosbi we em i stap inap tude.

Foapela bikpela sios, Katolik, Luteran, Engliken na Yunaitet Sios i bin poroman wantaim long kamapim

dispela niuspepa we niuspepa i kamap bungim 30 krismas bilong en.


Long Tunde dispela wik, ol wokmanmeri bilong Wantok niuspepa i amamasim dispela wantaim wanpela bikpela betde kek we ol arapela wanwok tu long arapela niuspepa kampani olsem The National niuspepa na Yumi FM redio stesin i kamap long witesim tu.

Wantok niuspepa i stap aninit long nem bilong Word Publishing kampani na em i gat tupela susa niuspepa tu. Tupela niuspepa ya em The Independent na PNG Business niuspepa we ol wokman i save raitim long tok Ingliis.

Wantok na The Independent i save kamaut long olgeta Fonde moning na PNG Business i save kamaut long olgeta mun.

20t

WANTAIM VAT




NOKEN PEIM MOA



OFFICE OF RURAL DEVELOPMENT

Yia 2000 districk divelopmen program grant



Project olsem




Gavman bilong Papua Niugini i kirapim wok bilong kamapim rot bilong gutpela sindaun long wanwan distrk na divelopim na helpim long kirapim ol project inap long kamapim gutpela sindaun.

Opis bilong Rural Divelopmen i singautim olgeta lida husat i laikim moni bilong kirapim rural project long salim aplikasin bilong ol Ikam Joint Distrik Plenin na Budget Priority Committee.

Long yia 2000, olgeta project imas istap longpela taim na ol manmeri i kisim gutpela helpim.

Opis blong Rural Divelopmen bai lukautim ol projects Gavman i helpim long kirapim bilong helpim lokol komyuniti bilong yumil Insalt long olgeta wanwan Distrik bilong Papua Niugini.

Kampani o grup husat igat laik long aplai imas ringim lokol Distrik Administreta bilong ol o ringim Opis bilong Rural Divelopmen.



- ✓ Wof
- ✓ Bris
- ✓ Han rot
- ✓ CIS building
- ✓ Polis building
- ✓ Liklik ples balus
- ✓ Haus bilong tisa
- ✓ Aid pos na Klinik
- ✓ Rural wara supply
- ✓ Rural pawa supply
- ✓ Administresin building
- ✓ Haus bilong Helt wok manmeri
- ✓ Elementary na Primary classrooms

Long moa toksave ringim:

Office of Rural Development
P. O. Box 1100
WAIGANI N.C.D

Telefon : 328 8380
Fax : 328 8361



• Darekta Peter Piaoewen (raitan) wantaim nius ripota bilong Westen Hailens provins Pius Mon (Iephan) i holim Kandep sil. Foto: TIMOTHY AIMS.

Kaeap loj amamas long so

THEO THOMAS i raitim

ENGA Show i bin bringim planti gut-pela samting i go long Enga Province long taim em stat i kam inap nau.

Em i wok long bungim ol manmeri na soim ol manmeri bilong narapela hap olsem Enga i no wanpela nogut ples. Na tu em i wok long bringim gut-pela bisnis i kam long ol bisnis insait long provins.

Wanpela bilong dispela ol bisnis em wok long kisim bikpela halivim long so em ol kain bisnis olsem ol hauslip nambaut.

Dispela em toktok, menesing dairekta bilong Kaeap Orchid Lodge, Mista Pita Piaoewen long Wabag i bin wokim.

Mista Piaoewen tok Enga em wanpela naispela ples tru we i nogat planti trabel i stap.

Enga i gat sampela gutpela ples bilong raun na lukim na tu ol pasin tumbuna bilong ol lain long hap i narakain tru.

Tasol trangu provins i save kisim nem nogut planti taim tumas na dispela i save haitim gutpela hap sait bilong provins.

"Ol manmeri i save ting Enga em trabel ples bikos long ol nogut nius we i save kamap long Enga tasol dispela i no tru.

"Ol traibel pait we i save kamap em bilong ol lain husat i pait tasol. Ol i save long ol birua bilong ol na i no save wokim nambaut nating long ol narapela lain nambaut," Mista Piaoewen tok.

Tasol em tok taim so i bin stat, planti ol manmeri i wok long go insait long provins long lukim so na planti bilong ol i kirap nogut tru taim ol i lukim olsem Enga i wanpela naispela ples na tu ol lain long hap i no trabel lain.

Em tok ol man olsem em yet husat i stap insait long kain hauslip na turis bisnis i bin kisim planti bisnis long

taim so i bin stat na em i amamas long gutpela tingting bilong gavman long ol halivim ol i save givim long kirapim so.

"Mi amamas long gavana bilong mipela Mista Pita Ipatas long mani em i putim long wokim so kamap," Mista Piaoewen tok.

Mista Piaoewen tok long dispela so we bai i kamap long wiken, ol manmeri husat i laik go lukim so i bukim pinis olgeta rum long loj.

"Dispela em bai nambawan taim stret bilong mipela we olgeta rum bilong mipela i pul olgeta," Mista Piaoewen tok.

Wanpela bikman husat bai go silip long hap long lukim so em Ai Komisina bilong Australia, Mista Nick Warner.

Tasol sapos yu ritim dispela stori na i no save long we Kaeap Orchid Lodge i stap long en, orait me ken tokim yu olsem em i stap olsem 30 minit draiv ausait long Wabag.

Ples ya i sindaun antap tru olsem 9000 mita antap long mak bilong solwara na sapos yu stap long hap, yu ken lukluk i go tamblo long Lai na Ambum veli.

Dispela loj em ol wokim long ol samting bilong ples stret na Mista Roy Evara i bin opim em long 1978. Em i gat 12-pela rum bilong ol dabol o wanwan na ples bilong kaikai.


I gat olsem 100 kain ol okit plaua i stap long hap na 5-pela kain kumul i stap long hap.

"Sapos yu kirap long silks kilok long moning, yu ken lukim kumul ol kolim long Miok," Mista Piaoewen tok.

Ol narapela samting em ol i gat em long ol ples bilong kibung, wokim pati, soim ol turis ol ples na wokim ol kainkain pilai bilong ol manmeri husat go stap long loj.

Ol tu i save givim ol spesol prais long ol grup.

Loj i gat 16 wokman meri na bilong ol lain bilong Kamanuan hauslain long Malipini wanpisin.



• Ol meri Hagen kilim skin i stap. Ol ino givim sans long paitim kundu na singing long Enga so.

ORCHID LODGE LTD

Congratulations to the ENGA CULTURAL SHOW COMMITTEE and ENGA PROVINCIAL GOVERNMENT under the Leadership of Enga Governor Hon. Peter Ipatas for making the Enga Cultural Show a success and in the years to come -

KOL ACCOMMODATION

Double - K85.00

Single - K75.00

More than 10 people - 20% Discount.

Children under 10 - 50% Discount.

Children under 4 - Free



MEAL COSTS

Dinner K10.00 - K25.00


Lunch K 8.00 - K15.00

Breakfast K 8.00 - K15.00

Enquiries call Peter Piaoewen on


Phone: 542 2087/547 1253 Fax: 547 1001

Home of PNG orchids. Magnificent view from 9,000 feet above sea level. Overlooking Lai and Ambum Valley-Lodge on top of the world.



• Ol foapela Hailans lida, Simeon Wai (Karamui Nomane), Joseph Wamil (Gumini), John Pundari (Kompiam Ambun) na Henry Smith (Goroka Open) i sanap long fran bilong nupela distrik opis long Kompiam Ambun insait long Enga provins.

• (Iephan) Minista bilong Fores Micheal Ogio na (name) Priam Minista Sir Mekere Morauta i sanap wantaim memba bilong Kompiam Ambun John Pundari long las wiken insait long wanpela bung wantaim raun bilong PDM na Edvens PNG pati.



• Minista bilong Lens John Pundari i bungim ol kaunsil bilong ples we ol i amamas na sikan long em.

• Ol memba bilong Edvens PNG Pati, memba bilong Kabwum Ginson Saonu na memba bilong Gumini Joseph Wamil i sanap long fran bilong wanpela ges haus long Porgera long Enga provins.



• Ol mama na yangpela meri bilong Kompiam Ambun i bilas na sanap redi long welkamim Prait Minista na ol arapela lida husat i go raun long Kompiam Ambun na Porgera long las wiken.

• (Raithan): Ol pipel bilong Kompiam Ambun i amamas long lida bilong ol John Pundari na ol i karim em bihain long ol i lukim planti gutpela wok lida bilong ol i kamapim long ilektoret bilong ol.





• Tupela yangpela skul meri long Bomana i kisim tropi long presentesen bilong Pot Mosbi skul soka long Sarere long Sir John Guise Stadium.

Federesen i singaut long ol tim i nominet

PNG SOFBAL FEDERESAN RIPOT
PRESIDEN bilong Papua Niugini Sofbal Federesen i singaut i go long olgeta memba asosiesen long salim tim long nesenel klab sempionsip. Dispela sempionsip ya bai kamap long Pot Mosbi long Independens wiken.
 Mista Nelson Paulias i mekim dispela toktok long traim pulim moa tim long kam stap long dispela

namba wan sempionsip bilong nupela milenium, na Pot Mosbi sofbal asosiesen yet bai go pas long holim.
 "Mipela ting 24 tim bilong ol man na meri bai kamap long dispela sempionsip. Na mipela i singaut tu long wan wan asosiesen olsem wanem tim i kamap namba tu i ken kam pilai tu ya," Mista Paulias i tokaut olsem.
 PNG Sofbal Federesen i mekim K400 olsem nominesen fi. Wanem tim i laik pilai i

mas baim dispela fi bipo long pinis bilong dispela mun Ogas. De bilong nominesen fi bai pas long Ogas 30.
 Wanem ol asosiesen i laik baim dispela fi i mas salim i go long PNG Sofbal Federesen na i no ken givim long ol kinkain man nambaut.
 Ol asosiesen i laik traim pilai na laikim nominesen fi, i ken ringim Mista Paulias o sekretari bilong em Francis Rangattin.

Madang makim ol pilai bilong sempionsip

VOLEIBAL RIPOT
MADANG i makim volibal skwat bilong em pinis long stap insait long nesenel volibal sempionsip we bai kamap long Pot Mosbi. Dispela sempionsip bai kamap long Sir John Guise stadium long Independens wiken.
 Eksektyutiv siaman bilong Madang Volibal Asosiesen Steven Kadam i tokaut olsem dispela skwat em ol i makim

bihain long Momase rijonel sempionsip we i kamap long Julai 21-23 long Madang.
 Dispela skwat i gat planti ol yangpela na studen we i skul insait long Madang taun yet.
 Sampela bilong ol pilai husat i stap long tim bai namba wan taim bilong ol long stap insait long nesenel sempionsip.
 Mista Kadam i tok olsem hevi bilong ol nau, Madang i no gat ol longpela pilai

tasol tim ya bai trening long kot muvmen na blokim ol birua tim.
 Dispela skwat ya bai go daun long 10-pela pilai long go pilai long Pot Mosbi.
 Nem bilong ol pilai em (Man) Junior, Rudy Kisom, Leo Aukongo, Hanz Angmai, Iviki Heni, Keith Gedabing, Ivan Simon, George, Weneki Tim, Barry, Gabby Woka, Joe, Mathias Siling, Heni Mea (pilaia/namba tu

kosa), Emil, Romeo Sapau.
 (Wimens) Anna Kadam, Jossy Evoa, Doreen Japeth, Leah Gebabing, Maria Monufandu, Nathasa Gobading, Samang Halim, Alexia, Jorpaine Lalu, Janeth Vincent, Numua Balim, Joyce Balim, Linda, Gumunpaine Samai, Angela Ongakau na Dulcie E. Kosa em Steven Kadam yet na em bai kisim helpim long Heni Mea.

POM Skul soka makim trening skwat

HENRY MORABANG i raitim

POT MOSBI Skul Soka Asosiesen (POMSSA) i makim pinis tupela treninng skwat bilong Anda 11 na Anda 12 long go pilai long Cairns na Mackay, long Not Kwinslen, Australia long mun Septemba.
 Sekretari bilong POMSSA Michael Sanginumbuk i tok olsem bihain long foapela wik trening na ol bai tokaut long fainel tim long go pilai long Australia.
 Sanginumbuk i tokim **Wantok** olsem bikpela miting bilong dispela skwat memba na tu ol papa mama bilong ol pilai i kamap long Tunde long Sir John Guise stadium we i toktok long trening na program bilong ol yangpela.
 Sevenpela skul insait long Pot Mosbi soka i givim 4-pela pilai olgeta long anda 11 na Tokarara tasol i gat wanpela pilai. Ol skul i gat 4-pela pilai em Sen Peters- Erima, Ela Beach, St Joseph,

SKUL SOKA RIPOT

Gordons IEA, Korobosea IEA, Ela Beach Inta, Bomanda na Murray IEA.
 Nem bilong ol yangpela pilai em Anda 11 Nanai Amona, Tony Kondolo, Thomas Lemon, Aloysius Brabar (Ela Beach), Rowen Kennedy, George Baki, Troy Taule, Ignatius Nauga, Anthony Sanginumbuk (St Joseph), Kingsfrod Waeda, Bradley Ralewa, Moses Tekwie, Martin Tuka (Gordons IEA), Comos Kaivulo, Killion Waisip, Napolian Waipot (Bomana), Jonathan Hersey, Thomas Chan, Jack MCrear, Damon Maskelyn (Murray), Anthony Mase, Elison Kiwa, Ismael Kavanamur, Bele Dago (St Michaels), Mitch Mays, Kila Leka, Michael Poponhelan, Henry Kavora (Korobosea IEA), Clive Kiragi (Tokarara) na Micha Wai, Henry Morabang Jnr, Ainiyu Matlaun, Tanda Pakio (St Peters), Kosa em Desmond Alesena na

Lawrence Giyowanauri, Tim menesa em Kalo Amona
 Na long skwat bilong Anda 12 em i sanap olsem Alivate Lalatute, Derek Tom, Eliza Riyong, Richard Bridger, Marist Enest, Junia Anania, Paul Ganala, Ryan Woolley, Joseph Kakahe, Sebastian Niamfop, Albert Haelakore, Abena Aisi, Johnson Amos, William Mobbs, Gini Gege, Desmond Gambe, Renadal Karava, Ridzwan Hamzah, Henry Frank, Sammie Linsay, Chrysander Siri, Emmanuel Isana, Sarto Modagai Jnr, Vincent Rema, Kutrime Agumagu, Sanders Daipo, Reynold Rema, Goasa Demana, Isidore Sitapai, Nicholas Tata, Elton Power, Allan Lance, Jimmy Hama, Vickey Moses, Darren Short, Zharreth Rere, Kila Apakali, Denis Mala, Emmanuel Peto, Francis Igo, Sylvester Niu, Jason Wama, Ashley Dikana, Edward Maip, Raphael Sipaih, Joshua Tore na Joshusa Wesley.

Hailens rijonel soka surikim fainel

SOKA RIPOT

GRENFAINEL bilong Hailens Rijonel Soka tonamen i no bin kamap las wik bihain long sampela tim i no bihainim taim bilong pilai.
 Presiden bilong Hailens Soka Asosiesen David Chung i tokaut olsem planti tim i no save kamap long taim na dispela i westim bikpela taim na taim i sot stret long holim dispela ol gren fainel.
 Em i tok olsem dispela gren fainel bilong Hailens Soka nau bai kamap long tupela wik bihain.
 Fainel bai stap namel long Simbu na Goroka long resis bilong ol man. Na long resis bilong ol meri, Mt Hagen bai bungim Mendi bihain long ol i winim Goroka.
 Mendi i muv i go long fainels bihain long ol meri Simbu i les long kisim fil taim tupela tim i dro 1-1. Ol i les long pilai long ekstra taim olsem na ol oganaisa i givim gem i go long Mendi.
 Mista Chung i no amamas long ol tim i westim taim long surikim fainel i go long arapela taim gem.
 Tasol em i amamas long stendad bilong gem. "Mi ting mipela i ken salensim gut ol tim long Lae na Pot Mosbi," Chung i tok.
 Tupela asples tim, Goroka na North Goroka i kamapim strongpela gem tru na tupela wantaim i winim pul bilong ol North Goroka i winim namba wan spes long Pul A na Goroka yet i winim spes long Pul B.
 Tim long Pul A: North Goroka, Mt Hagen, Mendi, Hakari na Unggai. Na long pul B - Goroka, Simbu, Kainantu, Porgera

na Kutubu.
 Long resis bilong ol meri, Goroka i kamapim gutpela gem tru na winim olgeta gem bilong em. Ol i winim sempion tim Mendi, Mt Hagen, Simbu, Kainantu na North Goroka.
 Ol meri North Goroka i no pilai long semi fainel bikos wanpela gem ol i winim long fofit em ol oganaisa i no putim long poin bilong ol.
 Semi fainel bilong ol man namel long North Goroka na Simbu i kamap gutpela stret. Ol boi Simbu i winim ol North Goroka 2-1 long bungim Goroka long gren fainel.
 Tim bilong ol North Goroka em i gat ol studen bilong wan solwara husat i skul long Yunivesiti long Goroka na Bsns Koles husat i kamapim gutpela stail pilai long dispela resis.
 Ol studen long North Goroka skorm namba wan gol tasol ol boi Simbu i bekim long arapela long namba wan hap. Olsem na long hap taim, skoa i sanap olsem North Goroka 1 na Simbu 1.
 Insait long namba tu hap, North Goroka i kamapim olgeta kain stail tasol Simbu i no wari. Ol i tokim ol boi Goroka, yupela inap long tais bilong ol Simbu o. Olsem na ol i lokim olgeta kona bilong North Goroka na pairapim umben wanpela arapela gol.
 Skoa nau i sanap, Simbu 2 na North Goroka wan yet.
 Dispela gem i go inap fultaim.
 Olsem Mista Chung i tok gren fainel i no inap kamap bikos taim bilong pilai i sot na ol i surikim i go long narapela wik gen.



IKEN WOKIM GUTPELA SAMTING LONG YU



• Tupela yangpela studen meri bilong Kila Kila Hai Skul i kisim tropi bilong ol long Pom Skul soka resis presentesen long Sarere.



• Pitsa bilong Madang, Madeline Takaili i soim kain stail we i bagarapim tru sindaun bilong sampela birua tim long nesanel junia sofbal sempionsip i kamap long Lae.

Sampela oi sapota i kamap long lukluk long junia sofbal sempionsip we i kamap long Lae. Foto bilong Lae: FRANCO NEBAS.

betow: Pilaia bilong Cycione i taitim lek bilong em long rausim bal hariap, taim saiensim oi Kula long Sande. Foto: ISSAC IKUAVI. Raithan: Yangpela Davani i taitim was long pilaia bilong Kurti Andra long Pot Mosbi primia kik resis long Sarere.



Maitona i wilwilim Waliya

KIUNGA LIG RIPOT

IAN KAKARERE i raitim

LOK FOWAT bilong Fly Storms Somono Maitona i go pas long wilwilim stret olupela tim bilong em, Waliya long Kiunga ragbi lig kompetisen las wiken.

Maitona i ran strong na brukim difens bilong Waliya. Na tu em i putim trai long helpim Storms i win 21-16.

Dispela win bilong Fly Storms nau i surikim ol i go sindaun long namba tu ples. Win tu i soim olsem Storms ya i tingting strong tru long pilai insait long fainel.

Tupela sait wantaim i kamapim gutpela gem na skoa i senis planti taim tru. Orait ol i pilai i go na Maitona i putim las trai long 80 minit na Storms i win.

Ol arapela pilaia i skorim trai bilong Storms em kepten na hapbek Nelson Gamai, Baila Mase na Andrew Beng. Maski Waliya i lus, ol i kamapim

wanpela strongpela pilai tru. Planti ol yangpela pilaia bilong i pilai namba wan taim long A gret futbol tasol ol i kamap strongpela gem.

Dispela lus ya bai redim gut tru Waliya we semi fainels bilong Kiunga bai kamap long tripela wik taim.

Hapbek Dickson Sanaka, Loko Gena na Martin Dagari i putim trai bilong Waliya. Sanaka na riserv Ernest Kiva i kikim ol konvesen.

Kosa bilong Waliya Sowati Ole bai mas traim long kamapim gutpela trening long kikim ol gol. Dispela em wanpela as tasol i mekim na Waliya i lus.

Skoa bilong ol arapela gem i sanap olsem Niwaf Raiders i bagarapim tru sindaun bilong Airport Norths 44-10. Tupela pilaia Jason Mamaea na Joe Pagru i sik na kambek na pilai na dispela i helpim tru Raiders long nekim ol boi Norths.

Raiders i redi tasol long winim maina primia bilong Kiunga long dispela yia.

LFA SOKA RIPOT

Blu Kumul i bosim yet LFA

FRANCO NEBAS i raitim

TIM i go pas long Lae Futbol Asosiesen (LFA) poin lata Schomcliff Blu Kumuls i holim yet nambawan spot bihain long autim Tolec Buresong 1-0 long LFA Pak long Sarere.

Na skoa bilong ol arapela gem i sanap olsem, Poro rausim trausis bilong Bara 2-0, Mopi i lus long TFTC 2-1, Nadzab bagarapim sindaun bilong Jaura 4-0, Tarangau i wilwilim stret HC West 3-0, Courts autim Mitif 1-0, Goro nekim Seminary 2-0 na Titipu forfeitim Topics.

Gem namel long Buresong i bin lukim planti sapota i sakim ren na sanap na lukluk long dispela gem.

Tupela sait wantaim i bin putim kamap gutpela pilai stret we ol sapota i no sindaun gut i go inap long fultaim. Dispela gem tu givim tingting long ol sapota olsem nogut bai tupela tim ya bung gen long gren fainel long dispela sisen.

Long namba wan hap bilong gem i lukim nogat skoa i bin kamap long wanem i gat gutpela difens. Tupela sait wantaim i gat sans long skorim gol tasol ol straiika i no makim gut golmak.

Long hap taim brek tupela kosa Daino Sami bilong Buresong na Ludwick Peka bilong Kumuls i go mekim paia toktok long ol pilaia. Olsem na long namba tu hap, paia i kamap strong stret ya.

Kumuls i soim moa pawa na skoarim wanpela gol i kam long straiika Murry Wafi bihain long wanpela bal i kalap nabaut taim ol pilaia i traim long pait long en Wafi i taimim gut bihain long Stanley Chris i no kisim bal na pairapim stret i go insait long gol bilong Buresong.

Dispela pawa kik i lukim golkipa Nonza Doa i kalap leit long stapim. Gol ya i kamap insait long 10 minit bilong namba tu hap.

Ol boi kande i traim long pait bek long levelim skoa tasol difens bilong ol Plisman i strong olsem brik wol na skoa i stap 1-0 long fultaim.

Buresong i bin skoarim wanpela gol long nambawan hap tasol referi Patrick Pahun i kolim dispela gol olsem i op sait we i tok yangpela straiika James Arthur i bin op sait na skoarim dispela gol.

Arapela poro bilong em Paul Wenziong tu i bin traim sampela sans tasol i no bin gutpela tumas lukim Kumuls i kamap wina long stap yet long nambawan ples long poin leta.

LFA singaut long baim fi

SIAMAN bilong LFA Fainens Augustine Guarim i givim las sans long ol klab long baim fi bilong ol long dispela wik o ol bai rausim long 2000 LFA kompetisen.

Mista Guarim i askim 4-pela klab ya Titipu, TFTC, Seminary na Topics long baim fi nau o ol bai i no inap pilai long dispela wiken.

Em i tok sapos nem bilong ol i stap long dro, ol arapela tim bai win isis tru long fofit ya. LFA i givim inap taim i kam las wik tasol long wanem ol opisel long klabs ya i askim ol long

givim dispela wik. Wanem ol klab i sakim tok na i no baim fi, LFA bai rausim olgeta pilaia bilong ol i stap long skwat. Na dispela tu bai i no inap larim LFA i stap insait long PNGFA resis o Momase kap soka resis sapos ol pilaia i no baim rejista.

Mista Guarim i tok em i no amamas tumas long sampela klab long in o salim klab eksekutiv i kam long miting long las wik Trinde. LFA eksekutiv i bin singaut long dispela miting long stretim toktok long dispela hevi long wanem i

gat samting olsem 7-pela was aut gem i stap yet na tupela long pinisim raun wan kompitisen.

Insait long miting, ol eksekutiv i tok LFA bai holim namba wan raun tasol. Na i min olsem ol top 8 tim tasol bai pilai long fainels na wanem tim i stap daunbilu bai aut long sisen 2000.

Em i tok sapos wanem klab opisel i gat hevi long dispela disisen bilong eksekutiv i ken kolim em long telefon namba 472-1695 long opis bilong em.

Pukpuks kisim namba wan ples

KOAIRA LIG RIPOT

KENNEDY EDENE i raitim

IBS Pukpuks em nupela kompetisen lida bilong Koiari ragbi lig bihain long em i winim Hooks Tigers 9-6 las wiken long Sogeri.

Insait long arapela gem, Crystal Eels ol strong tumas na nekim Trek Warriors 6-nil.

Gem namel long Pukpuks na Tigers i kamap wanpela strongpela gem stret. Skoa i no go antap tumas.

Tupela tim bin stap 4-4 long hap taim Pukpuks ol kambek long seken hap na yupela Allen Kidu kikim wanpela fil gol na skoa em go antap 5-4.

Tasol dispela skoa i no stap longpela taim na ol Tigers huka Geita Warina bin painim wanpela penalti gol long bekim dinau na Tigers i go antap klik 6-5.

Dispela skoa bin stap longpela taim liklik tasol klostu long fultaim ol Pukpuks strong na salim winga Buksie Tainori i go long kona trai na dispela tu mekim Pukpuks ol win 9-6.

Kepten bilong Pukpuks Moduba Tom i tok em amamas tru long ol pilaia bilong em na tok, em bai wari tru taim ol Tigers go pas wantaim skoa 6-5 na faiv minit i stap yet. Tasol em bin amamas taim Buksie bin putim las trai na win.

Moduba Tom tok nau ol win na ol lukluk long gutpela na wanpela gutpela win dispela wik taim ol bungim Eels.

Ol Tigers i tok ol i no amamas long na ol salim wanpela pas bilong belhevi i go long ol opisel bilong Koiari Ragbi Lig.

Enga Mioks i kisim bek namba wan spot



• Fowat bilong Vipers Joe Sipa i blokim fowat bilong Lae Bomber Kevin Yak long SP Kap ragbi lig resis long Pot Mosbi las wiken. Vipers win 42-14.

Poto: ISSAC IKUAVI.

ENGA Mioks i winim bek namba wan spot bihain long em i waraim stret Rabaul Guria 60-0 long bikpela gem bilong SP Kap ragbi lig kompetisen long Aipus Oval long Wabag las wiken.

Dispela win i soim tru olsem ol boi Mioks i gat bikpela laik tru long winim SP Kap long dispela yia.

Mioks i kambek long tu wik malolo na mekim save stret long lokel turis bilong Rabaul Guria. Ol boi Is Nu Briten i nogat tru wanpela toktok long bekim ol trai bilong ol boi Wabag.

Win i surikim Mioks long namba tu ples. Rabaul Guria i holim yet namba tu ples long 12 poin na POM Vipers i kisim namba tri ples wantaim 10 poin. Ol boi Muruks i lus long Mt Hagen Eagles na lusim namba foa ples na Eagles i kisim.

Muruks nau i sindaun long namba faiv ples. Simbu Warriors i gat 8 poin, Goroka Lahanis 7,

SP KAP RIPOT

Lae Bombers 6 na Waghi Tumbe 2.

Siaman bilong SP Kap menesmen Jim Robins husat i lukim dispela pilai i tok olsem "Rabaul Guria i no pairap olsem maunten paia"

Mioks i kamapim gutpela gem na skorim 11-pela trai olgeta. Fulbek Willy Amean na winga Peter Kati i skorim tupela trai.

Kepten Stanis Kale husat i kamapim gutpela gem tru i skorim wanpela trai na helpim arapela ol pilaia long skorim trai.

Kale em i save pilai long Simbu Warrior bipo na nau i joinim Enga Mioks long resis long SP Kap 2000.

"Dispela em wanpela rekot skoa. Na mi amamas tru long ol pilaia bilong mi," em i tok olsem.

Insait long arapela bikpela skoa gem, Pot Mosbi Vipers i mekim save stret long Lae

Bombers 42-14. Dispela lus bilong Lae Bombers i mekim ol i hat liklik long pilai insait long fainel.

Insait long arapela gem i kamap pas long Enga Mioks na Rabaul Guria, Mt Hagen Eagles i rausim trausis bilong Mendi Muruks 15-10.

Nau yet Enga Mioks i gat bikpela sans long winim maina primiasip taitel. Tupela arapela biknem pilaia Raymond Karl na Tuksy Karu tu i kamapim gutpela pilai long soim ol Enga olsem mani bilong ol i no lus nating.

Trai bilong Karl i kamap traim ol i tromoi bal i go i kam na em i holim bal tripela taim long go putim trai. Ol arapela pilaia i skorim trai em Peter Saa, Leo Sopiae, Paul Minapi na Robert Tela.

Tela i skorim las minit try na kikim konvesen long surikim skoa i go long 60 na Rabaul Guria em 0.


IKEN WOKIM GUTPELA SAMTING LONG YU

Profesenel boksing bai kukim Kimbe

HENRY MORABANG i raitim

BIKPELA profesenel boksing bai kamap long Kimbe, Wes Nu Briten long Independens wiken.

Dispela em i namba wan profesenel boksing bihain long PNG Boxing Bot i givim laisens long Kurt Reimann, menesa bilong Liama Reef Resort long holim dispela ol boksing ya.

Reimann i tokim Wantok long dispela wik olsem em bai tokaut long wanem program bilong neks wik.

Nau yet Reimann i toktok pinis wantaim nupela gavana bilong Wes Nu Briten Clement Nakmai long mekim wok o holim dispela ol profesenel pait.

"Nakmai i save long wanem plen mi laik mekim long amamasim ol pipel bilong Kimbe long longpela Independens wiken.

Mista Reimann i tingting long kisim olgeta arapela selebren bilong Kimbe long bung wantaim dispela bikpela profesenel pait.

Ol lain bai kamap long dispela pai long Kimbe em Kevi Sarto (POM) vs Ben Tami Jnr (Rabaul) - lightweight divisen, Dominic Baua (POM) vs Dennis Apos (Rabaul) - flyweight divisen, Peter Kwade (POM) vs John Sam (Bulolo) - batamweight, Towin Rowa (POM) vs Nelson Passingan (Rabaul light weight), Sugar Ray Arua (POM) vs Killian Brienke (Alotau) - middleweight na

BOKSING RIPOT

bikpela pait tru bai kamap namel long Andy Emex (POM vs Raphael Lailai (Rabaul).

Olpela boksing promoti Steven Metta bai go pas long lukautim gem olsem referi. Na bikpela pait tru em Martin Beni yet bai lukautim.

Long Novemba las yia, Lailai i autim Killian long namba tu raun long bikpela pait i kamap long Rabaul. Plen bilong Lailai em long pait wantaim Emex long Epril long dispela yia tasol nogat samting i kamap.

Promoti Reimann i tok em i kisim gutpela helpim i kam long PNG Boksing Bot long traimit promotim profesenel boksing.

Siaman bilong PNG Boksing Bot Joe Asaigo i go pas long givim Reimann laisens long kamapim ol profesenel boksing insait long kantri.

Profesenel Boksing Kontrol Ekt i kamap long 199 na i bin gat planti samting long traimit kirapim na las yia tasol minista Andrew Kumbakor i kirapim na makim 10-pela bot memba long lukautim profesenel boksing insait long kantri.

Reimann i tok i gat planti ol pipel insait long Kimbe i wok long sapotim boksing ya. Na em bai no inap guria sapos nogat spes bilong sindaun long lukim pait taim ol profesenel boksing i kamap.

Orasambo em kosa bilong Buka Anda 17

JUNIA LIG RIPOT

OLPELA A gret kosa bilong Lae Biscuit Spiders Fred Orosambo em nupela kosa bilong Buka Anda 17 tim we bai resis long Niugini Ailan sempionsip. Dispela sempionsip bai kamap long Ogas 19-20 long Rabaul.

Orosambo i tok olsem taim em i go malolo long Buka, em i stap long stretim na go pas long wok bilong junia ragbi lig kompetisen.

"Mi save wok long referi na tu helpim ol opisei long ranim kompetisen na ol i luk save na makim mi olsem kosa bilong Buka Anda 17 tim," Olpela pilaia

bilong Lae Spiders i tokim Wantok.

Em i tok Buka i gat planti ol yangpela mangi. Olsem na em i laik wokim tupela tim orait bihain long en, em bai makim fainel skwat long stap insait long Buka tim.

Skwat bilong Buka em Igi Wama, Nathan Kahan, Ignatius Tsora,

Ian Tenevi, Quinton Tommy, Eric Kira, Martin Kirana, Damasius Halei, Sawa Malats, William Gitona, Mel Limen, Issac Telehis.

Ol riserv pilaia em Rodney Polsen, Soli Manin, Cedric Henry, Philemon Hurono. Tim menesa em George Lesi na William Laris em trena.

Vipers bagarapim sans bilong Bombers



• Lae Bombers Gilbert Joseph i tromoi bal long poro bilong em taim ol i bungim Pom Vipers las wiken. Man nogut papa graun Cedric Belo i sambal tasol. Pom Vipers win 42-12.

SP KAP RIPOT

TINGTING bilong Lae Bombers long pilai long fainel i bagarap bihain long Pot Mosbi Vipers i wilwilim ol 42-14 long bikpela SP Kap ragbi lig resis long Llyod Robson oval long las wiken.

Dispela gem i no kamap gut tasol planti sapota i singaut amamas long strongpela takol em ol Lae Bombers i givim long ol pilaia bilong Pot Mosbi Vipers.

Gem ya i kamap gut taim ol fowat bilong Pot Mosbi Vipers olsem Kawage Gagma, Solomon Hui, Joe Sipa, Billy Aki na Chris Lome i wok long kamapim gutpela pilai stret long namel long fil.

Lome boi Wes Nu Briten ya i wok long kamapim gutpela pilai taim em i save holim bal na save brukim difens bilong Lae Bombers isi tru. Lome yet i skorim wanpela trai long helpim tim i win.

Takol bilong dispela de i kamap taim Brown Wilby i givim long Gagma husat i rivers sampela mita na pundaun.

Gem bilong Vipers i kamap

taim ol i save karim bal na ran sait na setim ol pilaia bilong ol. Dispela kain stail ya i wok long mekim ol Lae Bombers i ges sapos ol bai pasim bal o nogat.

Bikpela fowat bilong Vipers Solomon Hui i skorim namba wan trai bihain long fulbek bilong Bombers Michael Moses i lusim bal insait long wanpela strongpela takol long in-gol eria.

Godfrey Luke i setim dispela trai taim em i kikim graba-kik na fulbek i no holim gut taim ol i takolim em na Hui tepim long skorim trai.

Bihain liklik Gagma i skorim namba tu tru long surkim skoa bilong Vipers i go 8-0.

Lae Bombers i no pilai gut bikos ol i wok long bagarapim tru sans taim planti ol bal i lus long takol.

Winger Kome Lupari i skorim trai taim ol boi Vipers i tromoi bal i go, i kam long surkim skoa nau i go long 12-0

Bombers i brukim kiau wantaim penalti kik i kam long Eddie Mark. Skoa nau i stap olsem 12-2.

Dispela tu poin nau i kirapim stret skin bilong Bombers. Ol stat long kam bung na takolim ol pilaia bilong Pot Mosbi Vipers.

Riserv fowat bilong Lae Bombers Cedric Belo i bin kamap sampela rap pilai na referi i salim em i go long sinbin.

Vipers i luksave olsem ol i sot long pilaia, ol i salim Lome i go putim arapela trai. Riserv beklain pilaia Roy Amburi i apim skoa i go 18-2. Dispela skoa i stap hap taim.

Na long namba tu hap, Amburi i go sindaun long sin-bin bihain long em i kikim arapela pilaia. Na senta bilong Bombers Kevin Yak i tepim bal na go putim trai long surkim skoa 18-8.

Richard Sinamoi skorim wanpela trai gen bihain long kepten Michael Marum i kamapim gutpela dammi pilai.

Eddie Mark bilong Bombers i putim wanpela trai lukm muvim skoa i go long 18-12. Na dispela skoa i stap na Vipers nau i opim wara tep, na gol i kam isi tru i go inap long 42 poin olgeta.

PRL autim tripela long pilai ragbi lig

RAGBI LIG RIPOT

POT MOSBI Ragbi Lig i autim tripela pilaia long noken pilai ragbi lig long laip bilong ol gen long dispela wik.

Ol tripela pilaia bilong Waliya klab em Nalex Malewa, Mark Irape na Raymond Frumbi. ARapeal tupela husat i kisim liklik mekim save long no inap pilai ragbi lig long tripela yia em Pitus Waikie na Alfred Alo.

Judiseri komiti long dispela wik i tokaut long dispela disisen bihain long ol pilaia i paitim referi na bagarapim stret ai bilong em.

Siaman bilong judiseri komiti Simon Kurr i tok olsem PNGRFL i save pinis long dispela mekim save na olgeta arapela senta tu bai karim aut dispela mekim save sapos wanpela pilaia i paitim referi.

Olgeta pilaia husat i kisim sas i ken apil long PNGRFL taim ol i baim K250.

Kurr i tok Peter Lawi bilong Souths na Michael Temai bilong Brothers klab i kisim tripela yia mekim save bihain long ol i paitim lainsmen.

Judiseri i askim Brothers long baim K200 na Souths na Waliya long baim K1000 bipo long tim bilong ol i ken pilai long fainel.

Kurr i tok olgeta klab insait long PRL i kisim pinis toksave long dispela mekim save. Na sapos wan-

pela tim i bikhet em bai kisim bikpela mekim save stret i kam long judiseri komiti.

Dispela laip ben em i namba wan taim stret PRL i givim bihain long 11-yia.

Siaman i tok dispela disisen long givim laip ben i bikpela samting bikos planti ol dispela yangpela pilaia i yangpela na i ken wanpela de makim kantri long pilai ragbi lig.

"Sapos ol i laik pilai ragbi lig orait, pilai ragbi lig. Na sapos ol i laik pait, ating dispela em rong spot ya," Kurr i tok.

Judiseri Komiti i mekim dispela disisen long Ogas 4.

Na long arapela stori, NCDC i givim K7,000 i go long Pot Mosbi Vipers, na K3,000 i go long Port Moresby Ragbi Lig referi asosiesen.

Eking Siti Edministreta Benard Kipit i tokim ol pilaia bilong Vipers olsem em i amamas bilong Pot Mosbi Vipers i makim Pot Mosbi siti long bikpela SP Kap kompetisen ya.

Kipit i tok spot i save bringim olgeta yangpela bilong arapela provins i kam bung wantaim na dispela i save bungim PNG.

Siaman bilong Pot Mosbi Vipers Isaac Lupari i tok tenk yu long Mista Kipit long helpim bilong em. Em i tok Kipit em wanpela man i gat planti wok tasol em i amamas olsem em i givim taim long kam stap wantaim ol pilaia.


IKEN WOKIM GUTPELA SAMTING LONG YU

Nesenal Buk Wik

Lady Kidu opim buk fe

ALMA MARIMYAS i raitim

LAS wik Fraide, ol Friends of the National Library (FONL) i bin holim wanpela buk fe long Granville hotel long Pot Mosbi.

Long dispela fe, 26 manmeri olgeta i bin stap insait.

Presiden bilong FONL, Cherry Mathews i bin amamas tru long lukim ol manmeri husat i bin stap insait long dispela buk fe. Sampela bilong dispela ol lain i kam yet long Australia na ol arapela i bilong Papua Niugini yet.

Memba bilong Mosbi Saut, Lady Carol Kidu husat i bilong opim dispela buk fe tok dispela pasin bilong


luksave long ol buk i nambawan pasin stret.

Em tok dispela em namba tri taim bilong em long opim buk fe.

Lady Kidu tok long kantri bilong mipela planti manmeri i no save long rit na rait. Em tok sampela bilong ol dispela manmeri i gat gupela save tasol kantri i no gat gupela rot bilong skulim ol long rit na rait.

Tu em tok PNG i no gat planti ol stoa bilong salim ol buk na long ol ples we i gat ol kain stoa olsem, prais bilong ol buk i stap antap tru.

Tasol em sapos mipela i laik senisim dispela, ol pasin bilong mipela i mas senis.



Lukluk gut...

• Ol sumatin na narapela manmeri i lukluk raun long hap ples we Web Books i wok long soim ol buk bilong ol. Dispela i kamap long Granville Hotel long makim Nesenal Buk Wik insait long kantri. Em i gupela long yumi lainim ol pikinini long rit na rait bikos save i kam long buk i bikpela moa. *Poto: IVAN BAYAGAU*



• Wanpela memba bilong FONL (Friends of National Library) i holim pas na givim wanpela presen i go long Lady Carol Kidu. Ol dispela pren bilong libreri i save helpim long kamapim mani na narapela samting bilong mekim laibreri i mas gat inap samting i stap. *Poto: IVAN BAYAGAU.*

Rit na Rait Em Rait Bilong Yu

RIT Na Rait, Em Rait Bilong Yu. Dispela em as tingting bilong Nesenal Buk Wik bilong dispela yia.

Nesenal Buk wik i save kamap long olgeta yia na long dispela yia, nambawan wik bilong mun Ogus em Nesenal Buk Wik.

Nesenal Buk Wik em wanpela bikpela samting long edukesen kalenda na ol lain husat i go pas long wokim ol samting long luksave gut long dispela samting i bin tokim ol tisa long redim samting bilong ol sumatin long luksave gut long buk wik.

Namba tu Nesenal Laibrerien, Cathy Eminoni tok long dispela rot, ol tisa i ken wokim bambai ol sumatin i ken klia gut long pasin bilong save long rit na rait.

Dispela yia em namba 20 yia bilong kantri long holim buk wik.

Misis Eminoni tok long dispela, ol lain husat i ronim buk wik i kisim wanpela man husat i save raitim ol buk long Australia long kam.

Man ya em John Marsden na em i bai go raun long ol wanwan skul insait long Pot Mosbi.

Ol kain buk em John i save raitim em bilong ol yangpela tasol ol bik manmeri tu i ken ritim.

Misis Eminoni tok bihain long buk wik, ol komiti husat i save ronim buk wit bai askim ol skul mangi long olgeta hap long kantri long painim as tingting bilong buk wik bilong 2001.

PM halivim Buk Wik

PRAIM Minista bilong Papua Niugini i bin givim K2000 long opis bilong Laibri na Akaivs.

Em yet i no bin stap long wokim dispela. Ume Wainetti wanpela ilektoral opisa bilong Mosbi Not Wes i bin givim dispela sek.

Nesenal Laibrerien, Daniel Paraide i bin kisim dispela sek na em tok em

bai yusim mani long sek ya long halivim ol wok bilong Nesenal Buk Wik bilong dispela yia.

Long piksa ya, Daniel Paraide i sanap long han kais, Karina Paralu (namel), siaman bilong Buk Wik komiti na Ume Wainetti ikeltoral opisa bilong Pot Mosbi Not Wes i sanap stap.

Ritim Baibel Olgeta De

Ritim tok bilong God

Olgeta tok bipo ol i bin raitim long buk bilong God, em ol i bin raitim bilong skulim yumi. Dispela tok i bilong strongim bel bilong yumi na mekim yumi sanap strong na wetim God i kisim yumi. Yumi save kisim strong long God wanpela tasol na em wanpela i save mekim yumi sanap strong long bilip. Orait God i ken helpim yupela long bihainim tru pasin bilong Krai Jisas na holim dispela wanpela tingting tasol. Olsem na bai yupela i stap wanbel,

Rom 15:14-5

Tok i gat pawa

Tok bilong God em i gat laip, na em i wok strong i stap. Em i sap moa, na i winim bainat i gat tupela sap. Dispela tok i save sutim man na i go insait tru. Em i go kamap stret long dispela hap tewel na spirit i bruk, na long ol dispela hap skru na kru bilong bun i pas wantaim. Olsem na em i save gut tru long olgeta tingting na laik bilong bel bilong yumi. I nogat wanpela samting God i bin wokim, em inap hait long pes bilong God. Nogat tru. Olgeta samting i op olgeta na i stap ples klia tru long ai bilong God. Na God tasol bai i skelim olgeta pasin yumi mekim, bai yumi lukim em i sori long yumi. Na sapos yumi gat hevi, orait marimari bilong em bai i helpim yumi.

Hibru 4:12-13

Man i kisim lait long lo bilong God

Tok bilong yu i olsem lam bilong helpim mi long wokabaut stret, na i olsem lait bilong soim rot long mi. Sapos wanpela man i helpim narapela man long as bilong tok bilong yu, orait em i kisim lait long bel bilong en. Na dispela tok i givim tingting long man i nogat planti save. Promis bilong yu i tru, na mi traिम pinis. Olsem na mi, wokman bilong yu, mi save laikim tumas dispela promis. Planti hevi i kamap long mi, tasol mi amamas long lo bilong yu.

Buk song 119:105,130,140,143

Strong tok bilong God

Tasol yu, yu mas holim strong dispela tok yu

bin kisim na yu save bilip strong long en. Yu save gut long mipela ol manmeri i bin skulim yu long dispela tok. Na yu save, taim yu bin i stap liklik pikinini yet, yu stat long kisim save long ol buk ol inap long givim gupela tingting long yu, na bai yu bilip long Krai Jisas, na bai God i kisim bek yu. Spirit bilong God yet i bin kamapim olgeta tok i stap long buk bilong God. Na dispela tok em i gupela samting tru bilong skulim yumi long tok tru na bilong stretim ol mammeri tingting bilong ol i no stret na bilong stretim wokabaut bilong yumi na bilong skulim yumi long ol pasin i stret long ai bilong God. Olsem na dispela tok i mekim yumi ol



manmeri bilong God i kisim tru olgeta gupela pasin, na em i mekim yumi i redi long mekim olgeta kain gupela wok.

2 Tomiti 3:14-17

God i laik-mekim gut

"Ren i save pundaun long skai, em i no save go bek nating antap long skai. Nogat. Em i save givim wara long graun na mekim ol kaikai i kamap long gaden, na ol man i save kisim. Sampela ol i save kaikai na sampela pikinini kaikai ol i save planim. Olsem tasol tok bilong mi bai i no inap kam bek nating long mi. Nogat. Em bai mekim ol samting i kamap olsem mi tok. Na em bai i kamapim ol samting mi gat laik long ol i mas kamap.

Nesenal Buk Wik

Buk Wik em i taim bilong rit

...ol pikinini inap lainim planti samting long ol buk

"BUK wik em i taim bilong ol pikinini long soim olsem ol igat bikpela laik long rit," Nesenal Librarian, Daniel Paraide i tok long lonsing bilong Nesenal Buk Wik long Mande.

Em i tok olsem edukeisen i wanpela samting long kantri bai yumi mas wokim bai ol man-meri i ken wokim gut wok bilong ol.

Ol buk save gat ol storiblong taim igo long taim yet na save salim tok igo long olgeta hap na sensisim oa lusim ol pasim bilong ol man meri.

Ol ken halivim long ol planti kainkain samting insait long PNG.

Long dispela yia Nesenal Laibrari ikisim olsem K1.2 millien. Dispela i luk olsem bikpela moni tru tasol nogat. Taim yu lukim namba bilong ol skul istap insait long PNG dispela moni em liklik tru.

Na tu sampela long ol komuniti skul na praimary skul ino gat laibrari.

Literesi, edukasen na ol buk, olgeta go wantaim na taim yu pikinini na yu stat long rit long ol laibrari na long ol buksop na long haus bilong yu yet bai dispela inap long wokim gutpela hap bilong ol pikinini long lainim long rit na rait.



• Daniel Paraide (hansut) wantaim ol lain husat i bin stretim rot bilong John Marsden long kam raun long PNG. Ol foto: IVAN BAYAGAU.

Marsden i kam long PNG

JOHN Marsden ibin save diri-man long kamap wanpela raita taim em istap long praimary skul.

Na em i kisim sans bilong em taim em i stat tru long rait long 1987.


Long dispela taim Mista Marsden ibin ingilis tisa, na em i luksave olsem ol pikinini husait igat 13-pela krismas igo inap long 19-pela krismas no save laikim ol buk tumas oa rit.

Em i raitim 28-pela buk na ino long taim yet em i salim 2 millien copy bilong em.

Em igat ol planti man-meri long USA, Sweden na Germany husait save ritim ol buk bilong em. Na ol save senisim tokples bilong ol dispela buk taim ol go long ol kantri we ol no save tok ingilis.

Nambawan buk Mista Marsden i raitim, So Much To Tell You, ibin pablis long 1987na long dispela taim i kam inap nau em save raitim ol buk long adventure, comedy, human drama, piksa bu na ol narapela stori.

Long 1998 buk bilong Mista Marsden, Burning for Revenge ikisim awod bilong Australian Booksellers' Book of the Year. Na dis-



• Mista Marsden wantaim tupela buk em i bin raitim long en. Em kam raun long PNG.

pela imas nambawan taim long wol we wanpela buk bilong ol yanpela man-meri iwinim nesenal litereri awod.

Mista Marsden bai raun long sampela skul insait long Port Moresby inap long pinis bilong Nesenal Buk Wik.

Buk i bikpela samting long skruim save long wol na ol arapela pipel

VERONICA HATUTASI i raitim

EM TAIM bilong yia we Bukfea na Bukwik i save kamap long en.

Wanem em mining bilong ol long ol pikinini?

Wantok i bin toktok long tupela yangpela sumatin bilong Sen Peters Praimeri skul long Erima, Pot Mosbi husat i save go long Bukfea long olgeta yia stat long 1997.

Nigel i wokim Gret Foa long dispela yia na Terence i wokim Gret 6.

Ol i save laikim tumas long rit na ol i amamas long Bukfea wik.

Nigel i tok Bukfea i min ol ektiviti samting we i sut long ol buk na rit.

Em i tok em i save laik rit bikos em i save amamas long rit na lainim ol samting we i kamap long kantri na wol long nau na bipo, save long ol samting we ol narapela pipel i mekim, wei ol i save stap long en na ol arapela samting moa. Em i tok em bai em rit moa yet long kisim save na

amamas long ol samting em i ritim.

Ol buk we em i save laik ritim em long ol buk bilong ol pikinini, ol Fairy tale story, ol stori olsem Robin Hood na Gullivers Travels, ol Goosebumps buk, ol etventja stori olsem Viking etventja, ol Phantom naWantok komik olsem Toro, Biabia, Spak Maik na Rebo na Tumbuna Stories.

Ol feveret ota o raitia bilong ol buk we Nigel i save laik ritim buk bilong ol em Rhoal Dahl na R L Stein.

Nigel i tok em i sori long i no go long Bukfea long dispela yia bikos em bin sik tasol taim em i wetim Bukfea bilong neks yia, em bai rit na rit na rit i stap.

Terence i tok em save laik go long Bukfea bikos em save laik stap insait long ol ektiviti bilong ol yangpela pikinini olsem wokim ol pasel, harim ol i ritim ol stori bilong ol pikinini, penim pes na ol arapela samting, lukim ol displei na lukluk long ol buk we ol pablisa i putim long pablik long baim.

Ol feveret raita bilong Terence em Rhoal Dahl, Enid Blyton, R L Stein na raita bilong buk Eric the Viking.

Terence i tok em bai rit i go moa bikos em i laik lainim moa long ol arapela ples, pipel, kalsa, saiens, histri na wanem samting i kamap long wol.

Olsem Nigel, em i tok taim em i wetim Bukfea gen bilong neks yia em bai rit moa i stap.

Tupela manki i save senisim buk wantaim ol pren bilong ol long ritim na givim bek.

Na bikos pe bilong ol nupela buk i antap tumas, famili i save kisim ol buk long buk eksens we pe bilong ol buk i no antap tumas. Ol save boroim buk tu long Nesenal Laibrari long Waigani long tupela wik na taim ol i pinisim ol i save karim i go bek.

"Buk na rit i bikpela samting long mitupela bikos em i skruim save bilong mipela long ol arapela ples, pipel na ol nupela samting we i kamap long wol na kantri tu.

Baibel Sosaiti i helpim yet Papua Niugini

LONG 1970, Bible Society i bin wokim kamap wanpela program bilong ol lain husat i save rit na rait long Papua Niugini.

Dispela nupela program bilong Baibel em ol kirapim i bin kamap na joinim ol narapela samting long Baibel, Nu Testamen, Portions na Selected passages. Dispela program i gutpela bilong wanem em sutim tru ples olsem PNG we planti lain i no save rit na rait na ol samting bilong skulim ol manmeri long rit na rait i no stap.

Namel long 1970 na 1975, Territory ov Papua Niugini wantaim Bible Society wokim kamap wanpela program long wokim ol buk long ol kainkain tokples. Ol stori insait long dispela ol buk i kam yet long baibel na ol buk ya i gat ol toktok we ol i raitim bikpela tru wantaim ol kainkain ol piksa.

Long 1975 taim Papua Niugini i kisim independens, ol i wokim buk long Inglis. Long dispela taim, Inglis i bin kamap pinis olsem toktok we ol gavman na ol skul ol misin i save ronim i save yusim.

Bihain ol wokim ol buk long Tok Pisin na long Hiri Motu.

Namel long 1975 na 1999, ol Bible Society i bin wokim na tilim moa long fo milien buk ol kolim long Readers em ol raitim long kainkain tokples long olgeta hap bilong kantri.

Long 1989, Bible Society luksave olsem ol i mas kamap wantaim sampela kain tingting we ol i ken yusim long ronim wok bilong ol i go het.

Rot ol i laik bihainim long dispela tingting em ino long wokim bambai planti manmeri i ken rit na rait hariap. Nogat. Ol i laik bambai ol liklik pikinini tu i mas save long Baibel. Na dispela em ol i laik wokim bambai ol sumatin long skul i ken lainim Baibel insait long skul.

Bihainim dispela tingting, ol i wokim dispela Ten Yia Literacy Plan we i bin stat long 1991. Dispela program i bilong wok i go inap 2000. Insait long dispela program, ol wokim ol stori bilong Baibel long ol wanwan tokples bilong ol pikinini na ol manmeri husat i laik ritim baibel long tok ples bilong ol yet long yusim.


Baibel Society toktok wantaim Edukesen Dipatmen na ol i raitim ol buk long dispela kain rot.

Nau we Rifom long Edukesen i wok long kamap isi isi, dispela program we i bin kamap i ken halivim gut tru ol sumatin.

Tru rifom i no wok long ron gut tasol dispela i no stapim ol lain long Baibel Society long tilim yet ol buk em ol i wok long wokim insait long dispela program na long ol narapela we ol man meri i lainim Baibel na ol skul bilong rit na rait.

Planti ol manmeri long ol ples olsem Bougainville, Aitape, ol haus kalabus, ol skul na ol bus ples i save kisim ol dispela buk nating bilong wanem i gat ol lain husat i save givim ol mani bilong ol long wokim dispela wok go het.

Dispela na ol sampela nupela i no kos bikpela mani tumas



• Ol wok manmeri bilong Nesenal Laibrari long Waigani i soim rot long ol yangpela sumatin na manmeri husat i kamap long dispela bung.

Ripot long hevi long Solomon Ailan

Honiara, Solomon Ailan:
OL paitman grup long Solomon Ailan i sainim pinis wanpela sispai agrimen long las wik Trinde.

Dispela em bihain long wanpela grup em Malaita Igel Fos (MEF) i bin tok ol i no inap long sainim agrimen ya inap long ol i inapim laik bilong ol long givim kontrol long ol long moa hap graun long Honiara we long nau i stap long han bilong ol Isatabu Fridom Muvmen husat i wok long birua long ol MEF insait hevi we i stap nau long Solomon Ailan klostu long tupela krismas.

Ol bin sainim agrimen insait long wanpela longpela sere-
moni we i bin kamap antap long nevi-
bot bilong Australia HMAS
Tobruk antap long solwara
ausait long Honiara.

Ol lida bilong tupela paitgrup
na ol bikman long gavman i bin
sainim agrimen ya. Ol i ting
olsem dispela agrimen bai
helpim kantri long pinisim dis-

pela hevi we i klostu kisim
tupela krismas nau.

Hevi long Solomon Ailan i bin
stat long las yia bikos sampela
Guadalkanal papagraun i kros
long ol Malaita pipel husat i
bilong narapela ailan yet tasol ol
i pulap long Honiara em biktaun
bilong Solomon Ailan we i stap
long Guadalkanal Ailan.

Na ol i kros bikos ol i tok ol
Malaita i pulapim graun bilong
ol na tu tekova long ol wok long
Honiara na ol asples
Guadalkanal nogat. Mekim na
ol Isatabu Fridom paitman grup
bilong Guadalkanal i kamap na
rausim planti Malaita pipel,
bagarapim ol samting bilong ol
na ol i pret lusim Honiara.

Long Jun 5 long dispela yia, ol
Malaita Igel Fos i straik na holim
kalabus Praim Minista
Bartholomeo Ulufa'alu na hevi i
go narakain moa.

Bihainim ol dispela, Solomon
Ailan i makim narapela man
olsem praim minista.

Orait, ol toktok i wok long
kamap long traim daunim hevi
ya. Na long las wik ol paitgrup
lida i sapos long sainim sispai
agrimen tasol ol Malaita maus-
man i no wanbel na olsem sam-
ting i no kamap. Na ol i wet tasol.

Ol ripot i tok sinia gavman
negosieta Sir Peter Kineloria i
askim kantri long stap isi.

Em i tok dispela sispai agra-
men we ol i wet long sainim i
bikpela na i moabeta tupela
grup wantaim i wanbel long en
na sainim. Dispela em bikos
bihain long ol i sainim, ol toktok
long painim gutpela sindaun bai
stat.

Moa long 60 pipel i dai pinis
insait long pait ya na planti
tausen pipel i ronawe lusim
Honiara.

Agrimen i gat long en tok
promis bilong tupela grup i sta-
tim ol pis toktok na larim ol, plis
long long kirapim bek lo na oda
na tu kirapim sispai monitering
kansuil.



• Ol Malaita Igel Fos soldia i was long ol birua ol i sutim i dai taim dispela hevi i kamap bikpela.

Eks Presiden Suharto bilong Indonesia kisim sas



• Olpela Presiden bilong Indonesia, Suharto.

Jakarta, Indonesia:

FOMA lida bilong Indonesia long
32 krismas Suharto long las wik i
kisim fomol sas long korapsen
na paulim US\$155 milien pablik
na Stet mani. Na tu yusim pawa
bilong em long wokim ol samting
i no stret long pulim mani i go
long famili bisnis bilong en.

Ol ripot i tok Mista suharto i bin
kisim ass long las Fonde bihain
long tupela krismas ol atoriti na
gavman bilong Indonesia i wok
long laikim em long kwestenim
na sasim em.

Mista Suharto husat i gat 79
krismas taim em i bos long kantri
long 32 yias inap long 1998 taim
kantri i holim namba wan
demokretik ileksen na makim
nupela gavman, i bin wokim
planti korap pasin na tu yusim
Stet na pablik mani long ol famili
bisnis bilong em.

Ol ripot i tok pasin we ol i
sasim Mista Suharto iopim rot
long lo bai sasim em long ol
samting i no stret we em i wokim
taim em bin stap lida bilong
Indonesia.

Opis bilong Odita Jenerel i gat
3,000 pes ripot long ol samting i
no stret we Mista Suharto i bin
wokim taim em i stap olsem lida
long 32 krismas.

Ol wok painim i soim olsem
insait long 32 krismas, em bin
paulim na yusim long ol famili
bisnis samting olsem US\$ 155
milien o long PNG, em K430
milien.

Fit mama na bubu ya!



KWIN Mama bilong Ingran
long las wiken i amamasim
100 krismas bilong em.

Kwin Mama em mama
bilong Kwin Elizabeth
bilong Ingran. Betde bilong
en em long Fraide, Ogas 1.

Em i gat bikpela luksave
long pablik long Ingran na
em i feveret royel bilong ol.
Inap long de bonde bilong
em i pundaun, i bin gat ol
kain selebrensen long luk-
save long en.

Moa nius long Fiji hevi

Suva, Fiji:

FIJI ami i holim pasim
moa sapota bilong ku
lida George Speight
husat i stap nau long
kalabus long Nukulau
Ailan wantaim seven-
pela narapela strong-
pela lain bilong em.

Ol i holim pasim na
sasim ol long brukim lo
na holim bung. Long las
Tunde nait, ami i bin
holim pasim ol gutpela
sapota bilong Mista
Speight. Brata bilong
em tu Jim i stap namel
long ol.

Long biktaun Suva,
planti pipel i bin lukluk
taim ami i kisim 150
long ol Speight sapota i
go long tupela kotrum.
Ol bin katim F\$100
(K120) long wanwan

bilong ol na tokim ol
long go bek gen long
kot haus bihain long
foapela wik.

Long Lautoka we i
gat ol bikpela sugaken
plantesen wes long
bikpela ailan Viti Levu,
sampela Taukei memba
i bin holim pasim Felix
Anthony husat i lida
bilong Fiji Tred Yunien
Kongres bihainim ol
toktok olsem yunien bai
holim wanpela nesene
stop wok o straik.

Ol sampela Taukei
memba i bin go insait
long opis bilong em na
holim na kwestenim em
long wanpela awa
samting. Na ol bin tokim
em olsem sapos ol i
skruim dispela stop wok
we ol i toktok long en, ol


bai rausim em long
kantri.

Ol plis i bin kisim em i
go long plis sel long
lukautim em nogut ol
lain i wokim nabaut long
en.

Taukei em dispela
asples Fiji grup we i
save lukautim raits
bilong ol asples lain na
bipo long Mista Speight
i kam, ol i stap pinis.

Ol ripot i tok ol bai i no
inap long sasim Speight
inap long ol i stretim
olgeta sapota bilong em
we ol plis i holim ol.

Mista Speight na sev-
enpela arapela lain
bilong em i stap nau
long Nukulau Ailan
haus kalabus, stat yet
long las Sarere taim ol
bin holim pasim ol.



• Rait bilong ol pikinini long stap na gro gut
wantaim lukaut na sapot bilong papamama
em bikpela samting. Piksa i kam long UNICEF.



OFFICE OF RURAL DEVELOPMENT

Lagani 2000 district hatubua

gaukara heduru moni grant



Hatubua gaukara badadia be hegeregere

Papua New Guinea gavamani ena laloa badana gunika kahadial noho taudia edia mauri hanamoa totona, hatubua gaukaradia Grant moni dekenai durua do idia henia diba.

Rural Developmen Ofis be hadibala hereva la henia, dalka ura kwalimu orea, emul gunika gabu hatubua gaukaradia totona, grant moni applikesen pepa siaidia Joint District Planning bona Budget Komiti dekenai.

Lagani 2000 ena grant moni, be gunika gabu hanamoa gaukara badadia kahanal totona.

Rural Developmen Ofis ese inai gavamani ena hatubua gaukara heduru monidia do la naria bona la gaukaralala Papua New Guinea ena District lalonai taunimanima lbounal Gavamani ena heduru do idia davarua, noho mauri hanamoa totona.

Ura kwalimu oreadia, emul ura umui hahedinarara local District

Ura kwalimu oreadia, emul ura umui hahedinarara local District dekenai.




- ✓ Sisima kamokau wafo
- ✓ Sinavai amo hanai nese
- ✓ CLS edia ruma hanamodia
- ✓ Polisi edia ruma hanamodia
- ✓ Motuka heau dala maragidia
- ✓ Aid post bona Kliniki maragidia
- ✓ Peleini maragidia edia diho gabudia
- ✓ Health gaukara taudia edia noho rumadia
- ✓ Raru abia vareal gunika gabu dekenai
- ✓ Pava abia vareal gunika gabu ta ta lalodial
- ✓ Gavamani ena administration ruma haginidia
- ✓ Education gaukara taudia edia noho rumadia
- ✓ Natudia edia Elementary bona Primary sikuli rumadia

Oi ura diba oi abia neganai be inai taudia oi itaia :

Office of Rural Development
P. O. Box 1100
WAIGANI N.C.D

Telefon : 328 8380
Fax : 328 8361



Panagah soim rot bilong ol meri karim pikinini



BIPO BIPO tru, i bin gat wanpela ples i stap insait long Siwai, sautwes Bogenvil. Na long dispela ples i bin i gat planti man i stap. Ol dispela lain man i bin lukautim wanpela liklik boi nem bilong em Panagah. Dispela boi i no gat papamama, olsem na taim em i stap em i kamap bikpela man.

Em nau long dispela taim em i bin marit long dispela ples.

Long dispela taim, ol man i save katim bel bilong ol meri long taim ol i laik karim pikinini. Taim ol i katim bel bilong ol meri ol i save dai.

Long wanpela taim nau, meri bilong Panagah i laik karim pikinini, olsem na Panagah i go na sindaun long dua bilong haus. Long taim em, i lukluk i go, em i lukim ol man bilong katim bel bilong meri i kam. Wantu Panagah i singaut, yupela i noken katim bel bilong meri bilong mi.

Tasol ol lain man ya i bekim,

mipela i mas katim bel bilong meri bilong yu bai olgeta pen bilong em i pinis. Panagah i no laik bekim tok, olsem na em i pasim dua bilong haus na sindaun i stap.

Liklik taim bihain nau, Panagah i singaut long ol man bilong katim bel na tok, em nau

meri i karim pikinini pinis. Bihain em i kam ausait na i tok, yupela i mas makim olsem: Yupela ol man i mas go long bus na kisim sampela marasin bilong tumbuna na givim long meri bai em i kanrim pikinini kwik.

Long dispela taim, ol i stat

long bihainim dispela tok Panagah i bin autim long en bipo i kam inap ol waitman i kam bungim yumi. Na nau yumi i gat haus sik long ol mama i ken karim pikinini.

M. Thomas Sonnu
Korikunu, NSP.



Nem: Chris Aisak

Krismas: 28 (man)

Adres: Kimbe Taun Autoriti, P.O. Box 761, Kimbe, WNBP.

Save laikim: Raitim pas long pen pren. Na mi save laikim bai mi raun long narapela provins long kantri na lukim ol ples. Na tu marit long narapela provins em i save rait olgeta. So bai mi amamas long bekim ol pas bilong yupela sapos mi kisim.

Nem: Matias Manga

Krismas: 21 (man)

Adres: Kimbe Town Authority, P.O. Box 761, Kimbe, WNBP.

Save laikim: Raitim pas long pen pren, serim tok bilong God, go long lotu na ritim Baibel. Na mi gat laik long maritim wanpela kristen meri long narapela provins. Bai mi amamas tasol long bekim ol pas we mi kisim.

Nem: Naporo Bungu

Krismas: 27 (man)

Adres: Kimbe Town Authority, P.O. Box 761, Kimbe, WNBP.

Save laikim: Raitim pas long pen pren. Ritim Wantok niuspepa na moa yet seksen bilong penpren long planti man ol i save rait i kam long en. Bai mi bekim ol pas we mi kisim long ol.

Nem: Jerom Yaku

Krismas: 22 (man)

Adres: Island Management Services Pty Ltd, P.O. Box 812, Kimbe, WNBP.

Save laikim: Raitim pas long pen pren, pilai spots, ritim niuspepa, miting olpela na nupela pren.

Nem: Mathew Awortine

Krismas: 20 (man)

Adres: C/- Mr Eric Eshun, P.O. Box 0209, Takoradi, Ghana, West Africa.

Save laikim: Danis, singsing na raun.

Nem: Christina Blay

Krismas: 18 (meri)

Adres: C/- Mr Eric Eshun, P.O. Box 0209, Takoradi, Ghana, West Africa.

Save laikim: Danis, singsing na raun.

Nem: Jualina Awortwe

Krismas: 16 (meri)

Adres: C/- Mr Eric Eshun, P.O. Box 0209, Takoradi, Ghana, West Africa.

Save laikim: Danis, singsing na raun.

Nem: Julius Henry

Krismas: 17 (man)

Adres: C/- Friend of Environment and Natural History, P.O. Box 192, Madang Province.

Save laikim: Pilai soka, volibal, raitim pas na harim loko! musik.

Nem: Benjamin Alphones

Krismas: 20 (man)

Adres: Yavi Trading, P.O. Box 5722, Boroko, NCD.

Save laikim: Harim musik, pilai musik, pilai volibal, senisim presen na poto na painim gutpela pen pren long kantri.

Nem: Kruse Melton

Krismas: 19 (man)

Adres: P.O. Box 5722, Boroko, NCD.

Save laikim: Go lotu, harim tok bilong God, singim ol gospel na lotu singsing na mekim pre long bikpela long helpim yumi. Raitim pas long ol pen pren na prenim ol meri long Papua Niugini.

Nem: Kenneth K. Klagi

Krismas: 30 man

Adres: P.O. Box 2384, Lae, MP.

Save laikim: Go lotu harim gospol musik, pilai ragbi, na painim meri long marit.

Save gut long tupela kastom wantaim pastaim na marit

kam wantaim na bekim dispela helpim wantaim kaikai na narapela samting.

Papamama i save wari olsem sapos pikinini meri i maritim man bilong narapela provins bai i no inap save long pasin tumbuna bilong ol. Long givim wanpela tok piksa, taro i mas wanpela bikpela kaikai long laip bilong yupela. Bilong mekim taro gaden em i bikpela samting long yupela na ol manmeri i save kisim biknem long kamapim ol bikpela taro. Tasol sapos yu maritim wanpela man husat ol lain bilong em i save laikim saksak, em bai i no inap amamas long stap namel long ol lain bilong meri na amamas long kaikaim taro olgeta taim. Na sapos meri i go stap long ples bilong man, em bai les tru long kaikaim saksak. Na sapos yu no save long kukim saksak em i save laik long kaikai, man bilong yu bai ting wanem long yu.

Taim yu laikim tru wanpela man o meri, yu bai laikim em tasol na i no inap tingting long narapela samting. Tasol yumi mas save olsem kaikai em i nambawan samting long laip bilong yumi na i winim tru ol narapela samting yumi i save laikim. Yumi save tingting long kaikai olgeta taim na sapos tupela marit i no amamas long kaikai, marit bilong tupela inap bagarap.

Tasol nau edukesen sistem yumi gat long kantri, ol manmeri i no inap stap wanatim ol wantok tasol. Insait long yuni-vesiti, hai skul, sios, spot klab na ol narapela bung, i gat planti kainkain pipel bilong olgeta provins na narapela kantri i kam bung na amamas wantaim. Planti yangpela man meri tude i save bung long ol dispela kain ples na laikim narapela arapela na marit.

Ol papamama i hat tru olsem pikinini bilong ol i noken marit long man bilong narapela provins, em i hat tru long papamama stapim sapos tupela yangpela i gat bikpela laik tru long narapela arapela. Sampela taim tupela marit i ken bruk lusim famili olgeta bikos sait bilong man na meri wantaim i no laikim dispela marit.

Polisi bilong gavman long olgeta manmeri i stap wantaim na noken pait wantaim tingting bilong papamama long pikinini marit klostu long ples. I gutpela long yu marit klostu long ples tu bikos gavman i laik lukim dispela gutpela tumbuna pasin i stap

yet na i no ken bagarap wantaim ol narapela autsait kastom.

Pasin bilong sindaun na stap wantaim i no min olsem yumi olgeta mas marit long narapela provins. marit long narapela provins i gutpela tu tasol dispela i no tingting bilong yumi olgeta i sindaun wantaim. Wanwan-ples o lain manmeri i ken holim pasin na kastom bilong tumbuna i stap tasol ol bai stap wantaim yumi long dispela kantri. Yu ken painim sampela gutpela tok tok long Baibel long 1 Korin 12: 12-13. Paul i bin skulim ol man olsem sios i stap wanpela tasol i gat kainkain manmeri i stap insait long dispela wanpela sios. Dispela ol pipel i ken mekim kainkain narapela samting tasol ol i stap memba bilong sios yet.

Long DIVIDED, husat meri bilong em i laik stap wantaim ol lain bilong em. Dispela kain hevi i ken kamap long marit bilong ples klostu tu sapos man i wok na stap longwe long ples bilong em yet. Tasol sapos man i kam long narapela provins, dispela hevi inap bikpela tru. Meri inap stap wantaim papamama bilong em sapos man i no peim braid prais. Sampela taim ating papamama i sik nogut tru na ol i laik bai pikinini meri i sindaun wantaim ol na lukautim ol.

Tru pikinini meri i mas tingim papamama tasol taim em marit, em mas tingim olsem man i bikpela samting long laip bilong em tu.

Sapos papamama bilong meri na man wantaim i stap long narapela narapela hap, tupela marit i mas givim taim na go lukim tupela wanatim. Sapos meri i save go long haus bilong papamama tumas, em mas traun na noken stap longpela taim wantaim ol na sapos sampela taim em i go, em mas lusim ol pikinini bihain na man i ken lukautim.

Long pinisim, ol yangpela i mas sindaun na tingting gut pastaim long ol i maritim man o meri wantaim narapela kastom na pasin. Tupela i mas sindaun gut na skelim olgeta samting we inap bagarapim marit bilong tupela bihain. I moa gutpela sapos tupela i go long ples na askim laik long papamama na ol wantok bilong tupela pastaim long tupela marit tru tru.

LAIPPLAIN



CONFUSED i kisim bikpela belhevi long lukim olsem planti marit we i kamap namel long manmeri bilong narapela narapela provins i no save wok gut. Em i wari olsem gavman i laikim olgeta manmeri long kamap wanpela na stap tasol dispela pasin bilong planti marit i bruk i mekim em i no amamas tumas.

UNHAPPY i no wanbel olsem ol lain bilong em i no laikim ol meri long maritim man bilong narapela hap provins. Em i ting olsem olgeta manmeri i wankain, i nogat wanpela samting i rong long ol. I gutpela long olgeta i stap wantaim.

DIVIDED i marit wanpela meri bilong narapela provins. Dispela meri i laik bai man i stap long ples bilong em na i no go long ples bilong man yet na tu bihainim ol kastom bilong lain bilong meri.

Dia Tripela,

Long bekim ol dispela pas, mipela i laik tok olsem ol kainkain kastom na pasin bilong narapela ples i save mekim na planti marit i save kisim kainkain hevi. Tasol sapos tupela marit i wok hat na taim painim aut olgeta samting long tupela sait wantaim, bai tupela klia gut long dispela ol pasin na stretim sindaun bilong tupela gut. Hia em sampela tingting long dispela ol toktok na askim bilong yupela.

Insait long Papua Niugini, papamama i save tingting strong olsem pikinini meri bilong ol i mas maritim wanpela man long ples klostu long ol. Taim mama o papa i sik, ol i save tingting na laik bai pikinini meri i helpim ol kisim kaikai na brukim palawut samting. I no inap gutpela sapos ol narapela manmeri i kam helpim papamama long taim nogut. Sapos sampela narapela manmeri i kam helpim, olgeta famili i mas i



Morobe Provinsal Gavman

Morobe Provinsal Gavman em i was papa bilong Morobe Sevings na Lons Sosaiti;

• Em i givim mani long Sosaiti long karimaut wok olsem:

(a) Peim ol wokmanmeri long lukautim wok bilong sosaiti.

(b) Peim Opis Rent bilong Sosaiti.

(c) Peim ol arapela ekspens bilong Sosaiti olsem ol pepa bilong opis, opis masin na ol tebol na sia.

(d) Peim wok long bringim wok bilong Sosaiti we bai i ken kamap klia long ol manmeri long asples.

(e) Gavman bai peim wok long bringim na kamap benk klostu long ol asples.

Wok kamap long Sosaiti Stat long mun Mas 99 inap Mas 2000

Namba bilong ol memba long Sosaiti 2,526. Sea mani ol memba bungim K802,000.00

Namba long ol dinau Sosaiti givim K1,671

Hap dinau mani stap long han bilong ol memba K 457,652.00

Strong bilong mani ol memba bungim K1,013,109.00

Sosaiti tokaut long wok bilong givim dinau:

Brukim ol dinau stat long man Jan 99 i go Mas 2000

(a) Ekonomik Developmen - 1020 lons K 371,365.00

(b) Sosel Developmen 425 lons

K154,735.00. (c) Ol arapela wok- 226 lons K2,841.00

Bungim olgeta dinau Sosaiti givim long Mas 99 inap Mas 2000 K 618,941.00

Rausim bekim dinau long mun Julai 99 i go Disemba 99 (K 44,713.00)

Rausim bekim dinau long mun Januari i go Mas 2000

(K 116,576.00) Hap dinau mani stap long han bilong ol memba 457,652.00.

Morobe Sevings na Lon Sosaiti

Stia tok "A2000" na kaikai bilong tingting

Mipela ol Bod ov Dairekta bilong Morobe Sevings na Lons Sosaiti i makim pinis Edukesen Komiti. Tripela dairekta na Pablik Rilesen Opisa bilong Sosaiti i kamapim ol memba bilong dispela komiti. Dispela komiti bai mekim na karim aut wok long tok save na givim stia long ol memba. Bai o i mekim dispela wok na yusim radio, niuspepa na TV na tu ol bai yusim stia tok "2000" niuspepa bilong sosaiti long toksave na tu skulim olgeta memba na ripot long Morobe

provins.

Edukesen komiti bilong sosaiti i laik ol memba i mas kisim stretpela na gutpela tok klia long wok sosaiti i wok long mekim long dispela taim stat long Mas 1999 i kam inap long Disemba 1999. Toktok bilong stretim tu bel o tupela tingting bilong sampela manmeri i stap tu long Stia Tok pepa wantaim tingting o plen bilong ol wok bai Sosaiti laik wokim long yia 2000 na ol yia i kam bihain.

Projek na wok plen bilong yia 2000 na ol yia i kam bihain em long:

- Lukluk na bringim benk i go klostu long ol sosaiti memba isnait long ol wanwan distrik;
- Lukluk long helpim ol memba long helpim ol yet long kamapim na strongim wok long Sosel na Ekonomik Developmen long ol asples;
- Lukluk long skulim ol memba long stretpela pasin long ronim bisnis, bihainim pasin na astingt-

- ing bilong God hsuat i papa long olgeta hap graun na ol manmeri;
- Mekim moa wok long skulim ol memba long gutpela rot na stretpela pasin long kisim na bekim dinau;
- Lukluk long helpim ol Sosaiti memba long kamap gut ol Ikonmik projek bilong ol long Agrikalsa Komes na Bisnis Developmen.

Toksave long wok bilong mani long mun Januari i go Mas 2000

Mani i kam insait

Memba putim sia mani
Memba bekim dinau
Olgeta mani kam Hait
K384,540.00
K116,576.00
K501,116.00

Mani i go ausait

Memba kisim sia mani
Memba kisim dinau
Olgeta mani go ausait
K 79,572.00
K349,238.00
K428,810.00

Ol polisi bilong sevings na lons Sosaiti

Hia em haphap polisi bilong Sosaiti long helpim ol manmeri husat i laik kamap memba.

Membasip

Membasip em i op long ol manmeri i stap long Morobe na ol manmeri bilong Morobe husat i stap long ol arapela provins.

- Fi bilong kamap memba

K 2.00

- Mak bilong mani long opim nupela akaun K20.00

Toksave long Sevings

- Memba bai kisim pasbuk.
- Pe didaksen long ol wokmanmeri.

Kisim dinau long wanem as?

- Baim skul fi.
- Kago bilong tred stua.
- Baim kopra, kakao na kopi.
- Kisim pis.
- Ol samting bilong wokim haus slip.
- Ol kos bilong planim ol daiman.

- Ol kos bilong baim ol ka na trak.

- Wokim kakaruk banis.
- Ol kain samting bilong wok didiman.
- Bekim ol dinau.
- Baim meri na kos bilong marit.
- Dokta na marasin samting.

Toktok bilong dinau

PLANTI askim na toktok i wok long kamap long pasin na we nupela Sevings na Lon Sosaiti long Morobe provins i wok long mekim. Planti i wok long amamas olsem ol i wok long pulmapim aplikesen pepa bilong kisim dinau na wan tu tasol ol i kisim mani na wokabaut i go long mekim wok bilong ol.

Ol i no save wet planti wik na mun na kisim dinau olsem ol i save mekim long ol bikpela benk. Tu ol bikpela benk i no save givim dinau long ol kastoma bilong ol sapos dinau mani ol i askim long en i wankain olsem mani ol i gat long benk.

Sampela i wok long askim long wanem taim bai Morobe Sevings na Lon Sosaiti bai apim mak bilong kisim dinau.

Ansa bai mipela givim long dispela tok piksa: I olsem: nau yet sapos memba i putim K600.00; em i ken kisim dinau long K600.00; na wanem taim bai sosaiti bai litimapim mak bilong kisim dinau; olsem Sevings i sanap long K600.00 na dinau bai sanap olsem K1,200.00 na antap moa long dispela mak long wan (1) tu wan (1).

Sosaiti laik tok klia long ol memba na ol man na meri husat i laik kamap memba long Morobe Sevings na Lon Sosaiti, olsem:

(1) Sosaiti wok long wokabaut yet long wok developmen o mekim ol wok long mekim na kamapim Sosaiti bai

kamap bikpela. Laip bilong dispela wok boi faivpela yia, stat long dispela yia 2000 na bai i go pinis long yia 2005.

Long dispela taim Sosaiti bai lukluk na wok long lainim ol memba bilong em long luksave long gutpela pasin long kisim dinau bai famili "o" mama papa na ol pikinini bai ken kisim gutpela skul long dispela dinau mani papa "o" mama i bin kisim long sosaiti.

Sosaiti i mekim dispela tok long wanem lukluk long piksa bilong ol. Olpela sosaiti i no bin kamapim gutpela kaikai. Olgeta olpela sosaiti i bin dai pinis long wanem papa i bin save kisim dinau long laik bilong em yet na famili i no bin kisim kaikai long dispela dinau mani. Pasin nogut tu bilong dispela graun i bin pulap insait long ol dispela dinau ol memba i bin save kisim.

Long ol dispela pasin nogut bilong bipo; dispela nupela sosaiti bai glasim gut ol kain dinau ol memba i wok long kisim; insait long dispela taim bilong wok developmen.

(2) Sosaiti tu i bin lukluk long hevi bilong mani; kantri bilong yumi i wok long bungim long dispela taim.

Olsem na menesmen bilong sosaiti i no bin laik long hariap long putim mak bilong dinau i go abrusim mak bilong mani memba i putim long sevings akaun bilong em.

(3) Sosaiti menesmen i bin luksave tu; long hevi bilong ol olpela sosaiti long pasin bilong givim dinau we mak bilong dinau i bin abrusim mak bilong sevings long ol bikpela namba. Dispela pasin tasol long givim bikpela dinau long memba we sevings bilong em i no bin givim em gutpela as bilong strongim dispela dinau; i bin mekim na olgeta olpela sosaiti i bin pundaun na dai pinis.

(4) Planti memba long ol olpela sosaiti na planti moa memba long sampela bikpela sosaiti long dispela taim i wok long mekim pasin sin long ai bilong God; long kisim dinau long wokim samting olsem peim Skul Fi bilong pikinini; na ol go lusim mani long mekim narapela wok olsem "Hos Reis na pilai long Beting Shop."

Sapos sampela memba long dispela nupela sosaiti i wok long mekim dispela pasin; menesmen bilong sosaiti i mas givim yupela strongpela tok lukaut olsem God papa i wok long lukluk long pasin sin ol dispela kain memba i wok long mekim.

Dispela kain pasin sin bai brukim poket bilong ol na bai i nogat mani long bekim dinau bilong ol.

Blesing bilong God bai lusim man na meri husat i wok long giamanim wok mani bilong em yet.

Benk bilong Papua Niugini

Benk bilong gavman bilong Papua Niugini (Benk of PNG) em i olsem glasman bilong olgeta benk na haus mani bilong kantri. Em i bin tok orait long Morobe Sevings na Lons Sosaiti long kamap olsem benk na haus mani bilong ol manmeri bilong Morobe provins na Lae siti benk ov PNG tu i wok long glasim (audit) ol buk na wok bilong Morobe Sevings na Lons Sosaiti na em bin helpim Sosaiti tu long taim wanpela ka bilong ol wokman long yusim na mekim wok bilong sosaiti.

Toktok bilong stretim man i gat tupela tingting

Menesmen bilong Morobe Sevings na Lons Sosaiti i stap nau long han bilong tupela ekspirens opisa husat i bin wok wantaim Benk ov PNG na tu Federesen ov Sevings na Lons Sosaiti.

Mista Basanu em i Intarim Menesa na Mista Passingan em i Maketing na Pablik Rilesen Opisa Gavman i bin luksave long tupela na makim ol long lukautim wok bilong Sosaiti, em tupela projek aninit long Komes Divisen long gavman bilong Morobe provins.

Tupela opisa i no bin menesa long ol olpela sosaiti long Morobe husat nau i slip i dai pinis. Mista Basanu i bin traime long helpim Lae Industri Sevings na Lons Sosaiti long kamap gut gen, tasol sik bilong dinau nogut i bin kilim idai olgeta wok.

Wok bilong Basanu na Pasingan long Federesen ov Sevings na Lons Sosaiti i kam inap long 1984 na 1985. Long dispela taim tupela i save glasim wok bilong ol sosaiti insait long Papua Niugini. Wok bilong wanwan Sosaiti long PNG i bin i stap long menesmen bilong

wanwan sosaiti yet na bod ov dairektas bilong ol

Pundaun bilong ol olpela sosaiti long Morobe provins na PNG i bin i stap long han bilong menesmen bilong ol yet. Mista Basanu i bin askim Benk ov PNG long pasim olgeta sosaiti long Morobe provins long 1986, ol olpela Sevings na Lons Sosaiti long Morobe provins bai stat long yia 2001.

Dispela em bai namba tu hap bilong kirapim nupela sosaiti na stretim ol olpela sosaiti long provins. Namba wan hap bilong dispela projek em nau Morobe Sevings na Lons Sosaiti i sanap pinis na mekim wok. Olsem na ol memba bilong ol olpela sosaiti na husat i wok long i gat tu bel long kamap memba bilong Morobe Sevings na Lons Sosaiti i noken sutim nating tok long Mista Basanu na Mista Passingan long bagarapim wok long ol olpela sosaiti.

Ol dairekta yet na ol memba husat i no bin bekim dinau bagarapim wok bilong ol olpela Sevings na Lons Sosaiti.

Pasin bilong sevings

As wok bilong Morobe Sevings na Lons Sosaiti em long kirapim tingting na helpim yu long sevim mani. Na sapos yu wantaim famili bilong yu i bungim o panim sampela hevi, dispela mani yu sevim i ken helpim yu taim hevi i kamap. Ol kain samting olsem skul fi bilong pikinini na haus sik na ol marasin na wok bisnis o haus slip em yu laik stretim na kamapim gut.

Dispela kampani yu wok long en inap helpim yu long katim pe long olgeta insait na salim stret long sosaiti.

Ol wokmanmeri bilong sosaiti bai i ken givim yu stia na gutpela tingting long sevim gut mani bilong yu. Wanem mani yu laik putim long sosaiti em stap long laik na tingting bilong yu yet. Gutpela pasin na tingting em long redim yu yet long kainkain hevi we bai i ken kamap long yu long bihain taim.

Morobe Sevings na Lons Sosaiti em i no benk. Em i wok bung tasol bilong ol manmeri husat i memba.

Dinau

Ol memba husat i soim gutpela pasin long redim em yet, em tasol inap long kisim dinau mani long sosaiti. Hamas dinau memba i laik kisim em i wankain tasol long sevings memba yet i bungim pinis long sosaiti. Yu noken tekewe sea na sevings bilong yu. Kisim tasol dinau na bekim long mak yu ting yu inap. Larim sevings bilong yu i wok long sosaiti na yu i ken kisim dividen o win (interes) mani.

Interes o liklik pe bilong bekim dinau em wan pesen long wanwan mun. Bilong wanwan yia em i 12 pesen (12 pesen).

Nau yet Memba Sevings na Lons Sosaiti i wok long givim planti helpim i go aut long ol pipel husat i wok long kamapim ol gutpela projek long ol komuniti insait ong Morobe provins. Ol helpim olsem lukautim na kamapim ol laipstok samting olsem kakaruk na pik, helpim i go long liklik tred stua na tu sapotim long kamapim wanpela skul projek.

ANKOL BRIAN

Ela Motors

V.A.T.



MONIBEK!

**SPEOLS LONG OL WAN WAN TOYOTA MODELS
FONDE 10th IGO INAP LONG FRAIDE 18th OGAS, 2000.**

**ANKOL BRIAN
I KAM BEK LONG PNG**



BAI MI WOKIM RAIT LONG YU!

**ANKOL BRIAN BAI STAP
LONG OL ELA MOTORS
BRENS LONG DISPELA DE**

**PORT MORESBY : Fonde 10th Ogas, 2000
LAE : Fraide 11th Ogas, 2000
GOROKA : Mande 14th Ogas, 2000
MT HAGEN : Tunde 15th Ogas, 2000
na kam bek long PORT MORESBY :
Trinde 16th na Fonde 17th Ogas, 2000.**



**BAI YU NO INAP BILIP LONG OL
PRAIS LONG DISPELA KAR...
BIKPELA OFA STRET! LONG DISPELA
PROMOSEN YASOL... SEVIM MONI
★ BILONG YU, BAIM WANPELA
NUPELA TOYOTA NAU... HARIAP
NOGUT I PINIS KWIK!**

**Olsem wanem Kandre,
kam tasol long Ela Motors na
bai mi wokim V.A.T. Monibek
dil bilong yu!**

**AGC
FAINENS TU I
STAP LONG
ORAITIM**



**DISPELA OFA
ING INAP
LONG OL
GOVT. ODA**

EM6841

LUKAUT TU

**LONG OL ELA MOTORS SPEOL PARTS
RET TAG
SPEOLS**

**GO LONG ELA MOTORS PATS DIPATMEN KLOSTU
LONG YU NA LUKLUK LONG OL RET TAG SPEOLS...
HARIAP... TAIM OL
PATIS I STAP YET !**

**LONG KISIM MOA TOKSAVE KAM LUKIM ELA MOTORS
BRENS KLOSTU LONG HAP BILONG YU :**

Ela Motors



"No.1 KUALITI TU I STAP"

VISIT OUR WEBSITE - <http://www.elamotors.com.pg>

PORT MORESBY PH 3229400
LAE 4722322 • KOKOPO 9829100
RABAUL 9821988 • MADANG 8522188
GOROKA 7321844 • MT HAGEN 5421888
WEWAK 8562255 • KAVIENG 9842788
KIMBE 9835155 • TABUBIL 5489060
VANIMO 8571254 • ALOTAU 6410100

**OFA STAP
TASOL LONG OL KAR
TAIM YU PUTIM ODA.
O KISIM PINIS NA
BAIM NAMEL LONG
18th OGAS,
2000.**

KANAGE

"Em nan, narapela wik bilong mi ken"



Kanage em hap kas Raikos na Uri hap long Erap. Wanpela taim em i stap long ples. Na i gat edpos long ples na dispela edpos em wanpela meri Madang i save wok long em. Na long Fonde sista i tokim brata bilong Kanage tumoro bai yu kam wantaim mi bai mi tupela go long Lae long

kisim fotnait mani. Na Kanage stap insait long toilet na harim dispela tok na em belhat. Na em singaut. Husat bai go wantaim Keti? Blari sit husat i tok. Na Kanage i no slip em kam long nait na em tokim sista mi man bilong lukautim yu long taim bilong sik na wanem kain wok yu gat mi save lukautim yu. Na bilong wanem yu kisim pipia man olsem. Nau em kisim Kanage na tupela go long Lae.

Taim tupela go long taun Kanage i gat bikpela laik long baim daiving glas. Taim tupela go insait long stoa Kanage i no wet em kisim gras bilong ol ai nogut na kam aut long stoa na traim long doti wara ron antap. ong rot. Na em kisim i go insait ken na sekyuriti mekim save long em. Na em i tok em orait I am look after you nek taim. Tasol nogat em kisim bikpela pen tru na em gijaman. Na Keti askim em yu mekim wanem? Na em i tok sekyuriti gijaman tasol ya. Tasol nogat Kanage kisim bikpela pen. Na Keti baim wanpela daiving glas stret na givim em. Em kisim pinis na em laik kam pas long

no ston. Em brukim antap long het kela bilong Kanage stret. Kanage em ting olsem em dai man kam paitim kela bilong em so Kanage kirap na dastim gen i go. Poro ya i ting em paitim dai man na em tu givim siksti long narapela rot. Tupela i no save olsem tupela yet i mekim i go i kam kisim taim long biknait.

Salias Babol Lae

Em i bikmaus "sat ap" ol manki i dis long bet. Kanage i save harim ol skul manki bilong Orace Memorial Hai Skul long Wau i save tok Inglis olsem em tu i mas traim long tok Inglis. Em i lukim wanpela birua i kamap long tripela plisman bilong Menyama pik i bin kili tupela i dai.

Nason Seni Goroka

Em i go long Lae na givim stori long radio Morobe. Kanage i statim stori long Inglis long anaunsa I stand in kunai tri plisman kam one skin nating. Just warwan mama pik kam ausait kunai siksti to wan plisman no westing taim give hat wan to o sait lemprens for pes plisman look his wan tok hap i dai seken plisman look his wantok hap i dai na kroling kroling slowly slowly kam beksait for mama pik open his faif pinga pam it to wisket for mama pik pillim pen and ten it to seken plisman pik mama baim seken plisman and plisman tang kapsait.

Las plisman singaut to his tu wantok kroling kroling away for mama pik sut the mama pik na pik i dai. Kanage i go klostu long helpim dispela plisman long kisim tupela wanwok wantaim pik i go. Taim plisman i tokim Kanage long karim pik i go long ka. Pik mama tanim na tokim Kanage don't carry mi to ai for pablik I sem to pablik look mi. I guria to pik Inglis mi.

Robin Robs Wau

• I kam long pes 25

bilong en na tupela kisim PMV gen na go bek long ples.


Gabriel Mack Banz

Kanage em wanpela lapun man bilong Erap. Wanpela taim em kirap long moning taim tru na go long gaden. Na liklik boi bihainim em i go na painim kep bilong em long wanpela liklik wara. Na em kisim na bihainim em i go. Go kamap long gaden na askim em bubu kep blong yu lus long wanem hap tru? Na Kanage i tok wanem kain kep i lus. Kep bilong mi em lus long-taim tru na em drai pinis. Liklik bubu bilong em askim em gen yu wasim na em drai na Kanage i tok mi lusim longtaim mi yangpela. Na manki ya i paul tru long tok bilong Kanage na liklik boi tok gen i lus long yangpela bai em sting o bagarap. Na Kanage i tok em bai bagarap olsem wanem. Em bodi bilong man ya. Na manki i lap nogut tru.

Mathew Wam Lae

Em i go long Lae na givim stori long radio Morobe. Kanage i statim stori long Inglis long anaunsa I stand in kunai tri plisman kam one skin nating. Just warwan mama pik kam ausait kunai siksti to wan plisman no westing taim give hat wan to o sait lemprens for pes plisman look his wan tok hap i dai seken plisman look his wantok hap i dai na kroling kroling slowly slowly kam beksait for mama pik open his faif pinga pam it to wisket for mama pik pillim pen and ten it to seken plisman pik mama baim seken plisman and plisman tang kapsait.

Las plisman singaut to his tu wantok kroling kroling away for mama pik sut the mama pik na pik i dai. Kanage i go klostu long helpim dispela plisman long kisim tupela wanwok wantaim pik i go. Taim plisman i tokim Kanage long karim pik i go long ka. Pik mama tanim na tokim Kanage don't carry mi to ai for pablik I sem to pablik look mi. I guria to pik Inglis mi.



KANAGE

"Em
nau,
narapela wik
bilang mi ken"



Kanage em bilang Sepik Wara long Angoram stret. Na em save sekjurit long Angoram Helt Senta. Man em i no yangpela man, lapun ya tasol pes bilang tromoi tok pisin na kain ol eksen nogut long ol mama save kam kism marasin. Em save ekting olsem A.P.O stret taim ol i no stap, em save givim sut na marasin long ol sik meri. Ol man em save les. Na taim ol kros long em, em i no bisi pes tu bilang tromoim tokpisin na kolim belhat bilang ol man. Wanpela foitnait wik Fraide, em wok nait pinis na long Sarere moning em go long Angoram maket. Ai kirap em tu wok long slip na em tu em pes bilang kaikai tapiok mumu stret. Na em lukim wanpela pes bilang haiwe i salim tapiok mumu stap. Na em askim em: "Susa hamas long mumu tapiok bilang yu." Na em tok K1.00 tasol na Kanage tromoi han long poket long kism K1.00. Tasol boi i kamaütim mitnait kauboi long poket na tromoi long kism mumu tasol em lukim hariap na tok sori long susa ya na tok. "Em samting bilang was long hangre bilang mi.

Bench Hem Angoram

Kanage em bilang Bogia, tasol em i go raun long Karkar Ailan na stap long hap. Wanpela taim em kam raun long nambis klostu long Waglon plantesen. Em nau tupela waitman, man na meri kam kamap long em. Tupela, em ol lain bilang tanim ol tokples ol kolim SIL.

Na ol tok, "apinun tru papa. Yu bilang wé?" Kanage kirap na tok, "Mi bilang hia tasol strongpela manki long bik ples." Na i askim em, "Inap yu kolim nem bilang ol sampela samting long tokples Karkar?" Na Kanage em tok Okay. Em nau Kanage kism buai, daka, na kambang na em tok. "Buai long tokples em jeb, kambang long tokples em kau, daka long tokples em ful, tasol long Inglis mi no save, ol sampela man save kolim ol daksés." Man Kanage tokim waitman olsem na waitman em paul tru long harim. Taim waitman i kism diksineri buk bilang em long painim dispela hap tok 'daksés.' Das manki, Kanage em lus wantaim bodi. Waitman tanim long lukim paps Kanage em i no stap moa wantaim tupela. Em nau waitman em tok, "tru, tru, tru em i no asples man, em strongpela manki long bikples olsem na em lus wantaim bodi.

John Dse Wavnada Bogia

Kanage bilang Simbu na em save wok olsem wanpela foremen bilang boila long Pukpuk fam long 8 Mail. Wanpela taim em wok i stap na tingting ples i kism em. Em tingim tambu bilang em, em wokabout i go long haus na tokim meri bilang em. "Mi go

long opis, mi laik ringim tambu bilang mi long ples." Taim em i go long opis liklik bebi bilang em i kra. Kanage kism liklik bebi wantaim na go long opis. Taim Kanage i go sanap long ai bilang waitman, waitman ya i lukluk strong long Kanage na askim em yu gat wari. Kanage tokim bos inap mi ring, waitman ya tokim em telipon i stap. Kanage wantaim bebi bilang em i stat long ring. Taim Kanage ring i go na tambu bilang em bilang em toktok wantaim em tupela mekim save toktok i go, kam amamas nogut tru tokples pinis nating em holim bebi bilang em long rait han bilang em, taim tupela toktok yet bebi bilang Kanage sem taim pekpek i kam daun. Kanage lukim olsem taim telipon i stap yet long maus bilang Kanage em kirap na tokim bebi bilang em, yu stupit. Taim tambu bilang em harim olsem, em mas ting olsem tambu Kanage i mas krosim em ya. Em lusim telipon na go long haus na tingting mi toktok gut wantaim Kanage, mi no pinisim gut toktok yet na em tok stupit long mi. Kanage tu em wari nogut tru na lusim opis na wokabout i go lusim bebi long haus.

Samuel Malasan Aloyse Lae

Kanage em bilang Ramba rot long Mt Hagen. Wanpela taim em wantaim poro bilang em pikim kopi na kism mani na stap long ples. Long wanpela foitnait wik Fraide, wanpela skul tisa i kism pas mani na laik go pilai kas wantaim Kanage na poro bilang em. Taim bilang pilai poro bilang em wantaim tisa i pilai kas na Kanage i stap boskru long poro. Pinis long pilai tisa i lusim olgeta pas mani bilang em. Taim tisa laik go em askim K2.00 tasol long poro bilang Kanage long baim bas bilang em long go long haus. Em askim faiv pela taim na poro bilang Kanage i no givim na tisa i tok, "Anyway forget it," na em kirap na go. Poro paul na tingting planti i go na askim Kanage. Kanage kirap na tokim poro olsem yu wanpela pik long ples. Tisa krosim yu nogut long tok Inglis na yu no laik bekim sem toktok long em. Poro i belhat na siksti i go, na tokim tisa olsem, "Anyway forget it." Na tisa i lap na tekov.

Michael Pato Wimp Mt Hagen

Kanage em wanpela boi Kandrian. Wanpela taim em i kism Airlink balus i kam pundaun long Hoskins eapot. Orait em i kism bas rout 3 na tekov i go long Kimbe. Trangu em pes taim tu ya long lukim taun olsem na em i go insait long haus kaikai i stap. Na yu save plawa pis i swit na Kanage i les long wokim hap i

pundaun olsem na бага i kaikai i go na Kanage i laik kism dring long dring. Na han bilang em i wokim na traipela hap pis plawa i pundaun na бага i lukluk long ol meri save wok long haus kaikai, nau isi isi tru han bilang бага i go daun long kism hap pis i pundaun na ol meri i wok long haus kaikai i singaut. "Papa just leave it alone." Na бага i tok ples na em tok olsem. "Tavom wa na ngo." Na meri ya i tok Inglis na askim paps, "Can you repeating you question again.?" Na бага i kros nogut tru na em i kaikai tit bilang em na em i tokim meri ya long bruk Inglis na em i tok, "Hey! Hey! susa you know that I am coming with leaves of Malas. Na meri ya i tok. "Your face looks like Malas." Na Kanage i kism hi-filings na em i tokim ol manmeri insait long haus kaikai olsem. "Meri i mas dai pinis long mi ya," na em i smail na tekov.

Paul Kumbo Kandrian

Kanage i nogat wok na i go bek long ples na meri bilang em i stap wok long taun wantaim bikpela susa bilang Kanage long Papindo stua long Lae. Tripela wik olgeta na Kanage i no kaikai lam flaps na kakaruk. Em i kaikai taro na kaukau i go na em i les pinis. Na em i raitim wanpela pas i kam long meri bilang em na tok olsem daring yu kism potnait pe na kaikai lam flaps na kakaruk plis lewa noken lusim tingting long mi. Mit bilang em yu kaikai na bun tasol em putim long wanpela pas na salim i kam na mi i smelim tasol na tromoi i go. Na Kanage i tingim tasol na i stap long het bilang em. Em orait lewa ples em mi bosim sapos yu kam bai mi bekim dinau na mi kaikai olgeta mit bilang yu na bun bilang yu bai yu karamapim long laplap na karim i go bek long wok bilang yu.

Anauya Jembok Lae

Kanage em bilang Vanimo. Em man bilang spak, yupela save Kanage em man bilang biksot long olgeta kona taim em kam long haus em kam isi olsem em i no save dring. Tasol samting tru em kilim skin pinis na kam long haus. Wanpela taim meri bilang em krosim em na tokim em dring yu inap long spak o dring mi les long stap wantaim man save spak planti. Wanpela taim na gutpela apinun Kanage lusim haus isi tasol na go kism 6-pela botol na dring i stap na em i no save olsem Misis Kanage kam spai long em na tanim go bek long haus. Kanage pinis dringim 6-pela botol na em ekting wokabout isi na kam long haus na Misis Kanage askim, yu stap we na kam? Na Kanage tok mi go raun long rot na kam. Na Misis Kanage tokim em olsem, husat sindaun baksait krungut olsem sikau bilang maunten long as bilang diwai long nambis. Na Kanage tok nogat. Tasol meri strong tupela taitim toktok i go i kam na tupela meri bilang em kros. Nau tupela pinis kros na tupela slip, long nait Kanage em hot na em lusim trausis na em slip ok. Long nait yet Misis Kanage em slip na em i laik

tanim long slip dispela taim o dispela nait tu em gutpela mun na lait kam insait long windo na Misis Kanage em lukluk i go na em lukim tupela silin-sot bilang Kanage em lait na Misis Kanage em ting wanem samting na em holim na pulim, man mi tokim yupela Kanage em kism taim stret. Na Misis Kanage tokim paps Kanage olsem yu kism em bia yu save dring i mas pasim nek bilang yu a? Na paps Kanage em kism taim na em slip isi i stap.

Bonien Melya Vanimo

Wanpela taim Kanage bilang Wau i go raun long Finsafen long lukim ol papamama bilang em long ples Morukuo. Em kalap long sip MV Giamsao na i go taim em i go kamap long Buki we em kalap long wanpela PMV ka ol kolim Kata Expres. Em sindaun long ka na tekov i kam long Gagidu taun long Finsafen so em i go daun na tokim draiva inap mi wan luk tasol long ol stua nambaut pastaim yumi i go na draiva tok yes. Olsem na em wan luk tasol pinis na ol kukim kostol haiwe rot bilang Fins i go na lusim na kism Fins Pindiu rot nau taim ol i go kam long ples Moruruo nau ka stop na em i go daun na i go daun long haus. Taim em i go yet ol famili lukim em na ol singaut na amamas long em i no isi. Em tu amamas long ol tu pinis nau em i go long stua bilang tumbuna bilang em long baim suga long bai boilim ti na dring. Taim em dropim K50 not long kaunta na lapun stat long givim bek senis bilang em yu save lapun pinis olgeta mani pinis long Kanage na em i tok Kote stret Kanage olsem, Abu Nane go Mankic Gole wansiling alitac tomoko go wansiling kosmec. Sem taim pikinini bilang lapun harim na em i kam na em lukim olsem olgeta mani not na koins pinis man em i no isi long krosim lapun na Kanage bekim bek olgeta mani bek na kism rait senis bilang em na mani bek na kism rait senis bilang em na tekov long haus.

Lamu M. Mike Finsafen

Kanage em plisman bilang Rigo na maritim meri Buka. Tupela save i stap long Kwikila stesin. Wanpela taim Kanage go dring bia long M. Rua Treding i go inap biknait. Em spak na wokabout go bek long haus. Sem taim pawa tu i blak aut na Kanage i no lukim gut ol samting. Em kamap long haus na lukim dok bilang ol slip i stap long verenda. Spak sens Kanage ting olsem em meri bilang em na holim pasim na tokim em. Oh my leva lalokau noken kros long mi. Meri bilang Kanage harim na ting olsem Kanage toktok wantaim wanpela meri na bikmaus insait long haus. Kanage yu toktok wantaim husat? Kanage kirap nogut na bekim long Inglis I'm with your other half.

Gabi Waire Waigani

Kanage em bilang ples Mulua. Wanpela taim Kanage i go lukim

tambu bilang em Demen long Musawat ples. Na Kanage wantaim tambu bilang em i wokim plen olsem bai tupela i go long matmat na pre long ol man i dai pinis. Orait long san tupela i redim ol samting bilang tupela. Tupela i stap i go inap long 12 kilok nait taim ol manmeri na pikinini i slip pinis, tupela i wokabout i go long matmat. Na taim Kanage i go pas antap long matmat tambu bilang em i pret nogut tru na i go klostu, klostu long lek bilang Kanage na tupela i go sanap antap long matmat pinis tupela i pasim ol na Kanage i beten olsem. "O bikpela tokim ol dai man na givim mipela sampela mani." Taim Kanage i beten olsem na tambu bilang em i opim ai na i lukim traipela sta i kam na raunim tupela. Tambu bilang em i no tokim Kanage em i muv isi tasol na i tekov i go pinis. Kanage i opim ai na tanim lukim tambu bilang em tasol em i no lukim em. Kanage i lusim olgeta buk long matmat na i singautim tambu bilang em olsem, tambu, u, tambu, u, tambu, u, tambu wantaim mi o. Taim tupela i go kamap pinis long haus bilang Kanage na tambu bilang em i pret long go antap long Musawat. Na em i go slip wantaim Kanage long haus bilang Kanage.

Sinar Aras Malas viles

Kanage em bilang Malbanga viles insait long Banz distrik. Na em pinisim skul long gret 3 tasol bikos em biket. Kanage lusim skul na em i stap long bus ples na marit na gat wanpela pikinini man tasol. Wanpela taim em wantaim pikinini bilang em tupela laik go raun long Hagen siti. Na tupela kism PMV na tupela go kamap long Hagen siti. Na Kanage lukim ol meri Hagen wantaim longpela laplap na em lusim tingting long pikinini bilang em. Em laik kism pilings long meri i go sait long en na pikinini bilang em bihainim papa. Na i no longtaim tupela krosim rot. Man papa Kanage lus tingting long holim han bilang pikinini bilang en. Sem taim wanpela ka spit i kam na kilim pikinini bilang em. Kanage tanim bek na lukim ya nogat pikinini bilang en slip ong kolta i stap. Taim em kam kism pikinini bilang en. Em ting em i dai pinis tasol lewa bilang em wok yet. Sem taim ol plis kam na kism tupela go long Hagen haus sik na ol nes na dokta admitim tupela long wod na ol plis tokim Kanage long kam long plis stesen long taim bilang komplem. Taim Kanage go long plis stesen na ol plisman askim Kanage yu save long tok pisin, na Kanage tok nogat. Yu save long tok motu na Kanage tok nogat. Na ol plis askim yu save long tok Inglis. Man hariap tasol Kanage tok yes that's my kaukau. Na ol plisman harim i stap na bikman givim stori. I stooded this way and my son stooded that way and the car yomai, yomai and kil my son na man ol plisman i no kism stori bilang Kanage. Ol plisman ol kilim ol yet long lap na tu Kanage em paul na i no givim ripot long ol plisman. Em belhat na tekov long haus sik na kism pikinini

• I go moa long pes 26

Aitape inlen rot bilong Pes na Rome rot i bagarap

Dia Edita,

Mi wanpela manki Rome nau mi stap long Madang provins na mi laik autim komplem bilong mi long memba bilong Aitape Lumi na Gavana bilong Sandaun. Mi askim memba bilong Aitape Lumi na Gavana tupela i mas putim han wantaim long stretim dispela hevi bilong rot.

Bikos tupela mas tingim sefti bilong ol pipel bilong tupela long

Aitape inlan.

Bagarap bilong dispela rot i stap olsem 8 o 10-pela yia olgeta nau i no bin gat helpim long dispela rot.

Olsem na mi askim Mista John Tewie na Eddy Saweni long putim sampela mani long stretim dispela rot. Sapos tupela i no stretim dispel rot. Plis mi askim tupela olsem long 2002 ileksen bai tupela i noken soim pes

bilong tupela long Aitape inlen bai tupela bai kisim han bilong mi. Bikos tupela i no tingim mipela ol pipel bilong tupela long Aitape inlen.

Sapos yu husat i laik sapatim o egensim orait rait tasol long Wantok niuspepa bai mi ken lukim.

David Kamanru Madang

Luteran painim nupela laip na raun

Dia Edita,

GIVIM liklik spes na mi laik autim tingting bilong mi i go long olgeta kristen memba bilong Luteran sios. Mi i no tok long ol arapela sios nogat. Mi laik toktok long Luteran tasol. Mi yet bilong Luteran.

Mi i gat bikpela rispek long Martin Luta. Mi laik toktok long ol arapela memba bilong Luteran ol i lusim Luteran na i go joinim narapela lotu pinis tanim ken na tok baksait long Luteran. Mi i no save Luteran em wanem kain kala, yu i go na joinim narapela lotu na yu tok olsem yu senisim laip. Wanem kain laip yupela i tok long en. Mi i no bilipim dispela tok yupela i tok senisim laip. Taim yupela i stap long Luteran yet na bai yu senis. Tasol nogat. Yu husat memba bilong Luteran i noken tok yu senis. Dispela tok senis yu mas bihainim dispela ten komanmen o terpela lo Moses i raitim pinis na i stap tasol yumi Luteran memba i no save bihainim dispela lo.

Yu husat Luteran memba plis yu laikim yu yet olsem yu laikim ol arapela brata susa bilong yumi, na helpim ol arapela ol sot long samting, i noken tok baksait long ol pren bilong yu, i noken stil, i noken pait, dispela olgeta pasin yu no bihainim. Bikpela samting yu no mekim na yu tok senisim laip pinis. Mi tokim yu olsem yu giaman long ai bilong bikpela em bai yu i gat asua. Yu tok senisim laip. Long mi yet mi i stap long Luteran tasol mi kisim laip pinis na mi i stap.

Wanem laip yupela painim na raun. Mi yet lukim planti samting long laip bilong mi Papa God i stap wantaim mi long haus. Yu husat bilong Luteran yu i noken painim laip na raun. Orait mi stori long laip nau mi i stap long en. Long 1989 mipela lusim Madang na i go long ples bilong man bilong mi. Dispela ples i nogat rot. Balus tasol i save i go. Nogat sip nambis i stap long we tru. Dispela taim traim i kamap long mipela ol famili bilong man ol i wokim kinkain long mipela tasol mitupela man i no save bekim nogut bilong ol. Nogat tru.

Mitupela i save lusim sin bilong ol. Mitupela man sanap strong long bilip bilong mitupela kinkain traim i save kam long mitupela. Mama na susa bilong man ol joinim CRC. Mitupela man bilong mi Luteran kinkain salens i kam long mitupela. Tasol mitupela i no pundaun long traim nogat. Mitupela olsem God lukautim mipela na i stap gut. Nau i stap long hamamas.

I stap olsem tasol i nogat senis bilong mipela. Mipela bilong Luteran wanem laip i stap long mipela em nau mi toktok long en. Yu husat Luteran yu painim laip na raun plis lusim na bihainim gutpela laip na lusim giaman laip. Dispela em bia trikim yu tasol na yu ting olsem gutpela rot yu bihainim tasol nogat. Mi tok pinis long mi yet mi i stap long Luteran. God i stap wantaim mipela, mipela i no painim God na raun nogat. Luteran i bringim yu i kamap kristen pinis tasol nogat yu laik rabisim. Yu tingting gut pastaim, nogut yu mekim na bagarapim mipela i no save sot long samting. Mipela i save hamamas tasol long helpim bilong bikpela. Yu husat Luteran yu i stap long PNG yu laik sapatim o egensim mi welkam tasol

Mrs K Naiwe Karkar Island

Mi laikim nupela wokman

Dia Edita,

GIVIM hap liklik spes long mi askim bilong mi i go long presiden bilong Luteran sios insait long Madang distrik opis. Askim bilong mi olsem: Presiden yu mas lukluk gut na salim ol pastor long wanwan manmeri. Mi i no amamas long pastor bilong Emmanuel kongregesen. Presiden yu mas lukluk gut na skelim pasin bilong wokman bilong yu gut orait salim i go aut long wok.

Long luk save bilong mi dispela pastor em i no fit long wok insait long taun eria. Em laikim Martin Luta semineri pastors mas ol wok insait long Madang taun eria. Emmanuel kon-

grisen em bikpela sios na moa kristen manmeri i stap tasol i nogat raun na sekim ol memba i stap we em i no save painim ol nogat em i laik i stap long opis tasol.

Olgeta sipsip lus pinis na i stap long laik bilong ol. Presiden yu mas save olsem Emmanuel Kongrisen em i senta, ol kinkain visita i kam long Madang. Ol mas kam insait long Emmanuel pastaim. Bihain ol save i go aut. Presiden mas senisim em na putim nupela wokman i kam insait long Emmanuel sios. Em tasol yu husat egensim welkam tasol

Mrs K. Naiwe Karkar Island

Sapos yu laik salim ol pas bilong yu i kam long dispela niuspaper. Yu mas salim i kam long dispela adres: The EDITOR Wantok Newspaper P O Box 1982 Boroko NCD

Putim nem na adres bilong yu wantaim na salim i kam. Pas nogat nem na adres bilong man raitim long en bai mipela no inap putim long pepa.

Nogat rong long market long Sande

Dia Edita,

YES mi laik egensim Tano Wati na SBBM Kanae long stopim ol manmeri long noken maket long Sande. Kwesten bilong mi i go olsem risen wai na yu stopim ol yu min long ol Sande kipa tasol o long ol narapela lotu tu i gut olsem. Yu mas kolim nem bilong lotu stret olsem ol Sande kipa. Mi wanpela Sande kipa tu.

Na mi no amamas long dispela toktok yu bin sapatim pren bilong yu.

Mi laik tok olsem. Yumi ol Sande kipa. Yumi aipas. Na yumi westim bikpela taim bilong yumi long lotu long trupela God. We em wokim heven na graun.

Na yet, yumi wok long bihainim yet man long dispela graun yes mi laik tok olsem. Ol lain we ol i maket long Sande. Bikos ol i bihainim baibel doktren bilong God. I nogat rong long dispela. God em i no malolo long Sande. Taim em i wokim dispela graun em i malolo long namba 7 de. Yu

laik pruvim lukim long ol dispela baibel ves Genesis 2:23, Exodus 20:8-11.

Mi no amamas long dispela tok yu mekim olsem. Ol i mas lusim maket na malolo lotu long God wanpela tasol em God bilong yumi. Mi ken tok olsem yumi aipas yet. Yumi no save long God yet. Sapos yumi save long God pinis em yumi ken bihainim stret wanem God em i tokim long baibel. Yu sekim long Exekiel 20:12-20, Exodus 31:13-

17.

Yes wantok, mi tupela i stil aipas yet long Sande lotu. Na mi egensim ol toktok bilong yu. Long Wantok niuspepa long Jul 13, 2000.

Em tasol. Yu husat man o meri yu laik egensim o sapatim. Mi amamas tasol long lukim long Wantok niuspepa. Tenkyu God blesim yu.

Tarito Malabong Natu Vanimo

Noken raun nating long Hagen siti na mekim planti trabel nabaut

Dia Edita,

PLIS inap yu givim mi spes na mi laik autim liklik wari bilong mi. Mi wanpela mangi long Nebilyer insait long Mulkona viles Mt Hagen WHP.

Mi laik autim liklik wari bilong mi i olsem i no stret long ai bilong mi. Olgeta wik long pede Fraide mi save lukim olgeta yangpela man na meri i save fultaim long taun.

Tasol sampela ol manmeri ol i karim mani na go sampela mi save lukim ol i save go nating tasol na karim K2 tasol long bas pe tasol, na ol i save raunim olgeta strit bilong Hagen na bihain klostu laik tudak na olgeta pulap na pek nating long bas stop. Na sapos ol i lukim wanpela liklik samting rong,

olgeta kirap tromoi ston nogat, singaut wisil o mekim kinkain samting. Dispela mi lukim na mi no wanbel.

Plis sapos yu wanpela man o meri i save fultaim long Fraide, plis stopim yu yet na noken go long Fraide long taun o traim na wokabout isi na noken wisil na tromoi ol samting long liklik samting i rong o paraip nating nating long ol kona bilong strit. Ating em tasol na yu husat i laik bekim o sapatim rait i kam tasol long Wantok niuspepa na mi bai amamas long ritim, tenkyu.

John Bruce Mulkona village

EMTV putim komesel tumas

Dia Edita,

Mi laik mekim wanpela toktok long tok mi raitim long antap, EMTV planti komesel, na tu mi sapatim wanpela brata i bin rait na komplem tu long wankain tok em nau mi laik toktok long en. EMTV o ol wok manmeri i mas stretim gut progrem na bihainim.

Sapos i gat muvi (piksa) larim dispela piksa i mas i go inap pinis bilong em. Bikos sampela piksa em i gat mining na mipela ol man i laik kisim gut save long en. Na taim ol komesel i kamap, em i katim interes bilong mipela ol lain i lukim EMTV. Na taim yupela i pilaim ken dispela piksa yu i kalapim sampela hap bilong piksa na em i no

stret olgeta. Dispela i kamap tu long ol narapela gutpela progrem olsem, 'wild life, sixty minutes, news, current affairs, duccumentry', na ol progrem olsem. Yes, mipela i save ol kompani o bisnis grup i givim mani long kamapim dispela progrem.

Tasol mi laik save dispela ol progrem em bilong givim save long ol kompani na bisnis grup tasol o bilong olgeta pipel bilong PNG wantaim.

Mi ting yupela mas putim wanpela o tupela komesel tasol na i go long wanem gutpela progrem olsem mi toktok long en pinis long pepa ya.

Andrew John Singer Wewak

Nogat sevis long Awara long Wantoat

Dia Edita,

Mi wanpela manki long Mendi tasol mi save stap long ples Awara long Morobe provins mi laik autim wari bilong mi i go stret long Wantok niuspepa.

Dispela wari bilong mi i go long open memba bilong mipela long Makam na Wantoat. Nem Andrew Baing inap long 5-pela yia i nogat wanpela sevis i bin kamap o wok. I nogat rot bilong PMV tu na mipela nogat sans long kisim stua kaikai i kam.

Taim mi laik i go long Lae mipela save slip wanpela de long rot na kamap long Makam na kisim PMV na go long Lae.

Ating taim bilong miting long haus palamen ating em save hait aninit

long tabol lus pinis long sampela hap.

Ating i luk olsem mipela i nogat memba na mipela stap olsem taim bilong tumbuna plis ol pipel bilong mi long ples Awara mipela mas votim gutpela man we bai i lukluk long mipela taim bilong kempen long 2002 i kam klostu nau.

Sapos yu givim baksait yet plis noken kam kempen insait long ples Awara long yia 2002. Stap long ples we yu save stap long en.

Em tasol na husat man i laik sapatim o egensim bai mi lukluk long Wantok niuspepa.

Francis M Dolsong Glwin Mendi

Noken bagarapim nem bilong olgeta Sepik

Dea Edita,

Mi wanpela meri Sepik nau mi stap long Tabubil mi laik sapatim tingting bilong brata Michael Oho olsem em bin putim dispela tok long Julai 20, 2000 olsem ol meri Sepik long Kimbe save bagarap long ol plis.

Mi laik tokim yupela ol dispela meri olsem yupela kaikai win long hap na noken bagarapim nem Sepik. Ol Sepik tru tru stap long asples bilong ol. Em yupela mas Sepik bilong wanem hap nau? Sapos yupela Sepik bilong Sepik bai yupela i no inap mekim ol sem pasin olsem.

Ating yupela mas Sepik bilong sampela hap nau olsem na yupela mekim dispela kain pasin nogut. Yupela ol dispela meri mi laik tokim yupela olsem inap nau long dispela kain pasin bagarapim nating gutpela nem bilong ol Sepik.

Yupela ol dispela meri mama mas karim yupela nambaut olsem na yupela mekim olsem. Em tasol na yu husat brata o susa laik sapatim o egensim yu welkam tasol.

Martha Yanduo Tabubil, WP

Hailans bagarapim ragbi lig

Dia Edita,

PLIS, givim liklik hap spes na bai mi bekim toktok bilong siaman bilong PNG ragbi lig John Numapo. Em bin raitim long Wantok niuspepa.

Mi laik tru long lukim ragbi lig bilong yumi long PNG tasol wanem samting i mekim mi i pinis olgeta long lukim lokol ragbi lig, mi lukim tupela pasin i no stret.

Wantok sistem. Ol kisim ol Hailans tasol i go pilai long ovasis na larim ol gutpela pilaias long nambis i stap.

Pait. Ol lain bilong John Numapo tasol long Hailans ol i save bagarapim gem. Olgeta taim long fil ol save paitim refri na ol arapela tim taim ol i win.

Olsem na i gutpela long ol Hailans yet bai i go lukim dispela lokol ragbi lid, bikos ol i lain bilong pait.

Em tasol, Tenkyu. Sapatim o egensim yu rait tasol i kam.

Pororu Rouson Lae

Hailans painim pipia long taun

Dia Edita,
NAU em i pestaim bilong mi long rait long Wantok niuspepa. Yes mi laik sapotim tupela brata hia Maco Hunsabanco na Duna Gawi bilong Wewak. Na mi laik bekim pas bilong Lairi Simal. Na mi i laik tok olsem! Brata Lairi Simal yu yet yu i mas kisim bikpela mira sanapim pinis na yu mas glasim long pinga bilong lek i go na pinisim long pinga bilong han na gras bilong het. Na yu lukluk long taun bilong Kimbe namba tu siti bilong mipela Lae, Madang na kam olgeta long Wewak ol Hailans i mekim wanem samting tru?

Mi bin raun long ol dispela provins na mi lukim ol Hailans ya ol i wok long supim ol rabis nus na han bilong ol pulap long spet buwai na pipia long ol pipia dram. Brata mi bin les

tru long lukim ol taim ol i save mekim olsem long pablik ples.

Ol i save wokabaut na kisim ol pipia tin na botol long ol hap bus na long as bitong diwai ol man i bin pispisim long em.

Brata yu tok long tingting o yu tok long save. Brata sapos yu tok long tingting bilong yu em nau mi bekim pas bilong yu na mi givim save long yu.

Brata yu save nau? Nil bilong saksak na nil bilong mami sutim lek na han bilong yu bai yu pilim pen long olgeta hap bilong bodi na long lewa bai bikpela tru. Em yu husat i laik sapotim o egensim mi yu rait long Wantok niuspepa bai mi ritim.

**Charles U. Kuta
Maprik**

Midel Ramu pipel i amamas long Gavana Kas

Dia Edita,
MIPELA ol Midel Ramu pipel i hamamas long Gavana Kas long winim ileksen. Samting olsem 20 na 30 yia i go pinis na yumi no kisim wanpela sevis.

Bipo Gavana na memba ol i no save lukluk long ol Midel Ramu pipel, olsem Aiome, Simbai, Kovonna, Haghi ol save stap long bikpela tudak tasol nau ol i amamas long Gavana

Kas.

Mista Kas nau em i tromoi sampela toktok na i stat long san kamap na i go daun long Sandaun.

Longpela taim pipel bilong Midel Ramu i pasim ai na stap, tasol nau mi save olsem ai bilong ol bai op.

**Haulamo S.K. Alvin
Kovon, Madang**

Bekim pas bilong Frank Mam

Dia Edita,
Mi wanpela mangi Lumi long Sandaun mi laik bekim pas bilong brata ya em long Frank Mam o Mama em mi i no save long dispela nem em nem bilong ol meri o mi i no save gut yet long dispela nem.

Yes brata mi laik askim yu tru yu bilong Madang o yu bilong Lumi o yu bilong sampela hap. Plis mi laikim bai yu mas i go long Lumi na lukim Eddy Saweni na wok long Aitape Lumi rot.

Bikos em laikim yu bai kamap olsem bos na bosim wok long Aitape Lumi rot. Bikos mipela long Aitape Lumi nogat planti saveman olsem na em laikim bai yu i go na yutupela wok wantaim.

So brata mi laik tokim yu olsem mi i no krosim yu tasol, mi lukim pas yu rait ya em i no gut tumas yu mekim kainkain toktok long brata ya Towa Ninge na mi i no amamas tumas long dispela pas yu raitim.

So mi laik tokim yu olsem em i no samting bilong yu bai yu toktok planti long dispela ol komplek pas em samting bilong memba yet bai bekim ol dispela pas na yu em mipela save olsem yu em papa bilong em olsem na yu mas i stap isi tasol long Madang taun wetim em.

Taim em pinis long Mosbi na i kam bek long Madang em bai kisim yu na yutupela raun long dak glas ka na i go kam.

So mi askim yu olsem yu mas pinis long sapotim em tumas.

So brata mi laikim yu mas stop long raitim dispela kain pas olsem so brata mi i no kros tasol mi laikim mas stop long dispela kain rait.

Em tasol brata Frank Mam.

**Michael Fifel
Lae**

Kerema pipel i gat rispek

Dia Edita,
PLIS givim mi sampela spes long Wantok niuspepa long toksave long ol narapela manmeri bilong Papua Niugini long ol pasin ol Kerema pipel i mekim long ol palamen memba bilong ol. Dispela pasin ol Kerema pipel i mekim em i pasin bilong ol waitman na yumi ol manmeri bilong narapela hap long Papua Niugini mas mekim wankain.

Mi save raun wantaim ol Kerema man i go i kam long Kerema na Mosbi. Sampela taim mi save askim ol.Yupela i gat tupela biknem politisen olsem Sir Mekere Morauta Praim Minista na foma Deputi Praim Minista na strongpela politisen Chris Haiveta i stap long haus palamen. Inap yupela go askim tupela long sampela mani na benk lon na ol wok nambaut.

Na ol Kerema kirap na tok, dispela i no gutpela na i no stret long mekim olsem. Ol i tok mipela save rispekim ol memba na opis bilong ol. Taim ol i tok olsem, mi pilim sem long mi yet long kain pasin mi wantaim ol narapela Hailans wantok mipela save wokim long ol memba bilong mipela.

Ol Kerema i tok moa olsem, mipela i gat graun i stap, kaikai i stap long gaden. Na ol i bisi long painim plis long solwara na wokim saksak na ol

lus tingting long ol memba.

Olsem na mi rait i kam long Wantok niuspepa long ol manmeri bilong narapela hap long Papua Niugini long senisim animel pasin bilong yumi na kisim pasin bilong ol Kerema. Larim ol memba i kisim win na i gat gutpela tingting-long raun na mekim wok.

Ol Kerema i gat strongpela politisen olsem, Praim Minista, Sir Mekere Morauta na foma Deputi Praim Minista na nau strongpela politisen Hon. Chris Haiveta long Nesenel Palamen tasol mi no lukim ol Kerema pulap long Waigani Nesenel palamen na Waigani opis. Dispela i soim tru olsem ol Kerema i gat pasin rispek. Na long tok Inglis ol i tok human beings ya em ol Kerema i tru ol human beings.

Long pinisim mi laik tok tenkyu long ol Kerema pipel long soim pasin rispek long Praim Minista, Sir Mekere Morauta, Chris Haiveta, Sir Tom Koraea, na Ridler Kimave.

Mi laikim wankain pasin kamap long ol manmeri bilong narapela provins.

Tenkyu Wantok niuspepa wokmanmeri.

**Paul Minga
Lokol turis, Kerema**

Noken westim taim, save na strong long rait nating

Dia Edita,
Mi wanpela manki Kekul long Konba Sauten Hailans tasol nau i stap long oil palm provins Kimbe.

Mi laik tok klia olsem yu husat brata susa save rait i go long Wantok niuspepa long autim komplek na wari bilong yu long ol palamen membas, em yu westim taim, save, pen na strong so plis givap (lusim olsem).

Mi save ridim planti taim i go pinis planti tru i bin kamap long Wantok niuspepa na long June

15, 2000 mi lukim na ridim sampela gen na putim dispela i go aut long Wantok. Mi laik tokim ol brata ya James Hogo na Nelson Koyawe autim wari bilong Konba Lake Kopiago rot i go long Heurowa Akiwa na brata Justin Merie autim wari na bel kros i go long Nuku memba.

Mi sapotim yupela ol memba sapos long wokim tasol mi laik askim yupela. Taim ol bin rait i go long Wantok ol memba i bin wanpela taim bekim yupela? Mi save lukim arapela brata i save bekim yu wantaim doti tok so plis lusim.

Sapos yu i bel pen tru long autim wari bai memba i lukim noken rait i go long Wantok. Rait i go long memba yet long Nesenel Palamen.

Maski pairap long Wantok mipela ol grasruts i save bekim ya. Yu rait long husat memba stret long haus palamen.

PNG em fri kantri ya.

Yu husat laik sapot o egensim yu yet nau.

**Ruben Shalpe Koroba
Kimbe**

Gavman i no lukautim ol manmeri long bus

Dia Edita,
NAU mi laik komplek long memba bilong Obura Wonanara open. Komplek bilong mi i go olsem mipela ol lain bilong Marawaka mipela stap olsem bipo ol tumbuna bilong yumi stap long en yumi stap yet long sem pasin yet. So mi ting olsem yumi nogat memba o gavman. So gavman i no lukim mipela na mipela Marawaka mipela painim hat tru long kisim sevis. Bikos rot i go pinis ia tasol ol memba ol i no stretim gut rot bilong mipela. Dispela komplek i go long gavana bilong Isten Hailans tu.

Mipela ol lain bilong Marawaka olsem wanem

yupela stap long haiwe na mipela ol lain bilong bus kisim taim i stap. Bikos olgeta hap rot i go pinis na ol stap gut na mipela ol lain bilong Marawaka mipela i stap olsem mipela i nogat papamama.

Planti kopi i save kamap long sait bilong Marawaka. Em olsem na mi komplek long ol memba o gavman. Em tasol na yu husat yu laik egensim o sapotim welkam tasol long rait long Wantok niuspepa.

**Hesron Meyaraima
Goroka**

Vincent Auali mekim gut wok

Dia Edita,
Mi wanpela mangi Kulga insait long Nebilyer distrik Mt Hagen WHP. Mi laik bekim pas bilong brata Mong Taka i bin kamaut long Wantok niuspepa long Me 4, 2000.

Brata yu bin tok olsem MP bilong Tambul Nebilyer i stap we. Ok brata mi laik tokim yu stret olsem Vincent Auali em wanpela rait man o lida long lidim Tambul na Nebilyer. Yu ating yu slip na kirap o stap yet long bel na kam ausait nau tasol na wokim ol dispela kain toktok.

Brata mi laik tokim yu olsem yu ai pas. Vincent Auali em lida God i bin makim em. Bilong wanem na mi tok olsem bikos mi wanpela mangi Kulga. Mi no givim wanpela vot i go long Vincent tasol mi amamas long winim em i bin givim K3,000 long stretim Nebilyer stesen na em i bin givim K5,000 long wokim

dabel klasrum long Mulkona dispela i min olsem em i mekim wok.

Tasol tu em i kisim minista posisen ating em lida. Long yupela Nebilyer na yupela. Kagaul em i bin wokim sampela dabel klasrum tu. Mi save lukim long ai bilong mi stret. Brata Mongtaka ating yu no klia tumas long politikis na neks taim no ken westim buk pen nating na rait i kam. Nau mi stopim yu long noken bagarapim MP bilong yumi.

Plis brata yu tok Thomas Nikints mekim sampela rot. Ating yu bebi yet ya plis neks taim noken rait i kam gen long Wantok.

Tenkyu. Sapos yu laik bekim o sapotim rait tasol i kam long Wantok niuspepa tasol na mi bai amamas tasol long ritim.

**John Bruce
Mulkona**

Garamut kampani kisim salens

Dia Edita,
NAU em i pestaim bilong mi long rait long Wantok niuspepa. Inap yu givim liklik hap spes long mi na mi laik putim liklik komplek bilong mi.

Yes mi laik komplek olsem long Maprik taun long pran bilong pos opis, plis stesin, kes opis na sampela ol opis tu i stap na em i mein soping senta. Na bilong wanem na Garamut nau i baim kopi na kakao long dispela hap bilong stoa i stap na ol manmeri bai wokabaut na bai baim ol samting long en? Long Wewak mi lukim em i gutpela tru antap long Dagua maket na i go long China taun em i soping senta tamblo long Kaltex na i go daun long Woop em hap ples bilong wokim dispela wok bilong baim kopi na kakao em i stap.

Ating siaman na namba tu siaman bilong mipela long 4-pela konstituensi i no lukluk long taun bilong mipela tu a? Na mi putim bikpela askim bilong mi i go long Memba bilong Maprik, Wosara, Gawi, Ambunti Drekiakia. Na Yangoru Sausia yupela tu i mas lukluk long dispela askim i go long Garamut tu yupela i wokim gutpela haus bilong wokim supra maket. Yupela i mas wokim supamakot nau maski long baim kopi na kakao long dispela hap. So tenkyu. Yu husat i laik rait na sapotim o egensim yu rait long Wantok niuspepa bai mi lukim.

**Charles U Kuta
Maprik**

Dvelopmen i no save kamap long distrik na go olgeta long LLG

Dia Edita,
Mi laik salim bekim bilong brata Yowa Mikey olsem. Wara i no save doti long as na i go antap long het. Nogat tru. Wara save doti long het na kam i go liklik haphap em bai inapim ol.

Sapos wara i klin long het bai yu lukim olgeta hap bai klin bikos het i klin. Bai yu lukim ol manmeri bai hamamas tru na ol i no inap toktok o kros ol bai hamamas tasol long dring na waswas.

Ol mamapapa, bratasusa bilong provins, distrik, LLG yumi mas yusim het bilong yumi long semim ol lida man we yu makim ol long wokim wok. Sapos gavman i gutpela long memba.

Memba gutpela long kaunsel na kaunsel i gutpela long pipel yu lukim wok bai kamap gutpela tru. Gavman i bagarap antap yet bai i go olgeta yet long ples.

So i no gutpela long semim ol lida bilong yumi nating nating. Sampela hap provins, distrik, LLG orait tasol mi mangi bilong Yu save sem bikos ol save semim memba minista Ginson Sauno na mi save wari. God bin givim liklik save em save traim bes tasol gavman nau i korap tumas.

Plis ol lida i no strong bilong yupela yet kamap na yupela save daunim gut tru pipel bilong LLG o distrik. Traim na lusim ol

dispela pasin. Sapos God i rausim dispela presen bilong helpim pipel bai yu dai o bai yu lus long narapela ileksen.

Mi wanpela mangi bilong ples Toweth insait long Yus LLG i no save hamamas ol save semim pikinin bilong Yus.

I no dok o pik na yupela save semim em tumas, em man tasol olsem yumi.

Em tasol sapos yu husat man o meri laik sapotim o egensim mi em welkam tasol long raitim pas i kam na bai mi lukim.

**Elizah Lison Longo
Kimbe**

WOK BISNIS
MANDE IGO FRAIDE
8.am igo 5.pm apinun

WANTOK
KLASIFAIK TELIPON: 325 2500

ADVATAISIN SELS
Miri Alort: ext. 214 Walter D. Edward : ext 218
John lagata: ext 217

PABLIK NOTIS



NATIONAL AGRICULTURE QUARANTINE & INSPECTION AUTHORITY
Opis bilong Menejin Dairekta

PABLIK NOTIS

Pasim rot bilong kakaruk long Manus

Nambawan gavman otoriti bilong wok lukaut long ol purpur, binatang nogut na kain kain sik, National Agricultural Quarantine na Inspection Authority (NAQIA) i laik tokaut long olgeta manmeri husat i save ron long sip na balus igo insait na kam autsait long Manus provins olsem i bin gat wanpela bikpela sik bilong ol kakaruk long Manus na nau ol i laik lukluk gut long rot bilong ol kakaruk long Manus.

Olsem na i gat bikpela tambu long karim kakaruk i go autsait long Manus provins.

Tasol, i nogat tambu long manmeri i karim kakaruk i go insait long Manus provins.

Long lukluk gut long dispela tambu, ol stok inspekta na ol kworentin opisa long provins bai i gat inap pawa long sekim ol kago na pasindia taim sip i anga or balus i sindaun long graun.

Toksave i go olsem yu husat manmeri i tambu long karim kakaruk i go autsait long Manus. Husat i no bihainim dispela bai kisim sas.

NAQIA i laik tok tenkyu long yupela olgeta long bihainim dispela toktok.

DR. J. C. KOLA
Managing Director (NAQIA)

PABLIK TENDA



PNG Teachers Savings and Loan Society Limited
A member of the Federation of Savings and Loans Societies Ltd.

NOTIS

Long makim ol Bod na Menesmen bilong Sosaiti, mi laik toksave long olgeta memba bilong Tisa Medical Insurance Scheme olsem bikos long bikpela kos bilong ronim menesmen na administresen bilong dispela opis, potnait pe mani yu save putim long dispela skim bai go antap long K6.00. Bipo em K4.00.

Tisa Medical Insurance scheme bai go het yet long givim yu gutpela medikel insurens na wok strong yet long mekim dispela medikel skim i kamap gutpela moa long sevim gut ol memba bilong en.

Long sampela taim i kam nau, Society i bin toktok gut pinis long kisim gutpela sevis na helpim aninit long Tisa Medical Scheme. Olsem na ol dispela gutpela helpim na ol gutpela samting we i kamap bai i go long ol memba.

Long kisim moa save long dispela, toktok wantaim ol dispela opis.

The Loans Manager

PNG Teachers Savings & Loan Society Ltd.
PO Box 6037, Boroko, NCD, Phone: 235 7599, Fax: 325 7679

The Regional Manager

PNG Teachers Savings & Loan Society Ltd, PO Box 1333, Rabaul. ENBP,
Phone: 982 8256, Fax: 982 8255

The Regional Manger

PNG Teachers Savings & Loan Society Ltd, PO Box 787, Mt Hagen. WHP
Phone: 542 2733, Fax: 542 1367

The Regional Manager

PNG Teachers Savings & Loan Society Ltd,
PO Box 1186, Lae. MP, Phone: 472 4368, Fax: 472 5819

ANDREW IMAROTO
GENERAL MANAGER



OMBUDSMAN COMMISSION

PABLIK NOTIS

SENIS LONG NIUGINI AILAN RIJINOL OPIS

Bihain long maunten pairap (volkenu) long Rabaul long 1994, Ombudsman Commission i rausim opis long Rabaul na putim long Kavieng.

Rijinol Opis i go bek nau long Is Nu Briten long nupela hap insait long Kokopo.

Opis long Kavieng bai pas long Fraide Ogas 11, 2000 na nupela opis long Kokopo bai op long Mande Ogas 14, 2000.

Ombudsman Commission opis bilong Niugini Ailan rijon i sanap long Kinabot Estate, Kokopo.

Postal adres: **PO Box 359, Kokopo**
East New Britian Province.

Telepon namba: **982 8792** Fax namba: **982 8953**

Mipela i lukluk yet long sevim ol Ailan Rijon pipel long dispela nupela hap.

STEPHEN P. MOKIS
Secretary to the Commission

**BUSINESS OPPORTUNITY IN
NEWSPAPER SALES IN NCD**

If you own a ute, and live in the National Capital District, then this message is for you.

Word Publishing, a Church-run newspaper organisation, the publishers of

Wantok,

The Independent

and the monthly **PNG BUSINESS**
is looking for a Street Sales Agent in NCD.

An attractive commission is offered for a suitable person.

Contact

Leo Wafiwa on

Ph: 325 2500

to get further details.

COCA COLA

PORT MORESBY NETBALL ASSOCIATION

WEEK 14

Saturday, August 13, 2000.

U10 Pool A - 0800am

- C1 L. Telstars v TST Kempa
C2 Holy Rosary v Chevron P.
C3 BB. Kings v CP. Rebels
C4 Mermaids v Ted Diro

Pool B

- C5 Boreboa v L. Telstars
C6 Bavaroko v Rakaone
C7 Holy Rosary v Mase

U13 Pool A - 0830am

- C1 TST Kempa v LB Mermaids
C2 June Valley v Chevron P.
C3 CP Rebels v L. Telstars
C4 St Theresa v BB. Kings

Pool B

- C5 Hagara v CP Rebels
C6 LB. Mermaids v St Pauls
C7 St Theresa v Ted Diro
C10 TST Kempa v St Peters

Pool C

- C11 St Michaels v CP. Sparrows
C12 Boreboa v Bavaroko
C13 Holy Rosary v Kila Kila Pri
C14 Pari v Wardstrip

U13 Pool D - 0900am

- C9 Rakaone v Bavaroko
C10 Mase v Boreboa
C11 Philip Aravure v Tatana Pri

Pool E

- C12 CP. Sparrows v Hagara
C13 St Pauls v Kaugere
C14 Philip Aravure v Pari
C15 Butuka v Holy Rosary

Pool A

- C1 Kila Kila Pri v June Valley
C2 L. Telstars v Chevron P.
C3 CP. Rebels v LB. Mermaids
C4 Mase v TST Kempa

Pool B

- C5 Wardstrip v CP. Rebels
C6 Ted Diro v St Pauls
C7 St Theresa v Hagara
C8 June Valley v St Peters

U15 Pool C - 10.00am

- C1 Philip Aravure v Badihagwa
C3 Bavaroko v Tatana Pri
C4 St Theresa v Tokarara Pri
C5 Butuka v Boreboa

Pool D

- C6 Bavaroko v St Peters
C7 Boreboa v CP. Sparrows
C8 Kaugere v Pari
C9 LB. Mermaids v Tokarara Pri

Pool E

- C11 BB. Kings v Philip Aravure
C12 Pari v Hohola Youth
C13 Hagara v CP. Sparrows
C14 St Michaels v Holy Rosary

U17 Pool A - 11.00am

- C1 Hagara v LB. Mermaids
C3 Kila Kila Sec v L. Telstars
C4 Chevron Paramana v Tokarara Pri
C5 Badihagwa v CP. Rebels

Pool B

- C6 Badihagwa v Luvooni
C7 Kila Kila Pri v LB. Mermaids
C8 Hohola Youth v Philip Aravure
C9 Ted Diro v Tokarara Pri

Pool C

- C11 Holy Rosary v Boreboa
C12 Gavuone v Mase

U21 Pool A - 12.00pm

- C1 Sogeri v LB. Mermaids
C2 Kila Kila Sec v Luvooni
C3 L. Telstars v Chevron P.

Pool B

- C4 LB. Mermaids v Sogeri
C5 TST Kempa v BB. Kings
C6 Mase v Chevron P.

Senior Golden Oldies

- Court One
01.00pm TST Kempa v Rakaone
02.00pm Luvooni v Chevron P.

Division One - Court Two

- 11.00pm L. Telstars v TST Kempa
12.30pm CP. Rebels v Chevron P.
02.00pm LB Mermaids v BB. Kings
03.30pm CP. Sparrows v Rakaone

Division Two - Court Three

- 01.00pm CP. Sparrows v BB. Kings
02.00pm TST Kempa v Angels
03.00pm CP. Rebels v LB. Mermaids
04.00pm Chevron P. v Raiowai

Division Three - Court Four

- 01.00pm L. Telstars v Kuwaimini
02.00pm CP. Sparrows v PNGBC Kiro
03.00pm TST Kempa v Luvooni
04.00pm Pelagai v Imuty Lele

Division Four - Court Five

- 01.00pm PNGBC Kiro v Logohu
02.00pm Gavuone v Mase
03.00pm Chevron P. v Nabuaton
04.00pm Warumana v Pewaila

Division Five - Court Six

- 01.00pm Aroma Coast v Kold Knights
02.00pm Imuty Lele v Luvooni
03.00pm Kerella v Waigani Tyres
04.00pm Telikom v Hall Sound

Division Six - Court Seven

- 02.00pm Aust. High Com. v Kold Knights
01.00pm Paiga Waina v Pewaila
03.00pm Aroma Coast v Hall Sound
04.00pm Vinto v Mase

Division Seven - Court Eight

- 01.00pm Toba Souths v Kila Kila Sec
02.00pm Nabuaton v Downer Lady Birds
03.00pm Rural Bank v Wanumara
04.00pm Coca Warriors v Waigani Tyres

Division Eight - Court Nine

- 02.00pm Sea Gulls v Holy Rosary
01.00pm Lady Birds v ABO Warriors
03.00pm Toba Souths v Imuty Lele

NATIONAL CAPITAL DISTRICT

VOLLEYBALL ASSOCIATION

PRELIMINARY FINAL

Sir John Guise Indoor Hall.

Saturday, August 12, 2000.

Centre Court

- 09.00 Vailima v Raukete WAR
10.30 Hoppers v U-MI-Yet MAR
12.00 Telikom v NCDC WA
01.30 Hoppers v U-MI-Yet MA

KOIARI RUGBY LEAGUE

Round: 3/3

Sunday, August 6, 2000.

Iarowari (Sogeri)

B Grade

- 12.00 Tigers v Warriors
01.00 Eels v Pukpuks

A Grade

- 02.00 Tigers v Warriors
03.30 Eels v Pukpuks

Note: Both clubs: Owls and Sogeri Choice dropped from competition due to non-payment of registration fees.

Results

Round: 3/2

B Grade

- Eels 18 def Warriors 4
Pukpuks 14 def Tigers 6

A Grade

- Eels 6 def Warriors nil
Pukpuks 9 def Tigers 6

Points Table

A Grade

Table with columns: Club, P, W, D, L, F, Ag, Pts. Rows include Pukpuks, Eels, S/Choice, Warriors, Tigers, S/Ops.

B Grade

Table with columns: Club, P, W, D, L, F, Ag, Pts. Rows include Eels, Tigers, Pukpuks, Warriors, S/Choice, Ops.

Key * All teams one outstanding match to play yet.

SP CUP 2000

Round Ten Results

- Mioks 60 def Gurias 0
Vipers 42 def Bombers 14
Lahanis 18 def Tumbe 14
Eagles 16 def Muruks 10
Bye Warriors

Points Ladder

Table with columns: Team, P, W, L, D, F, A, Pts. Rows include Mioks, Gurias, Vipers, Eagles, Muruks, Warriors, Lahanis, Bombers, Tumbe.

Round Eleven Draw (Sunday, August 13, 2000.)

- Mioks v Bombers (LAE)
Muruks v Tumbe (MDU)
Lahanis v Warriors (KWA)
Vipers v Eagles (POM)
Bye Gurias

PORT MORESBY SCHOOLS SOCCER

ASSOCIATION - 2000 LEAGUE

POINTS LADDER (AFTER WEEK 14)

Under 7

Table with columns: Team, P, W, L, D, F, A, Pt. Rows include Murray B, St. Joseph, East Boroko, Gordons Inter, Murray A, Bambi, Ela Beach, Dame Kekedo, Under 8, St. Joseph, Murray, Bambi, Dame Kekedo, Gordons Inter, East Boroko, Nobletta, Ela Beach, Under 9, Nobletta, Korobosea.

Table with columns: Team, P, W, L, D, F, A, Pts. Rows include Murray, St. Joseph, East Boroko, Gordons Inter, Ela Beach, St. Peters, Under 10, Korobosea, Nobletta, Ela Beach, Bomana, St. Joseph, Bambi, St. Peters, Murray, Under 11A, Korobosea, St. Peters, Ela Beach, Dame Kekedo, St. Joseph, Murray, Deia Salle, Bomana, Under 11B, Bambi, Korobosea, Wardstrip, Tokarara Pri, Gordons Inter, St. Michael, Gordons (1), Pom Grammar, Under 12A, Murray, St. Peters, Bomana, Korobosea, Holy Rosary, St. Joseph, Sevese Morea, Boreboa, Under 12B, Korobosea, St. Pauls, Gordons, Gerehu Ca., Bavaroko, Wardstrip, Pom Grammar, Coronation, Under 13A, Bomana, Holy Rosary, St. Peters, Murray, Korobosea, Moitaka, St. Joseph, Butuka, Under 13B, Evadahana, Ted Diro, Tatana, Wardstrip, Philip Aravure, Waigani Pri, Bavaroko, Gordons, Under 14A, St. Joseph, Pomis, Bomana, Moitaka, St. Johns, Sevese Morea, Waigani Pri, Korobosea, Under 14B, Coronation, Gordons, Holy Rosary, Bambi, Wardstrip, St. Peters, Philip Aravure, Ela United, Under 15A, MM Lawyers, Waigani, Gerehu Ca., Boreboa, Wardstrip, Sevese Morea, Holy Rosary, Korobosea, Under 15B, Bomana, Evadahana, St. Peters, Ted Diro, Philip Aravure, Bavaroko, Wardstrip, Waigani Pri, Under 16A, Deia Salle, Pomis, MM Lawyers, St. Johns, Moitaka, Bomana, Waigani, Hohola Youth, Under 16B, Gordon Sec, Holy Rosary, Don Bosco, Goldie River, St. Peters, Ela United, Wardstrip.

Under 17A

- St. Peters 14 9 2 2 0 1 28 4 29
Pomis 14 7 2 5 0 0 15 7 26
Laloki High Sch. 14 8 4 2 0 0 16 11 26
Hohola Youth 14 6 4 3 0 1 19 14 21
Deia Salle 14 6 4 3 0 1 23 13 21
Maino Heduru 14 5 7 1 0 1 10 17 16
Butuka 14 1 9 2 1 1 3 27 5
Coronation 14 0 8 4 1 1 2 26 4

Under 17B

- Kila Kila Sec 14 6 3 5 0 0 9 6 23
Don Bosco 14 5 2 7 0 0 12 7 22
Gordon Sec 14 6 5 3 0 0 14 10 21
Tokarara HS 14 5 4 4 1 0 15 5 19
Holy Rosary 14 4 4 6 0 0 9 9 18
Goldie River 14 4 6 4 0 0 7 14 16
Wardstrip 14 4 6 3 1 0 5 12 15
Ted Diro 14 2 4 6 2 0 4 9 12

Under 17A Girls

- St. Peters 14 10 1 2 0 1 22 1 32
Gordon Sec 14 8 1 4 0 1 22 5 28
Boreboa 14 8 2 1 1 2 16 9 25
Wardstrip 14 5 4 4 0 0 14 5 22
Hohola Youth 14 6 4 2 0 2 16 10 20
Sevese Morea 14 2 7 3 1 1 4 20 9
Coronation 14 2 9 1 1 1 2 27 7
Pomis 14 0 9 1 2 2 2 21 1

Under 17B Girls

- Kila Kila Sec 14 8 1 5 0 0 21 3 29
Evadahana 14 8 1 5 0 0 15 4 29
St. Pauls 14 7 2 5 0 0 19 3 28
Laloki HS 14 4 6 4 0 0 12 9 16
Bavaroko 14 4 4 4 1 1 4 11 16
Philip Aravure 14 3 6 5 0 0 8 16 14
Hohola Youth 14 2 7 5 0 0 3 18 11
Ted Diro 14 2 8 1 2 1 4 23 7

Under 15 Girls

- Bomana Pri 14 12 0 2 0 0 41 5 36
Korobosea 14 8 3 3 0 0 16 9 27
Wardstrip A 14 8 4 2 0 0 15 9 26
Evadahana 14 6 3 5 0 0 16 7 23
Sevese Morea 14 6 4 4 0 0 18 11 22
Butuka 14 3 8 2 1 0 6 27 11
Wardstrip B 14 2 9 2 1 0 7 27 8
Pom Grammar 14 1 10 1 2 0 5 31 4

PORT MORESBY SOCCER ASSOCIATION

Saturday, August 12, 2000.

Bisini One

- 0800 D2 Dolos v Eda Ranu
0920 W2 Falcom v Pom United
1030 D2 Duau v Bavaroko
1145 W2 Madgauns v Bavaroko
1255 W1 Guria v Sobou
1400 D1 Verave v Sobou
1500 Youth Kurfi-Andra v Tawala
1600 Premier Babaka v PS United

Bisini Two

- 0800 D3 Kutu v Sunset
0920 D2 Nisco v Mungkas
1030 W2 Orogen U18 v Tawala
1145 D1 Kula v Bao Mitas
1255 W1 Tarangau v Cosmos
1400 D1 Cyclone v YM2
1500 Youth Cosmos v ANZ Uni
1600 Premier Tarangau v SP Brewery

University

- 0800 Youth Rapatona v Guria
0920 D4 Rapatona v Guria
1030 Youth SP Brewery v Tarangau
1145 D4 SP Brewery v Tarangau
1255 D4 Blue Kumuls v Defence
0100 D3 Bipi (Jaha) v Buresong

Sunday, August 13, 2000.

Bisini One

- 0800 D3 Aigob v Rainbow West
0920 W2 Murat v SP Brewery
1030 W1 Kula v PS United
1145 D1 Pom United v Nomads
1255 W1 ANZ Uni v Defence
1400 Premier Kurfi-Andra v Tawala
1600 Premier Guria v Rapatona

Bisini Two

- 0800 D2 M/Kayals v WM1
0920 W2 Rapatona v W/Height
1030 M2 Murat v Naniu
1145 D1 B/Mocs v Dobo Futz
1255 W1 Cyclone v WM1
1400 Premier Defence v Blue Kumuls
1600 Premier Cosmos v ANZ Uni

University

- 0800 D4 Tawala v Kurfi-Andra
0920 D4 Cosmos v ANZ United
1030 Youth Babaka v PS United
1145 D4 Babaka v PS United
1255 D3 Muma v Asum
Bye: D1 Adau
W1 Telikom
W2 Adau
D2 Wanzesi
D3 Pom United

PORT MORESBY JUNIOR SOFTBALL LEAGUE

Major Semi Finals

Saturday, August 12, 2000.

Bisini Softball Diamonds

- Diamond One
0900-1030 Holy Rosary v Tisa Zets U15 Boys
1030-1200 AB Bears v Tisa Zets U19 Girls
1200-1330 Gerehu High v NGI U19 Boys
Note: Teams advancing direct to the grand finals on August 18 are:
U15 Boys Division # Manolos
U15 Girls Division # Mixtures and Wantoks
U19 Girls Division # Wantoks
U19 Boys Division # Aisi Bishman Bears



WANTOK SPOT



Kosa wari long fitnes level bilong Kumuls

HENRY MORABANG i raitim

KOSA bilong Papua Niugini Kumuls Bob Bennett i gat bikpela wari tru long level bilong fitnes bilong ol PNG pilaia.

Mista Bennett i autim dispela tingting bihain long em i lukim ol pilaia bilong Pot Mosbi Vipers na Lae Bombers i taitim bun long pilai. Na em i bilip tru olsem ol pilaia i no gat fitnes.

Em i tok olsem PNG Ragbi Futbol Lig (PNGRFL) bai tokaut

long nem bilong 40 pilaia istap long trening skwat bilong Wol Kap long mun Oktoba. Tasol nau yet ol bai i no inap tokaut long nem bikos ol i laik olgeta pilaia i mas pinisim gut sisen bilong ol long nesene kompetisen olsem SP Kap.

Long kamapim level bilong fitnes long stap insait long bikpela kompetisen i bikpela samting tru. Ol tim i save kisim 6-pela wik long kamapim gut level bilong fitnes tasol PNG Kumul bai kisim tripela wik tasol.

Bennett i tok lukaut long ol ova-

sis pilaia tu sapos ol i no tren gut na level bilong fitnes i no antap, ol bai aut tu long tim. Em i tok em i no kea long wanem biknem pilaia bikos Wol Kap em bikpela tonamen ya.

Em i tok level bilong fitnes bilong sampela Kumul pilaia i daunbilo tru. Na em i wari stret sapos ol i ken kisim moa trening long traim apim dispela level bilong fitnes bilong ol pilaia.

Bennett i toktok strong olsem sapos ol pilaia i no gat strong na taim long trening, em bai sori olsem em i no inap helpim ol.

Long arapela stori, Goldie Bareks i orait pinis long larim PNG Kumul i ken yusim koles long holim kem na trening bilong ol. Kem bilong Kumul ya bai stap tripela wik olgeta long Goldie.

Bennett i tok em i save olsem sampela ol ovasis pilaia bai i no amamas tasol dispela em PNG stail trening. Sapos ol i asples PNG orait, ol i mas bihainim kain stail bilong PNG.

Em i tok sapos tim i stap long hotel, ol pilaia bai tingting tumas long gutpela laipstail na ting lus

long pilai. Sapos ol i stap long trening bilong ami, ol i save ol i gat wok long makim kantri long pilai ragbi lig.

Nau yet sampela ol pilaia husat planti man i ting bai stap long skwat em Adrian Lam, Marcus Bai, Stanley Gene, Bruce Mamando, Raymond Karl, John Okul, Elias Paiyo, Alfred Songoro na David Buko.

PNG i stap long sem pul olsem Frens, Tonga na Saut Afrika. Namba wan gem bilong PNG Kumuls em long Oktoba 28.

PNGFA helpim POM skul soka

PAPUA Niugini Futbol Asosiesen i givim 100 soka bal i go long Pot Mosbi Skul Soka Asosiesen long aste long Sir John Guise stadium.

Sekretari bilong PNGFA Ivan Ngahan i givim dispela bal i go long presiden bilong Pot Mosbi Skul soka Channel Kakahe.

Mista Ngahan i tok olsem dispela ol soka bal em helpim PNGFA i givim bihain developmen program long helpim skul soka insait long kantri.

Em i bikpela samting tru olsem ol mangi i mas lainim gut yus bilong ol bal. Liklik bal em bilong ol liklik mangi olsem na dispela em long helpim ol yangpela ya.

Mista Ngahan husat i kambek long FIFA miting long Zurich i tok olsem 203 memba kantri i bin kamap long miting. Na wanpela kantri tasol i no kamap we FIFA i gat 204 memba olgeta.

Dispela helpim bilong PNGFA i bihainim tu developmen program we PNGFA i tingting long putim tim long 2006 Wol Kap. PNG i no inap salim tim long 2002 kwalifaing tonamen na bai redi tasol long 2006.

Dispela em i namba tu taim PNGFA i givim helpim long skul soka insait long kantri. PNGFA tu i bin helpim pinis Lae Skul Soka wantaim arapela 100 soka bal.

Presiden Kakahe i tok em i amamas tru long kisim dispela helpim i kam long PNGFA. Dispela helpim i kamap long taim stret bihain Pot Mosbi Skul Soka i wok long redim tim i go long Australia. Tim bilong Pot Mosbi bai pilai long John Boomben Soka Kanivel na tu Mackay Soka tonamen.



• Sekretari bilong PNGFA Ivan Ngahan (lephan) givim soka bal i go long Presiden bilong Pom Skul Soka Asosiesen Channel Kakahe. Sekretari Joe Turla i sanap namel long witnes.

Foto: HENRY MORABANG.

Em i Gutpela Em i Tuna Em i bilong PNG stret...



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim



OFFICE OF RURAL DEVELOPMENT

P. O. Box 1100
WAIGANI N.C.D

Phone : 328 8380 Fax : 328 8361

Year 2000

district development


program grants

Year 2000 district development



OFFICE OF RURAL DEVELOPMENT

program grants



The Government of Papua New Guinea is committed to improving the way we live in rural areas by developing and funding projects which are aimed at providing a better standard of living.

Each Open Member of our National Parliament will be identifying, in conjunction with provincial and district administration and their community, eligible development projects that are needed most throughout their area.

K89 million has been allocated evenly to the 89 electoral districts under the Year 2000 District Development Program. The Office of Rural Development will administer the implementation of these Government funded projects that will benefit our local communities in every District, of Papua New Guinea.


The types of eligible projects to be funded to improve our Rural Transport are:

- ✓ Feeder roads
- ✓ Bridges
- ✓ Airstrips
- ✓ Wharves



To improve our Rural Health:

- ✓ Aid posts and clinics
- ✓ Rural water supply
- ✓ Health worker housing



To improve Rural Education for our children:

- ✓ Elementary and Primary classrooms
- ✓ Educational staff housing

and to improve our District Administration:

- ✓ CIS buildings
- ✓ Rural electrification

- ✓ Police buildings
- ✓ Administration buildings



These projects will become state assets that will have a long life and long term benefit to the community as a whole.

Each project will be assessed by the Office of Rural Development to ensure they are of real benefit, to the community and can be sustained over time.


All Open Members of our National Parliament are committed to ensuring that these Year 2000 District Development Program Grants are used wisely and are of true benefit to our local communities.

Yia 2000 districk divelopmen

program grant



OFFICE OF RURAL DEVELOPMENT



Gavman bilong Papua Niugini i kirapim wok bilong kamapim rot bilong gutpela sindaun long wanwan distrik na divelopim na helpim long kirapim ol project inap long kamapim gutpela sindaun.

Wanwan Open Memba bilong Nesinol Palimen bilong yumi bai wok bung wantaim districk administreta long mekim wok painim-aut long wanem kain divelopmen project ol i laikim long eria bilong ol.

Gavman i brukim K89 million igo long 89-pela ilektorol distrik aninit long Yia 2000 Distrik Divelopmen Program. Opis bilong Rural Divelopmen bai lukautim ol projects Gavman i helpim long kirapim bilong helpim lokol komyuniti bilong yumi insait long olgeta wanwan Distrik bilong Papua Niugini.


Dispela em ol kain project Gavman bai helpim long kirapim long kamapim gutpela Rural Transport:

- ✓ Han rot
- ✓ Bris
- ✓ Liklik ples balus
- ✓ Wof



Dispela em ol kain project Gavman bai helpim long kirapim long kamapim gutpela Rural Helt sevis:

- ✓ Aid post na klinik
- ✓ Rural wara supply
- ✓ Haus bilong Helt wok manmeri




Dispela em ol kain project Gavman bai helpim long kirapim long kamapim gutpela Skul bilong helpim ol pikinini bilong yumi:

- ✓ Elementary na Primary klasrum
- ✓ Haus bilong tisa

Na dispela em ol kain project Gavman bai helpim long kirapim gutpela Distrik Opis (Administration) bilong yumi:

- ✓ CIS building
- ✓ Rural pawa supply
- ✓ Polis building
- ✓ Administresin building



Dispela ol project bai i kamap samting bilong Gavman na em bai istap longpela taim na givim helpim long olgeta pipol long komyuniti.

Opis bilong Rural Divelopmen bai skelim wanwan project na luksave gut bai em givim gutpela helpim igo long komyuniti na em bai istap longpela taim o nogat.

Wanwan Open Memba bilong yumi long Nesinol Palimen bai lukluk gut long dispela Yia 2000 Distrik Divelopmen Program Grant igo long wanem project, hamas moni igo long dispela project na dispela project bai givim gutpela helpim tru igo long wanwan lokol komyuniti bilong yumi.

Lagani 2000

district hatubua program

heduru grant monidia



OFFICE OF RURAL DEVELOPMENT



Papua New Guinea Gavamani ena laloa badana gunika dekenai noho taudia edia mauri hanamoa totona, hatubua gaukaradia, Grant moni dekenai durua do idia henia diba.

Nesenol Parliament amo, Open Memba ta ta be do provincial bona local level gavamani ida do idia gaukara hebou, umui noho gunika gabu dekenai emui ura bada hatubua gaukara badadia do idia haerodia bona abidia hidi.


Lagani 2000 ena District Hatubua Program lalonai 89 million kina be idia halasia, Papua New Guinea ena 89 electoral districts iboudia totona Rural Development Ofis ese inai gavamani ena hatubua gaukara heduru monina do ia naria bona ia gaukaralaia Papua New Guinea ena district lalonai taunimanima ibounai heduru do idia davaria noho mauri hanamoa totona.

Gunika gabu ta ta lalodia, Rural Transport hatubua bona hanamoa gaukaradia moni dekenai durua do idia davaria be hegeregere:

- ✓ Motuka ena heau dala maragidia
- ✓ Sinavai amo hanai nese
- ✓ Peleini maragidia edia diho gabudia
- ✓ Sisima edia kamokau wafo

Health ena gaukara hanamodia totona durua abia:

- ✓ Aid Post bona kiliniki maragidia
- ✓ Ranu abia vareai gunika gabu SLD dekenai
- ✓ Health gaukara taudia edia noho ruma haginidia totona



Natuda maragidia edia aonega abia dala hanamoa heduru be:

- ✓ Elementary bona Primary sikuli rumadia
- ✓ Education lalonai gaukara taudia edia noho ruma danu haginia totona



Bona District Administration hanamoa be hegeregere inai gabu ta ta ena kahanai:

- ✓ CIS edia ruma hanamodia

- ✓ Paua abia vareai gunika gabu ta ta lalodiai
- ✓ Polis edia ruma hanamodia
- ✓ Gavamani ena Administration ruma haginidia



Inai hatubua gaukaradia iboudiai be gavamani ena kohu badadia, komiuniti lalonai taunimanima iboudiai edia mauri do ia hatubua bona ia hanamoa lagani momo vairadiai.

Hatubua gaukara ta ta be Rural Development ena Ofis ese do ia itadia tao, bona do ia naridia bona regudia vaira lagani lalodiai.

Iseda Nesenol Parliament amo Open Membas edia gwauhamata badana be inai lagani 2000 ena District Development Program heduru monidia do idia gaukaralaidia maoro maoro bona momokani ai local kamiuniti lalodiai taunimanima ibounai edia noho mauri hanamoa totona.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.